

~~C 7835~~
Ud 9200

B. d. 6.



Ad: Perb. Ud 9200

0646007

NOVA GIGANTO- MACHIA,

Contra Sacram Imaginem Deiparæ Virginis
à Sancto Luca depictam,

Et In Monte Claro Czeſtochouiensi

*Apud Religioſos Patres Ordinis S. Pauli Primi Eremitæ,
in celeberrimo Regni Poloniæ Cœnobio collocatam,*

Per Suecos & alios Hæreticos

bi bli o t h e c a S. Vin - excitata, *= centj Wintislavia*
1741.

ET

Ad perpetuam beneficiorum Glorioſæ Deiparæ Virgi-
nis recordationem, ſucceſſuræ poſteritati
fideliter conſcripta

A

R. P. Fr. AVGVSTINO KORDECKI
prædicti Ordinis, protunc Clari Montis Priore.

Anno Domini, M. DC. LV.

CRACOVIAE,

In Officina Viduæ & Heredum Franciſci Ceſarij, S. R. M. Typ.

Ex
Biblioth. Regia
Berolinensi.



A D

Serenissimum ac Potentissimum

JOANNEM CASIMIRVM

Dei Gratiâ

REGEM POLONIARVM,

Magnum Ducem Lituaniæ, Russiæ, Prussiæ,
Mazouiæ, Samogitiæ, Liunioniæ, Smo-
lensciæ, Czerniechouiæ,

Necnon

Suecorum, Gottorum, Vandalorumque
REGEM hæreditarium.

Dominum Nostrum Clementissimum.

R Euiuiscentis opè Matris viuentium.
ideam Tibi præsentamus **R E X**
POTENTISSIME: vt quem
admodum repentino inopinati ho-
stis assultu, calamitosè prostratam vehementèr
doluiſti;

)(2

PRÆFATIO.

doluisti; sic gaudeas maximè, contra peruersorum consiliorum viriumque superbarum molimina, præter communem finitimarum nationum expectationem, diuinitus ab extremo interitu vindicatam. Non magnoperè inuidenda est in Orbe Christiano fors maximorum Principum, qui, vel ciere possunt plurium Regnorum nomina sceptris suis obtemperantium, vel innumera- bilem exercitus multitudinem, inaccessa propu- gnaculorum munimenta, sexigarum reuolutio- nis, capaces murorum latitudines, impenetrabi- libus rupium fastigijs arces cœlo porrectas, osten- tare. Tua hæc est singularis IOANNES CASIMIRE gloria, quod illi præes populo, quem Supremus Vniuersi Dominus, admirandâ dexteræ suæ potentiâ, contra quosuis hostium, ausus, tuetur ac propugnat; quod Regnum id moderaris, cuius Gloriosissima Cœlorum terræq; Imperatrix Deipara, dici se Reginam gloriatur, & arcem sui Principatus in Monte Claro cōstituit. Non immeritò profectò omnes Christi, ac Dei- paræ Virginis cultores, nationi Polonæ ab im- manitate hostium seruatae, epos illud Sancti Re- gis occinant: *Beata gens, cuius est Dominus Deus eius,*
populus

PRÆFATIO.

populus quem elegit in hæreditatem sibi. Si quando, certè nunc in Polonia, suscitauit Deus antiqua poten- tiæ miracula, quæ olim ad defensionem gentis electæ à Madianitis oppressæ, per manus Gedeo- nis exhibuerat. Inuasit superbiâ elatus Carolus Gustauus Regnum Sueciæ, vsurpata per Ordi- nes electione, graui veri hæredis, ac Regum suo- rum Parentum legitimi Successoris iniuriâ; nec exsaturata dominandi cupiditate, pertractis in sententiam quibusdam Machiaulli & Caluini asseclis, inuasit vtramque Poloniam, induciarum fide securam, nullo secundum iura gentium fecia- li præmisso, ad denunciandam offensi animi belli- que suscepti causam. Infudit se in Regnum Ca- tholicâ Religione florentissimū, multitudo gen- tium monstrosa, variarum Hæresum labe conta- minatarum. Suecorum, Finnorum, Germanorum, Pomeranorum, Scotorum, Cassubiorum, Zin- garorum, Silesiorum, Vngarorum, Bohemorum, Iudæorum, Pruthenorum, & quod rei caput est, ciuium quorundam viperino morfu Patriam e- necare parantium. Exulare & alienis sedibus hædere coacti, Summi Ecclesiæ Rei que publicæ Principes, digitis plebeculæ sortem Patriæ no-
stræ

PRÆFATIO.

stræ miserantis, ac ludibrijs insultantis Hæreseos expositi. Dirutæ Arces, euersæ Vrbes, Nobiles compedibus adstricti, imbellis ætas & sexus, ferro, carceribus, vel fæda seruitute absumpti. Templâ sacrilegijs contaminata, confracta sacrae supellectilis vasa, aræ subrutæ, Sacrae Imagines eiectæ, confossæ, igni datæ; Corpus Christi Domini Sacratissimum terrâ disiectum & conculcatum, monumenta mortuorum reserata, excussa cadauera, Ministri altaris torti, trucidati, patibulis affixi. Omne quod suggessit furibunda licentia, perpetratum. Fumabant Sanctarum ædium tecta, in fauillis quærebantur pagorum vestigia, aduersis pectoribus iacebant per agros corpora Nobilium, nullâ culpâ, nisi quod Polona. Quid tum faceret Polonus! Clamauit ad Dominum, postulans auxilium. Et quàm bene precatus olim Angelus Domini Gedeoni: *Dominus tecum. Virorum fortissime, vade in hac fortitudine, & liberabis Israel de manu Madian.* Tàm felici euentu Tibi REX POTENTISSIME, benedictionem impertiuit Maximus exercituum Domini Angelus ALEXANDER VII. Pontifex Optimus, & Summus Ecclesiæ Catholicæ Nauarchus.

PRÆFATIO.

chus. Porrò quemadmodum non prius se ad pugnam Gedeon accinxit, quàm diuinitus obtinisset signum præsentaneæ victoriæ, Vellus rore coelesti madidum; ita demùm bono animo iuere in hostem Poloni, quando Vellere Gedeonis Mater Virgo adumbrata, incendia Montis Clari extinxit, & rorem vigoris pugnantorum animis instillauit. Gaude isto tam perspicuo Diuinæ benignitatis in Poloniam symbolo, & non dubio Deiparæ, cui Te, Tuumque Regnum, piâ Religionem obstrinxisti, patrocinio REX POTENTISSIME; atque hac cœlitus data fortitudine, prosequere optatam victoriam, de ipsis inferni portis triumphaturus, si hostem nomini Mariano infensissimum, ac in Regno Tuo Religionem Orthodoxam euersum iri superbâ voce detonantem Hæresim debellaueris. Viuat felicissimè Beatissimus Dominus Apostolicus ALEXANDER VII. & deuotam sibi Poloniam Paterno fauore prosequatur. Viuat IOANNES CASIMIRVS Inuictissimus Rex Noster, Ecclesiæ Dei pius & strenuus Propugnator. Viuant generosa Militum Polonorum pectora, & Sanctæ Sedis Romanæ honorem & au-

PRÆFATIO.

toritatē in studio indefesso, & inuidiā virtute tue. antur. Ruat impia in baratrum Hæresis, publicæ pacis ruina, & securitatis Ciuium proditrix. Accipe Sacrum hoc victoriarum Omen (quod Mons Clarus stetit inexpugnabilis beneficio Deiparæ) REX POTENTISIME, quod ut in prosperrimos exeat successus, Altissimæ Maiestati vota supplices nuncupabimus; & nos fideles ac deuotos clientes, solita Clementia protege ac defende.

S. Regiæ Maiestatis Vestræ


Humillimus Exorator

& Seruus

Fr. Pr. Augustinus Kordecki, Ordinis FF. S. Pauli Primi Eremitæ, Prouincialis. Suo & totius Conuentus Clari Montis Czeszochouiensis nomine.

AD LECTO-

AD LECTOREM.

 *ST* in Polonia Minore, Diœcesis Cracouiensis, Mons Czeszochouiensis, quem Maiores Clarum dixerunt, quod iucundum usquequaque molli decliuitate Viatoribus aspectum exhibeat, leui fastigio in verticem, à solidâ rupe assurgens. Eius denominationis celebritatem, auxerunt insignia miracula, quibus ibi corruscat Imago Deiparæ Virginis, à Sancto Luca depicta, in Mensa Cupressina, ad quam IESVS Filius Dei Matri suæ dulcissimæ & Sancto Iosepho Nutritio, in Domo Nazarenâ conuesci solebat. Eam Hierosolymus Constantinopolim, & inde in Russiam translata, Leo Dux Russiæ in Castro Belzensi deposuerat, & post quingentos circiter annos, Vladislavus Dux Oppoliensis, Anno Domini, 1382. tunc Prorex Poloniæ hic collocavit, grandi & non ineleganti Basilicaeducta, & Monasterio exædificato, Patribusque Ordinis Sancti Pauli Primi Eremitæ, sub Regula Sancti Augustini militantibus, ex Vngaria vocatis attribuit. Cum autem Omnipotenti Deo placuisset, singularibus benignitatis suæ fauoribus, & gratijs locum illustrare, atque ad colendam suæ Matris Imaginem, maximis beneficijs Catholicorum pietatem inuitare, cæpit non ab Incolis Regni duntaxat, verum etiā à finitimis & longinquis nationibus, Roxolanis, Lituaniis, Samogittis, Borussia, Cassubijs, Croatis, Dalmatis, Liuanibus, Vngaris, Dacis, Moldauis, Albanis, Morauis, Silesijs, Bohemis, Saxo-

Saxonibus, piâ visitatione, & donarijs Regum, Principum, Ducum, Antistitum, Senatorum, Nobilium populariumue frequentari. Atque ut pretiosum depositum Sacrae Imaginis, à quo tot Dei beneficiorum in suos Cultores thesauri promerentur, securius ab hostium deprædatione, quæ iam ante à Zysca Bohemo Hussita, Anno Dñi, 1430. Loco Sacro contigerat, seruaretur; Templum & Monasterium muro, qui sumptibus Religiosorum magna iam ex parte steterat, piâ & heroicâ liberalitate cinxit, & propugnaculis muniuit **V L A D I S L A V S** Quartus Rex Poloniarum Inuictissimus. Quo tempore & Illustrissimus ac Reuerendissimus Dominus Matthias Lubinski, Archiepiscopus Gnesnensis, Legatus Natus, Regni Poloniae Primas, ac Primus Princeps, atrium Sacelli, in quo primitus Sacra Imago fuit collocata, magnifico sumptu ampliavit, & in formam Basilicæ reduxit. Carolus Gustauus Rex Sueciæ, cum Anno Domini 1655. Poloniam utramque inuasisset, & omnes Regni ditiones populatus, Ecclesiarum Sacram suppellectilem, & thesauros compilasset uniuersos, indignum ratus, si Monasterium Czeszochouiense, immune à direptione sui exercitus stetisset, misit cum magno Copiarum agmine Millerum Militiæ Præfectum, ad illud expugnandum: Cuius oppugnationis seriem hic lege, ac Magnæ Cælorum Terræque Imperatrici Deiparæ Virgini in Monte Claro, de peruicacibus Hæreseon conatibus, & sacrilegis ausibus triumphanti, mirandorum Dei operum Spectator venerabundus applaude.

APPROBATIO.



QUAE Serpentis Infernalis superbum contriuit caput, eadem Augustissima Virgo & Mater Dei, impia Suecorum & aliorum A catholicorum arma in excidium Regni Poloniae, Catholicaeque Religionis insolenter sublata, ad Clarum Czeszochouiae Montem felicissime confregit, hostem Sacrae gazæ auarè inhiantem ignominia saturatum, gloriosissime repressit. Quod insigne Virginis Deiparae in Poloniam beneficium, & Defensorum in Serenissimum **IOANNE M CASIMIR V M**, Poloniae & Sueciæ Regem, Orthodoxum (hunc enim titulum à Summo Ecclesiae Pastore **ALEXANDRO VII.** meruit piissimus Princeps) præclara & constans fides, ut Orbi palam fiat, & ad posteritatis memoriam transmittatur. Adm. R. P. Augustinus Kordecki, protunc Claramontani Cœnobij Prior, seriè Oppugnati ac Defensi Clari Montis fideliter connotata adlaborauit, cuius pium studium dignum prælo iudicaui, 20. Octob. Anno Domini, 1657.


Hyacinthus Liberius, S. T. D. Praepositus Ecclesiae SS. Corporis Christi Canonorum Regularium, Librorum in Diœcesi Crac. Censor.



*Virginis effigiem Lector cognosce MARIE
Quam claro victor Monte Polonus habet
Hæreson postquam deuicit monstra per orbem
Hæc sibi victricis Monte trophæa locat.*



N O V A
GIGANTOMACHIA
f N
CLARO MONTE
CZĘSTOCHOVIENSI.



Vm DEVS Opt: Max. vindicem
peccatorum gladium, contra Polo-
niæ Regnū exere decreuisset, præ-
dictionibus & præfagijs futuræ cor-
reptionis præmonitos incolas ad
conuersionem excitans, permisit: vt
præter prodigia multa cælo terrâq; nata, sacræ Numi-
nis ædes media hyeme fulminum ictibus fatiscerent,
& in locis pluribus de cælo tactæ turres corruerent;
inter quas eminens Montis Clari, alto superba &
diues fastigio, fortuito incendio conflagrauit, Anno
Domini, 1654. die decima Februarij. Sed & illud è
cælo portentum stupentes mortalium animos exter-

*Signa præcō-
dentia irru-
ptionem Sue-
corum.*

A

ruit

Nova Gigantomachia

ruit maximè, quod Anno eodem die nona Iunij, in facie Solis occidentis apparuit. Super nasum Solis visa est Crux in cor conuerti, quod cum gladio transfixum declinans in partem faciei Solis sinistram, stetit sub oculo. Sub altero autem faciei solaris oculo, visa est armata manus pomum tenens, quod de manu per oculum in frontem se attollens, in quatuor partes est diuisum, ac super orbem Solis ascendens, in virgam conuersum.



Anno igitur sequenti, Flagellum Dei contra Polonos erupit ab Aquilone, Carolus Gustauus Rex Suecorum

in Claro Monte Czesztohouiensi.

corum electus, (nam illud Regnum ad IOANNEM CASIMIRVM, Regem Poloniarum, iure successionis pertinuit) & occupatâ Maiori Poloniâ, in Minorem transiturus, ordinauerat primùm, exercitus parte cum Radziciouio præmissâ, Monasterium Czesztohouiense inuadere; ratus opportunum thesauris & sacra suppellectili Czesztohouiensis Basilicæ, copiarum vires augere, quò ad oppugnandam Regni Metropolim Cracouiam formidabilior accederet, ac interceptis finitimis Arcibus, & sufficientibus Præsidijs munitis, nullum metuens periculum, aut Regno facilius potiretur, aut per Regnum sibi tutius grassandi faceret accessum.

*Sueci ab inuisione Monasterij auer-
tuntur.*

Dum hæc Sueci Calissij agitant consilia, intentos eorum euentus, ingruens Polonorum exercitus perturbauit, fecitque hosti necessitatem aliò diuertendi, & ansam porrexit occupandi primùm Culum, Lanciciam, Louicium, Varsauiam. Tandem vbi Cracouiam irrupit Suecus, animum ad destinatum flectens propositum, tria millia lektorum Equitum Czesztohouiam versus direxit. Sed neque hæc prosperum exitum sortita est expeditio; Gustauus namque famâ de aduentante Quartianorum exercitu acceptâ, Cracouiâ mouit, ac vniuersas secum duxit copias, Præsidio ad propugnandam Metropolim relicto. Postquam verò rebus cum Regni Ducibus Corcinij compositis, Varsauiam peruenit, Præfectū mili-

A 2

tia, vt

Nova Gigantomachia

tia, ut vocant, Generalem Millerum cum parte copiarum misit, ut Czesztochouense Monasterium in suam redactum potestatem, Præsidio firmaret.

*Comes à
Wrzeszczewicz
primus aggre-
ditur Czeszto-
chouiam.*

Præcepit mandatum Ioannes Veihardus, Comes à Wrzeszczewicz, & Gustauo gratificaturus præcucurrit, copiisque sub Monasterium ex improviso adductis, circa noctis medium horâ ferè decimâ, insolito clangore tubarum ad terrorem excitato, aures ascetarum perculit vehementer, misitque confestim legatos, qui nunciarent Religiosis. postquam se totum Regnum, Sueciæ Regi submisit, se huc missum, ut ij quoque Monasterium suæ traderent potestati; secus facturis, graue periculum minitarentur, & extremam cladem, quam repugnantes suæ voluntati, subire deberent à quatuor millibus militum, quos ad murum mox esset appliciturus, atque omnes Monasterij Possessiones in fauillam versurus. Negantibus constanter accessum Religiosis, fauorem erga Locum Sacrum furori obtendens, in crastinum diem negotium distulit.

*Expostulant
Religiosi cum
Comite de in-
uasione Mo-
nasterij.*

Inclarescente igitur die, miserunt Religiosi ad Comitum de medio sui Patres, Fratrem Benedictum Iaraczewski, & Fratrem Marcellinum Tomicki, qui nomine Conuentus exponerent: se mirari vehementer, & prorsus ignorare, quid causæ sit? quod Dominus Catholicus, contra Locum Sacrum, cuius non multò ante protector eximius & patronus munificus extitisset,

in Claro Monte Czesztochouensi.

extitisset, hostilem induerit animum: portasque nocte intempestâ Monasterij, ad horribilem tubarum sonum sibi aperiri mandauerit. Orare Patres omnes, & obtestari per fidem Catholicam sacraque omnia, ut se ab hostili perturbatione liberos, pacatæ vitæ studijs, iuxta Religiosum institutum vacare permitteret: & ea fide atque beneuolentiâ, quam ante semper experti fuissent, sub alis protectricibus patroni sui singularis quiescere liceret indemnes, & intrepidus. Non latet (inquit ille) vos boni Patres, quo animo semper erga Locum hunc Sacrum, & vestram Congregationem, vestrumque singulos fuerim; quâ fide & constantiâ patrocinator, quibusque beneficijs prosecutus, nihil in præsens attinet dicere. Igitur sic vobis de me velim persuadeatis, nihil omnino præsentis rerum tempestate, temporisq; vicissitudine, de meo erga vos studio & beneuolentiâ usitata diminutum. Amicus etiam nunc venio, non hostis. Monasterium vestrum fidei meæ intrepidi permittite: ita enim tempus & rerum status suadet, ut optata quiete potiamini, & Religiosâ securitate gaudatis. Integram vobis rei sacra suppellectilem, necnon bona & possessiones vestras illesas fore strenuè polliceor: mihi ipse necessarios sumptus, quin vobis etiam prouidebo ac suppeditabo. Considerate itaque diligenter, quantum opera pretium feceritis, si votis obsecuti meis, potestatis meæ volueritis esse Monasterium: prospexeritis prudenter, ne vos grauior tempestas obruat, ab im-
pendente

*Suadet de-
ditionem
Comes.*

pendente iam iam exercitu Milleri, Praefecti Militiae, hominis heterodoxi, cuius iussa tantò vobis instant duriora, quantò ab Orthodoxa Religione remotior est. Ferendum erit necessario, quidquid rigidior exactor sciverit: Et tandem vos serò, magno cum animi corporisq; dolore, sprete pacatioris consilij penitebit.

*Deliberant
Religiosi, faciendane sit
deditio Comiti.*

Permouit non mediocriter Religiosos recens memoria beneficiorum Comitis, & futuri pollicitatio fauoris; tamen quò minùs obsecundaretur suasi suo, insultus hesternus frequentior, feruenter occupans Religiosorum animos, obstitit, firmosque tenuit in sententia defendendi Monasterij: motos praesertim alienis periculis, quorum spem vaser, & inconstans promissor Suecus elusit. Concordibus igitur omnium calculis, conclusum est: *In hoste nihil non esse timendum.* Deinde, honoris ergò, à Nobilitate, quæ tum fugiens furorem bellicum in Monasterio degebat, petito consilio, quid & illa in hoc casu faciendum censeret? G. D. Stephanus Zamoycki, Ensisfer Sira-diensis, vir prudens, & magni animi, ac in arte militari paucis conferendus, omnem penitus haesitationem ex mentibus deliberantium exclusit, sic locutus: *Vestri agitur causa. PP. Reuerendi: pensatà ergo potentia hostilis exercitus, & vestra ad resistendum ei facultate, iuxta vires & munitionis apparatus, propriam sequimini voluntatem.* Certè nos quia hic peregrini sumus, agrè consilijs vestris lumen asferre possumus: at-

*Dissuadet
deditonem
Zamoyckus.*

tamen,

tamen quia à vestris Reuerentijs sumus requisiti, quid faciendum sentiamus? dum nulla urget necessitas, absit, ut obediamus hostis voluntati: turpe enim & iniquum est, ignominiosà deditioe incertam pacem ab hoste perfido postulare. Sponte huc & amore Loci Sacri, sub Gloriosissima Deipara praesidium, cum Coniugibus & liberis charissimis confugimus; fide proinde constanti decretum nobis est, vobiscum Patres Religiosissimi vivere, vobiscum, si ita Deus voluerit, mori potius, quàm ullam fidei seruitutis legem acceptare, vel Sacrorum contaminationem intueri. Profectò Magna Superni Numinis Parens, quæ nobis indidit desiderium sui honoris, aduersus impias Hereticorum blasphemias defendendi, aderit pijs suorum Clientum conatibus, & iuste defensionis progressus secundabit.

Mittuntur iterum iidem Patres, qui pristinà in memoriam reuocatà consuetudine Comiti, & rei quam postulabat enucleatà indignitate, rogarent à proposito desisteret, vel tantisper vellet supersedere, dum quid factò sit opus in tam arduo negotio, Patres, qui à Superiorum voluntate per omnia penderent, ab Admodum Reuerendo Patre Prouinciali, (fungebatur autem Officio Prouincialatus Admodum R. P. Theophilus Bronowski, Vir præclare de Ordine meritis, & tum in Silesia in Conuentu Glogouienfi sui Ordinis morabatur) declaratum haberent. Redeunt Patres, oleum & operam in emol-

B 2

liendo

Offeruntur
Conditiones
deditiois.

Noua Gigantomachia

liendo feroci pectore se perdidisse questi: promittitque alter illorum chartam, cum conditionibus deditio- nis à Comite descriptis, quibus nisi Patres obtempe- rarent, in Villas eorum flammis se grassaturum mi- nitatus est. Tenor earum is:

Hodie Nona Nouembris Transactio facta cum Il- lustrissimo Domino, D. Joanne Veihardo, S. R. I. Comite ab Wrzeszczewicz, Sacrae Regiae Maiestatis Suecorum à Consilijs, Status & belli Supremo Genera- li, Vigiliarum Praefecto, & Colonello Equestris & Pe- destris legionis ex una: & nomine Serenissimi & Po- tentissimi Principis ac Domini, D. Caroli Gustavi, Suecorum, Gottorum, Vandalorum, &c. &c. Regis, Domini sui Clementissimi. Et ex parte altera cum Ad- modum Reuerendis, Priore, Suppriori, caeterisque Pa- tribus, & toto Conuentu Czeszochouienfi, siue Clari Montis. Et ea transactio ab utraque parte in omnibus clausulis & punctis Sacrosanctè obseruari fide Sancta & inuiolabili promissa. Et est de verbo ad verbum taliter:

1. Clarus Mons una cum Monasterio, fortalitijs, propugnaculis, se subdit in fidem Comitis Sacrae Regiae Maiestatis Suecorum, Sacramque Regiam Maiestatem pro Protectore suo Clementissimo veneratur.

2. Omnes Religiosi quotquot sunt, à primo ad ul-
timum,

in Claro Monte Czeszochouienfi.

9

rimum, fide Sacerdotali & Religiosa iurant, & promit- tunt Sacrae Regiae Maiestati Suecorum Carolo Gustavo fidelitatem, respectum & obedientiam, renuntiantque omnibus confederationibus, conspirationibus, compro- missionibus, transactionibus Regis IOANNIS CA- SIMIRI, ipsiusque addictis.

3. Conuentus recipit in Gubernatorem fortalitij & praesidij praedictum Comitem à Wrzeszczewicz: cui etiam eiusque Officialibus Maioribus atque Minoribus, omnem fidelitatem, & honestam cointelligentiam, re- spectum, & respectuè obedientiam, quoad militaria pollicentur.

4. Praesidium recipient, numerum militum constan- tem, nullumque maius modò, & nullo alio tempore, nisi extremam necessitate imponetur.

5. Omnia tormenta, pulueres, caeterasque munitio- nes, quo nomine illa appellantur, praedicto Comiti, cum certo specificato registro extradentur, & sub pena vite, à Patribus nihil in hac materia celabitur, etiam omnia loca subterranea, quae fortalitis nocua essent, praedicto Comiti aut eius locum tenenti monstrabuntur sub ea- dem pena.

6. Milites omnes, quos habent, siue haidones, siue alios, statim licenciabunt, nullumque militem, siue palam, siue clam, sine expressa Comitis, aut eius locum tenentis licentia in Monasterio sustentabunt, habebunt, au- alent.

C

7. Abre-

Noua Gigantomachia

7. Abrenunciant omnibus correspondentijs cum inimicis Sacra Regia Maiestatis Suecorum, siue literis, siue verbis, siue quibuscunque modis potest fieri, & sacrosanctè pollicentur omnia ea, quæ ipsis innotuerint, in damnum Sacra Regia Maiestatis Suecorum fieri, tempestiuè reuelare, & ijs malis cum omni sua potentia & firma fideitate obuiam ire.

8. Et ultimò in gratitudinem predictæ transactionis, predicti Patres & Conuentus, promittunt se prenominato Comiti & Generali summam in tali tempore paratam exsoluere.

E contra Comes supra nominatus promittit nomine Serenissimi & Potentissimi Caroli Gustavi, Suecorum, Vandalorum, &c. &c. Regis, Reuerendis Patribus totiq. Conuentui, &c. &c.

*Respondent
Religiosi.*

Breuitèr ad hæc à Patribus responsum: Religiosos, qui se votis Deo singulariter adstrinxissent, ad mentem profani hominis iurare, sacrilegum esse: loca Diuino cultui consecrata, heretica prauitate contemnerare impium: sibi destinatum esse honestè potius occumbere, quàm impiè viuere. Proinde minetur quæ nolint Patres D. Comes: certè quæ vult, non facient vnquam. Excanduit

*Incenduntur
domus ad S.
Barbaram.*

pseudo-Catholicus, & mox flammis ædificio, Templo S. Barbaræ proximo iniectis, citato cursu, indignabundus Krepicium tetendit, bino trinouè tormentorum ictu depulsus. Inde quarto abhinc die, submissis Krepicensis Præsidij copijs, irruptione factâ

in bona

in Claro Monte Czeszochouensi.

in bona Monasterij, armentorum & pecorum abegit amplius quadringenta. Deinde furore minimè remisso, Millero, qui tum ex Siradiensi Palatinatu in Prussiam expeditionem ordinabat, obuiam procurrit, suadens inaturandam oppugnationem Monasterij. Nec difficilem præbuit aurem, homini scilicet Catholico, Caluinianæ superstitionis assecla, præsertim diuitias Monasterij iactanti, & reconditorum inibi depositorum Nobilitatis opulentiam venditantis facile se ad expilationem thesauri spe augendi exercitus in Prussiam, tam facundâ persuasionem trahi permisit.

*Comes Millerum ad aggre-
diendum
Monasteriū
inuitat.*

Miserat interea Conuentus duos ex Patribus Cracouiam ad Vitembergium. Summum Militiæ Sue- ticiæ Marschalcum, specie quidem literarum securitatis obtinendarum: re autem ipsa, quid ille de suo Monasterio faciendum apud se constituisset explorandi: eam ob rem potissimum illuc missi, rectè Alemannorum callentes idioma. Hi sub idem tempus redeuntes nuntiârunt: securitatis literas Monasterio dati, non ægrè tulisse Vitembergium, imò mandasse Cancellariæ Præfecto, vt eas quamprimùm consignari faceret, ad dispositionem vltiorem circa illud. Quæ responsio, quanquam anxium iam ante de munimine Monasterij Superiorem, magis sollicitum reddidit. Itaque consilio cum Patribus omnibus communicato, & rogata sententia singulorum:

*Mittuntur
Patres ad
Vitember-
gium, men-
tem eius ex-
ploraturi.*

postquam eadem omnium steterisset voluntas, ad defendendum Monasterium imperterrita, re Domino Deo, & Beatissimæ Virginis Matris patrocinio, in cuius tutela peculiari esset locus, commendatâ, omnem cogitationem vertit ad resistendum hosti, modumque, qui tum videbatur magis idoneus, nequaquam putavit omittendum.

*Impedimen-
ta defenden-
di Monaste-
rii tolluntur.*

Erant ad læuam descensus Montis Clari, complures institoriaæ tabernæ, per longum tractum ad mœnia propugnaculi porrectæ, in quibus prostabant multa venalia, quæ ad augendam facerent pietatem Catholicorum, & peregrinorum, locum miraculis illustrem visitantium: ut pote, Sacræ Imagines, Grana precatória, Libri, & id genus cætera. Eas, quia commodum præstare poterant hosti sub mœnia insultum, præfatus Superior demoliri iubet. Nec parum vicinioribus ad radicem Montis, ob eandem causam ædificijs: copias peditum exercitatorum auget. Supplicem libellum offert Serenissimo Poloniarum Regi IOANNI CASIMIRO, qui tum ad Ducatum Opoliensem cogendi exercitus causâ secesserat; nam hostium potentiâ exterritâ Nobilitas, tempestates exosa belli, spe pacis & securitatis à Sueco inescata Martio stridori, qualem qualem tranquillitatē præferens, in domos dilapsa, eidem magna ex parte adhæserat, Verum in tam celeri hostium cursu, non poterant à Rege auxiliares sperari suppetiæ, hostium numero,

*Supplices li-
belli mittun-
tur variis.*

numero vel viribus pares. Scribit Illustri Domino Stephano Czarniecki, Castellano Kiouienfi, qui omnium maximè subsidio venturus Sacro Monti credebatur, quòd statua copiarum in vicino Ducatu Seueriensi teneret; nisi excedens Cracouiâ, fidem ante Sueco dedisset, se contra illum intra tempus constitutum arma non sumpturum. Scribit & insignioribus hostilis exercitus Præfctis, præcipuè Comiti à Wrzeszczewicz; cui etiam Imaginis Claromontanæ Deiparæ Ectypum in ære affabre depictæ missum est, ut si gratiâ Religiosorum, quibus suam hactenus testatus esset amicitiam, à cæptis animum auocare nollet, daret saltem honori Deiparæ mitiora consilia, cuius se beneficio seruatum in Monte Claro amplissimis fuisset donarijs contestatus. Scripsit & Sadowio, Suecorum Regis, ut vocant, Colonello, orans, ne perditum ire vellet Locum Sacrum, Regum & Ducum non intra Patriam modò degentium; verum etiam Principum externorum, pietate & votis insignem, peregrinationibus & supplicationibus Bohemorum, Morauorum, Silesiorum, & vicinorum quorumque, ad Sclauonicam Dialectum pertinentium, celebrem. Modestior is & benignior rebus Catholicorum, quamuis à dogmatibus esset Lutheri, literis perlectis, hoc Patribus ad se missis dedit voce consilium in partem accersitis: *Sustinenda vobis, ô Patres, ingruentis belli moles, ita tamen, ne aliqua ir-*

*Scribitur
ipsimet Co-
miti & Sa-
doui.*

*Respondet
Sadowius PP.
ad Suppli-
cem libellum.*

D

ritatio-

Idem diffua-
det Millero,
ne accedat
Monasteriū.

Tumidum.
responsum
Comitis ad
litteras D. Ca-
stellanei Cra-
coviensis.

D. Castella-
neus Crac. de
Leco Sancto
solicitus.

ritatione vestra hostis ferocior euadat: tractando potius,
nunc has, nunc illas deditiois conditiones proponite, do-
nec placitura vobis offerantur. Millero deinde suavit,
ut alium quempiam loco sui pro Monasterij oppu-
gnatione surrogaret. *Que enim (aiebat) laus fuerit,
Monasterium expugnasse, cuius virtuti maiora olim
cessissent munimenta! quod si Monachi superiores eua-
serint, quantam labem sera posteritate nomini tuo asper-
seris, qui ab imbelli turba superatus fueris?* At Comes
à Wrzeszczewicz, munere, prece, demissione Religio-
sa nihilo placatior, non superbiā minis, quā bla-
sphemiā turgidus, ad litteras Illustrissimi D. Stanislai
Warszycki, Castellani Cracoviensis, Senatoris Regni
Primarij, ab impio facinore se dehortanti respondit:
*Eat nunc, si placet, D. Castellaneus, & Locum Sacrum
illum, pro sua pietate defendat; en adest Regius exerci-
tus, &c.* Nullam occasionem prætermisit unquam
Locī Sacri, & augendi decoribus, & à maleuolorum
conatibus defendendi, primarius hic subselliorum
secularium in Republicā Polonā Senator, ita tunc
maximè opportunum ratus homini Catholico per-
suadere, ut à sacrilegā Montis Deiparæ, honori pri-
dem consecrati, oppugnatione supersederet: non
imprudenter æstimans, suæ dignitatis auctoritatem
plurimum momenti habituram apud eum, qui be-
neficio salisfodinarum Veliciensium, quas tenuerat,
Polonis, esset obstrictus: ac quod rei caput est, singu-
laris,

laris & beneficus olim Montis Clari Patronus exti-
tisset, donarijs præcipuis cultum Sacræ Imaginis con-
testatus. Pluribus idem tum argumentis testatus est
erga Diuam Claromontanam cultus sui feruorem, ut
quod pro Religiosorum armentis, ab hostili exercitu
asactis, lytrum miserit florenos trecentos, & duode-
cim maiora tormenta Monasterio subministraverit,
ad resistendum hostili potentia; ne Sacer Locus Hæ-
reticorum impietate contaminaretur. Hoc certè
laudi maximæ ipsius accenseri debet, quod curam
Locī Sacri, iam iam in manu hostium penclitantis,
qualicuit via, sustinuerit. Veniunt interim ex Vie-
lunensi Conuentu Pr. Hiacynthus Rudnicki, eius-
dem Ordinis Professus, & breui post, G. D. Michael
Chlebowiki, qui nuntiant, Millerum cum nouem
millibus copiarum, & maioribus tormentis 19. & re-
liquo apparatu bellico, Vielunio Czeszochouiam
verius mouisse, cum auxiliaribus turmis Comitis à
Wrzeszczewicz, Venceslai Sadowski, Ducis Hassiæ,
& duorum ex Polonis, ut vocant, Coloneiolorum, cer-
tò certius die 18. præsentis huc peruenturum.

Titubare caperant eo nuntio animi nonnullo-
rum non bene fidentium, domesticis viribus, aduer-
sus hostem militari arte diu exercitatum. & ferè sub-
actā Poloniā fortuna benigniore insolentem ac su-
perbum: cum præsertim P. Prior Vielunensis, vires
Monasterij non pares fore, ad reprimendam vim ho-
stium,

Nuntiat
aduentus
Milleri ad
Clarum
Montem.

Claromonta-
ni turbati
aduentu ho-
stis, à Super-
iore animi-
mantur.

stium, æstimans, qualis qualis pacis media potius sustinenda suaderet, quàm ancipitis Martis euentui aleam committendam, ne prætermisforum tractatum deditionis, serò tandem totum Conuentum poenitere deberet. Verùm Clari Montis Superior, postquam omnem cogitationem, curamque ad propugnandum gratiarum Dei, & Regni Poloniae Sacrarium, locum plurimis & maximis inclytum miraculis, contulisset; imperterritio animo suscepti propositi, Fratres admonuit; suasitque, ut propugnando vitam deuouerent Virginis Deiparæ honori, quæ tot tantaque beneficia, hinc in gentem Poloniam, largâ clementiâ effundit: memores & fidentes, non minùs Clientibus & excubitoribus suis, in tanta necessitate fore propitiam.

Hostis accessit, & obsedit Monasterium.

Itaque die 18. Nouembris, omnes Patres Congregationis Religiosæ, ac quotquot sæculares diuertant ad Diuinæ propitiationis asylum, conuocat: Missæ solenni ad Aram Beatissimæ Virginis ut adsint, deuotè hortatur; Diuinissimum Eucharistiæ Sacramentum, circa muros & propugnacula, publicè cum supplicationibus ferri iubet; tormenta, bombardas maiores, minoresque, globos plumbeos & ferreos, pulueris pyrij vasa benedicit, & ut intrepidi hostem præstolentur, diuisis antè defensionis officijs, animosè monet. Ecce horâ secundâ ferè pomeridianâ, glomerantur agmina hostium: quibus ad radicem Montis Clari,

tis Clari, è regione Monasterij venientibus, Præfectus Maior Millerus, literas ad Patres, & alios tunc in Monasterio morantes, per subditum Conuentus, de Villa Lgota, tenoris sequentis præmisit.

Admodum Reuerendi ac Nobilissimi Patres, ceterique Arcis ac Monasterij Czeszochouiae Inhabitatores, Domini & Amici honorandi.

Scribit Millerus Religiosus.

Dominationibus Vestris, cum significatione officiorum & beneuolentiæ testatum facio. Cùm S. R. Maiestas Sueciae, Dominus meus Clementissimus, de rebellium quorundam in Maiori Polonia conatibus, certos accepisset nuntios, quòd sua Maiestas non modò ad compescendos illos, sed & porrò ad limitaneas Arces, aduersus quamlibet inuasionem aliquo presidio firmandas, me eò cum iusto exercitu mittere fuerit coacta. Quando igitur ad hos limites progressus sum, iamq; Monasterio Vestro Regius exercitus imminet, cui, ut conueniens presidium imponatur, serium est S. R. Maiestatis mandatum: Vestro ex commodo fore putavi, si vos eius rei gratia, primùm ac maturè commonefaciam. Quod dum facio, vos seriò adhortor, ut sine ulteriori circumductione, aliquos cum liberâ potestate mittatis, de quantitate presidij, alijsq; ad hanc rem pertinentibus, mecum deliberaturos. Facietis hoc ipso rem S. R. Maiestati gratam. Quæ non intermittere, vos, ac Vestrum Monasterium.

E

omni

Nova Gigantomachia

omni Regiâ Clementiâ fouere ac tueri: nec enim aliter Vobis persuadeatis, quàm Sacra Vestra omnino fore intacta, neque deuotionibus vestris ullum impedimentum, multominus contumeliâ illatam iri, siquidem nihil aliud, quàm tutela Regni, & securitas finium queritur. Caterum, si totâ iam Minore Maioreq; Poloniâ, in potestatem S. R. Maiestatis Sueciæ redactâ, desperatisq; omnibus auxilijs, obsistere tamen ulterius presumatis; non aliter potero, quam præsentî armorum remedio, vos & cum exustione totius Monasterij, ad recens compellere obsequium. Id ne fiat, Vestrum erit fato non resistere, sed honestâ deditione Serenissimi Regis nostri clementiam amplecti. Valete. Dabantur in Castris ^{8.}/₁₈ Nouembris, Anno 1655.

Vester studiosissimus

Burchardus Miller, Generalis Leytenant mp.

NON vacabat, vt literis hostium calamo responderetur, præsertim, cum iam pagum Czeszochowkâ dictum, non expectato responso inuasissent, & per violentiam hostilem, occupassent prædium Monasterio proximum, Ioanne Konopski à rationibus reddituum trucidato: necnon loca insedissent oppugnationi utiliora; armis agendum fuit. Cumque palarentur per agros, situm & munimen propugnaculorum

in Claro Monte Czeszochouienfi.

lorum explorantes, frequentioribus tormentorum ictibus coërciti sunt in tantum, vt Millerus militiæ Præfectus, sub vesperum, armorum interstitium postulante necesse habuerit, missis duobus Centurionibus Polonis: qui eadem vsi opportunitate, neutrquam se arma sumpturos contra Locum Sacrum (eadem fuit mens Scythis, Dacis, Moldauis, quorum duo millia sub duobus Legionarijs Ducibus Polonis Regi Sueciæ militarant) sanctè spoponderunt Patribus. Æstimet hinc prudēs lector, quantò immaniores barbaris nationibus sint, contra Loca Sacra Hæretici, & apparentes Catholici. Facile Patres postulata se concessuros tunc polliciti, si copias ab eorum prædio Millerus submouent; quod quia is recusauit, vtendum erat illis defensione iusta: ideò cum viderent allodium suum sufficientiore hoc anno, quam alias annona instructum, hosti commoditatem, quâ alimentorum, quâ latebrarum præstiturum, noctu ignitis globis immissis, cum agmine hostium latente, flammis illud deuouerunt.

Die sequenti Millerus, ad Aedes Sanctæ Barbaræ, & Nouitiorum Monasterium, Sadouio, & Duce Hassiæ constitutis, ipse, siue primi assultus tristi omne consternatus, siue magis opportuni loci ad oppugnandum commoditate allectus, in latus Aquilonare Monasterij, cum maiori validioris armaturæ parte, in Villam Czeszochowkâ perrexit, ac ædificiorum

E 2 .

latebris

Accedentes
hostes, quā-
liter à Præ-
fecto Monas-
terij excep-
untur.

Incenditur à
Claramontan-
is horreum
cum hostibus

Prima ag-
gressio Mona-
sterij.

latebris hærens, magnam, citra noxam tamen Mo-
nasterij, plumbearum glandium immisit grandinem
contra propugnacula. Sed meliore tormentorum
directione vti Patres, non parvam in hostilibus tur-
mis ediderant stragem, minoribus & grandioribus
globis, tam cuneos agminum dirumpendo, quàm
parietes Ædium, quibus se abdiderant, terebrando.

Miles qui-
dam Polonus
cogitans de
deprada-
tione Mona-
sterij, globo
trahitur.

Eo tempore, cohortis Polonæ miles, glande mi-
noris fistulæ percussus, seueritatis Diuinæ, cogitatam
Locī Sacri violentiam vlciscentis, exemplum poste-
ræ mortalitati reliquit. Inordinato scilicet habendi
studio accensus, pollicebatur vberem prædam ex
multiplici rerum Clari Montis affluentia, sibi, & suis
Commilitonibus obuenturam, & cum arguentibus
socijs, dicti sui temeritatem, ac operis mente conce-
pti, execrandam homini Catholico impietatem, re-
sponderet: *Id esse licitum nobis, qui pro Sueco milita-*
mus. continuo globus à moenibus in caput malæ
mentis missus, equo detrussit loquentem, vitamque
in eo, & sacrilegam prædandi cupiditatem, extinxit.

Hostes cum
domo proxi-
ma incen-
duntur.

Sed & illud hostibus ex inopinato accidit terribi-
le, quod quas rebantur ædificiorum latebras sibi se-
curitati fore, maximum sibi attulisse detrimentum
fuisse experti. Nam postquam Patribus constitit,
eos Villæ Czeszochowkâ, ædificiorum vicinorum
altitudine, in ruinam murorum velle abuti, prære-
pto illis consilio, nihili æstimantes iacturam bono-
rum

ram bonorum pro defensione Montis Virginei, cre-
briores iactarunt è tormentis globos, igne canden-
tes, qui summâ tectorum penetrantes fastigia, è fæ-
no straminibusque sub tecto reconditis, ingentem
flammam fumo permixtam caliginoso excitarunt,
quâ hostes inter latebras trepidantes, à suis met fistulis
flamma crepantibus educentes in publicum, nouis
tormentorum obiecerunt periculis palantes, atque
plurimos tunc illorum, victimam morti dederunt:

Eugentes ex
incensa domo
tormentis
sternuntur.

ita, vt Millerus miserit sub meridiem quendam ex Po-
lonis Regis Sueciæ stipendiarijs, qui memoratis cala-
mitatibus Regni, quibus Rege absente auertendis ef-
set impar Patria, hortaretur Patres, vt in fidem Regis
Sueciæ concederent, quemadmodum vniuersa iam
Respublica illius se protectioni ac gubernationi sub-
misit. Commendabat in eo belli gerendi pruden-
tiam, artis militaris experientiam, ingenium subli-
me, iudiciū graue, affabilitatem, humanitatem,
clementiam, & omnem curam cogitationemque il-
lius in eo positam, vt quàm maximè securitati finium
Patriæ prospiceret, & pericula, quæ timeri ab exter-
nis possent, Principibus amoliretur; proinde locum
etiam hunc Silesiæ conterminum præsidio firmare
in animum induxit. *Qua in re, auscultare mandatis*
Principis Clementissimi, an non sit equitati consenta-
neum? diligentius (inquirebat) considerate. Mihi cre-
dite, satius esse beneuolentiam ipsius submissione prome-
teri,

Miles Polo-
nus missus à
Millerō, sua-
det deditio-
nem.

veri, quàm vindictam obstinatione prouocare: quid enim aliud reliquum est indignationi militari, præterquam, ferro & flammis in rebelles grassari? nempe omnibus illud est commune Principibus: Parcere subiectis, & debellare superbos.

Militi sua-
denti dedi-
tionem, Re-
ligiosi oppo-
nunt literas
Regis Sueco-
rum.

Ad crastinam deliberationem dilatum est à Patri-
bus responsum, ubi illud maximè consideratum est:
quòd sicut antea Comes à Wrzeszczewicz egerat, ita
nunc Millerus quoque ad oppugnandum Monaste-
rium suoptè genio, præter voluntatem Regis Sueco-
rum venisset. Missi itaque manè duo Patres, qui di-
cerent: mirari se vehementer, quòd cum Rex Sueciæ,
publicum edictum per Poloniam promulgari fecis-
set, quo immunitates Ecclesiarum, & Monasterio-
rum illæfas & intactas fore polliceretur; quì fiat? ut
contrariam literis mentem induerit contra Locum
Sacrum, nullà nostrà culpà. Edicti fuit tenor is:

Mandatum
Regis Sueco-
rum ad Pon-
tanos.

Nos Carolus Gustauus, Dei gratia Suecorum, Got-
torum, Vandalorumq; Rex. Magnus Dux Fin-
landiæ, Esthoniæ, Careliæ, Bremiæ, Verdæ, Ste-
tini, Pomeraniæ, Cassubiæ, & Vandaliciæ, Prin-
ceps Rugiæ, Dominus Ingriæ & Vismariæ, nec-
non Comes, Palatinus Rheni, Bauariæ, Iuliaci,
Ciliæ, & Montium Dux, &c. &c.

Senato-

Senatoribus, Dignitariis, & Vniuersæ Nobilitati Ter-
ræ Lelouiensis, in Palatinatu Cracouiensi, gra-
tiam & fauorem Nostrum singularem.

Non potest vos latere, quàm grauib; causis moti su-
mus, ad capiendā aduersus Regem Poloniæ arma,
peruertendāq; ea mala, quæ Nobis, Regnoq; Nostrò, à
dicto Rege, iam iam imminere vidimus. Huic armo-
rum nostrorum instituto, ita suffragata est Diuini Nu-
minis bonitas, ut sine ullo impedimento, non modò No-
stra potestatis fecerimus, Urbem Sedemq; Regiam Var-
saviā, sed etiam felici progressu, magnam partem Po-
loniæ, victrici Nostra manu peragrati sumus, spe certa
freti, Deum Opt: Max. consilia actionesq; nostras, por-
ro prospero euentu beaturum; quamuis victoriam No-
stram ulterius proferre possemus, atque eo, quo datum
est modo, victoria uti aduersus eos, qui partibus nostris
se non adiunxerunt. Tamen, cum ea sit indoles Nostra,
ut clementiam, & benignitatem potiùs Nostram, quàm
iram & indignationem testatam facere velimus. Pro-
inde vos hisce clementer serioq; inuitamus, ut viso lectoq;
hocce diplomate, properè ad protectionem, tutelam, &
patrocinium Nostrum confugiatis, & omni cum Rege
Poloniæ commercio renuncietis, intraq; diem vigesimam,
scilicet venturam proximè instantis Mensis Octobris,
Varsaviā vel ipsi veniatis, vel Deputatos vestros suf-
ficien-

ficientibus mandatis instructos mittatis. Quod si feceritis, promittimus libertatem Religionis immutabiliter conseruatam iri. Deinde milites Nostros, ab omni Procerum & Nobilium, Ciuitatum, Castrorum, & Subditorum violentiâ, inuasionibus, depredationibus, ac direptionibus amouebimus, & inhibebimus, atque commercia cum finitimis regionibus, in quantum ob iniurias temporum fieri poterit, tuta & secunda praeſtabimus: ac postremo eorum desideriorum, quae tantum dignitatem, & iura uestra concernunt, condignam rationem habebimus. Si uero hanc gratiam, & benignitatem Nostram aspernati fueritis, nec uos à Rege Polonia separaueritis, neque quietè uixeritis, uos pro hostibus habituri, & possessiones, bonaq; uestra, fisco nostro subiecturi sumus. Quibus uos Deo clementi commendamus. Dabantur Casimira ad Cracouiam, die 30. Septemb. Anno 1655.

Proinde daret ueniam Millerus, si secum neuiquam possit tractari, de constituendo in Monte Claro praesidio, quod multum libertati Ecclesiasticae aduersaretur. Indignè tulit is, se ab imbelli Monachorum coetu super auctoritate sua examinari, eo praesertim tempore, quo iam fuisset sibi decretum Regis Sueciae, rebelles quosuis armis subiugare. Ad quae modestè Patres responderunt: se non ulla temeritate, sed necessaria in praesens prudentiâ, praesertim in tam arduo negotio, accessum Millero ad Monasterium negare, nisi prius significationem uoluntatis Regis Sue-

gis Sueciae, sibi exhibere uellet. Tandem Sole ad occasum vergente, D. Kuklinowski, Eques Polonus, cohortis Equestris Magister, à Generali missus, obtulit Patribus Regis uoluntatem expressam, & Sigillo munitam, cum literis Alemanico idiomate scriptis, in quibus mandatum erat, ut praesidijs munirentur, Boleſlauium, Vielunium, Krepicium, Czeszochowa. Nocte interim ingruente, ab utraque parte indicta est armorum cessatio: Sueci nihilominus usi tenebrarum opportunitate, fossis egerendis incubuerunt gnauiter.

Dies erat Dominicus, Praesentatae Virgini Deiparae sacer; cui sanctius colendo, loci dieique ritui usitato, hanc addiderant Patres solennitatem, ut eis memoria circumferretur in publicâ supplicatione Diuinum Eucharistiae Sacramentum, memores, quomodo ad exterrandos Philistaeos, Arcam Dei circum castra duxisset Israel, potentiori signatae rei, quam eius umbræ uetustæ, fidei protectioni. Quapropter ab occupatis deuotione Patribus, non potuit citius, quam sub meridiem hosti responderi, non sine graui eius molestia. Meridie igitur hoc à Patribus legit responsum:

Illustrissime & Excellentissime Domine.

Nouerit Illustrissima & Excellentissima Dominatio uestra, non esse uocationis nostrae, Reges eligere, sed

*Præsentatur
Religiosis
mandatum
Regis Sueco-
rum ad Mil-
lerum.*

*Respondent
PP. Millero
ad mandatum
Regis Sueco-
rum.*

Nova Gigantomachia

re, sed electos à Proceribus Regni venerari: quem igitur Proceres Regni eligunt, & sequuntur, ei nos, nostraque omnia, & Locum hunc Sacrum, qui hucusque perpetuò, sicut in protectione, ita & in veneratione summâ Regum fuit habitus, humiliter submittimus, & submittimus, non manu armata coacti (neque enim vocationis nostra aut virium est, potentie Regum resistere) sed nostrâ religiositate commoniti. Vidimus ordinationem, Serenissimæ Maiestatis: & quoniam Presidium sufficiens habemus, quo omnis incurssio insolentium arceri possit à Loco Sacro; Monasterium præterea nostrum, unâ cum Ecclesia, diuersa antiquitus gaudeat denominatione, & nuncupatur Clarus Mons, Oppidum verò Czeszochowa, ad nostrum Monasterium nullatenus pertinet, ideo multam nobis ordinatio peperit ambiguitatem. Quare obnixè Illustrissimæ & Excellentissimæ Dominationi supplicamus, quatenus Conuentum nostrum, & Ecclesiam, Deo, & Sanctissimæ Matri Sacram, in quâ perpetuò cultus Dei maneat, & Maiestas Diuina pro salute Serenissimi Regis exoretur, velit in pace relinquere. Nos interim Exoratores indigni, de pietate Vestra Illustrissimæ Dominationis multum confisi, de qua, & in posterum nobis multa pollicemur, favori Excellentissimæ Dominationis Vestre, quàm diligentissimè commendamus. In Claro Monte, die 21. Nouembris, Anno Salutis, 1655.

F. A. K. P. C. M.

Tribus

in Claro Monte Czeszochouiensi.

Tribus in locis interea disposuerat Millerus tormenta, qui perlectis literis, ignem gladiumq; subito intonans, ad exterminationem Monasterij se accingit. Iamq; à lateribus Austri & Aquilonis, maiorum tormentorum vomit incendia, & flammantes globos.

It cælo fragor, & tectis salt horrida grando.

Hiant imbrices fissæ, & crebris ictibus plumbearum glandium sede suâ reuulsæ: volant ignitæ faces, & malagranata puluere pyrio inferta, templi tegulis iniiciuntur: contortæ stupparum pilæ, pice resinâq; oblitæ, flammæ excitant: quassata attamen nequidquam gemunt moenia, duriores impetus exceptura: omnia pertentat hostis, ut magnitudine periculi & metu, corda obsessorum percellat; neque tamen, aut ignis creber, notam imbellis animi Monasterij defensoribus inussit, aut frequens tormentorum tonitru, incussit pauorem. Erant per tecta dispositi custodes, qui globorum & sphaerarum ignitarum sopirent incendia, & ea, aut madidis opprimerent velis, aut contis deijcerent. Stabant muris imperterriti propugnatores, æquè ad excipienda hostium pericula, quàm ijs inferenda prompti, eò maiore animo, quò plura iacula conspiciebant, fallente scopo, irrita conatu torqueri, nonnulla ietu leui muros attingere, prope illos alia decidere, alia (mirum dictu) tegulis excuti, nec fontico resiliire casu, multa demùm casso euentu præteruolare Monasterium, & plus de-

G 2

trimen-

*Oppugnatur
Monasteriū.*

Nova Gigantomachia

*Hymni Beatae
Virginis à
turri in op-
pugnatione
decantantur.*

trimenti suis è regione oppugnationem vrgentibus afferre, quàm obsessis. Dum verò vtrinque suis nauiter intenti officijs feruent animi, è sublimi turris otheo, ab aulædis, choraulibus, tibicinibusque, in tubis ductilibus, pio Hymnorum sono, in laudem Gloriosæ Virginis Matris ordinatorum, recreantur obsessi: hostes è contra Musica suos eludi conatus, & tam terribiles assultus contemni, furiosâ indignatione ringuntur. Tantùm accreuit fiduciæ Claromontanis cantu sacro, vt deinceps in consuetudinem ijs venerit, harmonia simili, & calamitatem obsidionis solari, & furorem barbarum ferocientis exercitus ab auribus sexus timidi amoliri.

Eadem vi & impetu, sequenti & alterâ die profectus oppugnationem hostis, noctis obscuræ beneficio securior, fodiendis cuniculis incubuit, & multa sedulitate proximas Monasterio fossas egressit, ac propè muros admouit machinas, sustinendis tormentis idoneas, corbesque terra oppletos, maiora subinde tormenta magis ad terrorem exonerans, quàm ad discrimen obsessorum.

*Noctibus ut
plurimum
hostis infestat
Monasteriũ.*

Cùm verò intenderet, continuis exagitando infestationibus Montem Sacrum, nullatenus à periculis reddi securum: singulis vt plurimum noctibus, quando alijs astibus locus non patebat, incendere studuit Monasterium, iaculando ab vtroque ipsius latere globos pyreos, aut ferreos ignescentes; qui cæco impetu
muris

in Claro Monte Czeszochouiensi.

muris passim impingentes, deorsum cadebant; sæpè præteruolantes tecta, aut illa penetrantes, vltra Monasterium inani conatu ferebantur; quandoque tamen trabibus tectorum infixi, certa faciebant incendiorum pericula, nisi ex fumo aut flamma deprehensi, à sedulis obseruatoribus exciderentur. Et verè, quòd in multiplici strue tectorum, de lignis fomento ignis ingenti & arido, euaserint tecta, flammæ voraginem, Diuinæ prouidentiae adscribendum; vti & illud rarum nocte alterâ factum, quòd globus ferreus ignescens subeundo tectum, à fumario retrusus, & ad latus cadens infantis, nec ipsum infantem læsit, nec ipsius infantis cunas adussit.

*Iacula Mo-
nasterio mi-
nus nocent.*

*Infans in cu-
nis à globo
ignito illæsus.*

Perendie bene animati Claromontanorum stipendiarij, aduersus hostem negligentius de nocte agentem, (quod ex relatione loci peritorum didicisset, nullum imminere periculum excursus ab obsessis) in occulta muri parte euolutis lapidibus, secreti egressus aperuerunt viam, quâ ipso conticinio, G. D. Petrus Czarniecki (Vir gloria militari insignis, & qui in defensione Clari Montis multa præclare gessit, strenuus & indefessus honoris Diuini, & Deiparæ propugnator) agmen præsidiariorum militum eduxit, & cum illis clam hostiles prætergressus excubias, ad caput fossarum descendit; ibique partem agminis ad latera sistens, alia parte per fundum earum feliciter deducta, hostem à tergo ex improviso adoritur. Necat ob-

*Excurrit
Czarniecius
nocte contra
hostem.*

H

uium

Inter infi-
giores peri-
mitur Horum
Sueci.

Hostes à Ca-
stris fugan-
tur.

uium quemque, & primum lecto se inferentem, armaturæ Præfectum, tum & plerosque Officiorum Principes contrucidat; milites deinde gregarios, vnius ictu fistulæ pluribus infertæ globis, partim sternit, partim dissipat: quorum alij in fugam versi, gladijs cæduntur inuasorum, alij dum extra fossam profiliunt, in arma subornatæ stationis incurrunt, & lethali excepti meta, vitæ cursum sistentes, miserè intereunt. Inter præcipuos corruit ea strage Geometrix Magister, & excellens quidam vir de Fossis, Comitum amicissimus, & in ordine militari secundus Corruit idem Oberster Generalis, de insigni Suecorum Familia Horn, Gubernator Krepicensis à Rege Suecorum constitutus; qui, cum à falce in pectore transuersum vulnus accepisset, in Arce Krepicensi multo tempore decubuit incurabilis, & tandem doloribus & sanie confectus, intolerabilem edens foetorem, eo die terribiliter, quo Millerus à Clari Montis obsidione recessit, spiritum exhalauit. Hoc felici exitu, ingens clamor hominum, tormentorumque fragor, à Claromontanis excitatus, hostem suæ cladis nescium, & nocturnâ desperatione tumultuantem, è stationibus Monasterio propinquis in fugam dedit, atque sub dio tentorijs exutum & insomnem, reliquam funestæ noctis trepidationem tolerare coëgit. Præfidiarij demum in duorum grauiorum tormentorum ignitabula grandibus impactis clavis, ne amplius

amplius vsui esse possent hosti, prædâ onusti, ad Monasterium redeunt vno pauciores Ianicio Vngaro, viro aliàs forti, sed parum prudente: qui, dum extra agmen solus ad Castra Suecorum pergeret, à Com-militonibus transfuga reputatus, pœnas vel imprudentiæ, vel tementatis dedit, glande plumbeâ à suis traiectus. Illud hic memorabile accidit, quòd dum aliquot ex Castris hostium globi flammiumi fuissent explosi contra Monasterium, eorum vnus postquam in tectum Sacelli Neiparæ Virginis impegit, repente resiliit: alteri dum ad latus Sanctuarij tenderet, horrendos, quasi vi occultâ retrusus, versus Castra se resupinauit, per aëra ignes stillando.

Ianicus Vn-
garus ex Præ-
fidiarijs, à
suis occisus.

Globus flam-
miumus ex
aëre retrò
abit.

Porro Millerus, cum se talibus machinationibus, in oppugnando Monasterio parum proficere intelligeret, misit ad Vitembergium, Generalem exercitus Suetici Præfectum, Cracouiæ tunc agentem, vt sibi tormenta muris quatiendis idonea subministraret, ac suas copias peditatu augetet. Ipse interim cuniculos egit versus moenia, sed irritò conatu, rupe obstinata, aditum ad muros negante.

Millerus pe-
tit à Vitem-
bergo mitti
sibi muralia
tormenta, &
peditatum.

Venerat interea ex Castris hostium, insignis quidam Eques Polonus, ætate & facundia grauis, de quo nulla mali consilij suboriri posse videbatur suspicio. Hic humanissimè à Claromontanis exceptus, cum disertò sermone, inter familiare colloquium, statum deploratum Reipublicæ aperuisset, sollicitare ad de-

Nova sugge-
stio deditionis
per Equitem Polo-
num.

ditionem Monasterij Patres Claromontanos orsus est: In qua pròb dolor, afflicta Patria deuenit temporaria! quando Procerum Nobiliumq̃ exclusa suffragiorum libertate, ipsi necessitati Regem Suecorum nobis imponenti obtemperandum est. Abest IOANNES CASIMIRVS Rex Noster, verè an falsò (sit posteritatis iudicium) spreti Regni & deserti, ab uniuerfa Nobilitate insimulatus. Cessit tota Polonia potentie Regis Suecorum, Vestra sola Religiosi Patres, vel audacia, vel temeritas, ipsius furori paratur: non alium Vestrorum consiliorum fructum relaturi, quàm excidium, fera posteritati memorandum. Mora diuturnior resistendi, vehementiorem acuit ultoris vindictam; prestat rebus integris cum hoste componere, quàm serò perniciosi erroris pœnitere, & extremam cladem Loco Sacro, ac Personis accersere. Considerate, quomodo robur militie Polona Quartianorum legiones, nihil reluctantibus suis Ducibus, fasces & arma Suetica potestati submiserunt. Omnes Principes, tam Ecclesiastici, quàm Seculares, exortis impetu consiliorum vehementi remis, vela Diuina permiserunt voluntatis nihil ausi contra torrentem niti. Ecquæ Vestra est spes, vel dicam liberè, quæ obstinatio? communi fluctu non circumagi, & immotos stare velle in publica omnium tempestate? Agite quod omnes, si salus Vobis cordi est, nec soli tantùm sapiatis, quantum tota Respublica, miserè presentium temporum calamitate depressa nequit. Bonum est niti Principis mansueti clementia,

clementia, pejsimum diu laesa patientia furorem accendere. Fiet illud, nisi de Vestra temeritate remiseritis, ut rebus omnibus Monasterij pessundatis, suam Vobis parendi & tolerandi (Deus auertat, ne atrocem & suam) imponat voluntatem. Timor & fuga seculi, Religiosi cœtus arma sunt. Quid Vobis cum bellorum strepitu, quos institutum Ordinis ad solitudinis vocat silentium? attendite diuigenter, ne mutati clypei Vestra ruina attrahant occisionem. Non est eo animo in nostram Catholicam Religionem Rex Suecia, ut iura, libertates, atque immunitates illius eat perditum; munitionem Monasterij prensat, non Loci Sacri demolitionem aut expulsiōnem: interest ei, locum hunc presidio firmiore muniri. Quinquam etiā hoc Vos non illibens submoneo Patres Reuerendi, ut morem Milicæ postulationibus gesseritis, in hostem nihilominus admissum intra muros pro consuetudine belligerantium, Vos nonnihil argenti erigaturos, præsertim in grauioris armatura Præfectum, ad quem lege militie pertinent ea omnia, quæ sunt ære, orychalco, cupro fusæ, & fundendis tormentis apta, quæ ab eo Vobis necessariò redimi oportebit. Asperà frontem nonnulli ex Patribus dicentem audiuerè, atque dum ab aliquibus amicis rogaretur, ut operam interponeret æquis conditionibus placandi hostem, illi rem tacitè considerantes, Oratori responsum differendum suaserunt, procrastinationem è re sua fore credentes, spe vel hostis ipsa hyemis tempestate labefactandi,

factandi, vel suppetiarum à Serenissimo IO ANNE CASIMIRO, Poloniarum Rege, mittendarum innixi.

*Prefatus
Nobilis in
reditu istum
globi vix
evadit.*

Iam inclinato ad vespertinum die, pertæsus moræ hostis, cœpit tormentis Claromontanos laceßere, non imparatos ad respondendum, ita, vt negotium habuerit redux nuntius, hinc inde volantes globos declinare, & qui in accessu ad Castra, vix se celeritate iæctui tormenti subduxerat, in recessu quoque ex Monasterio, globi stridore à Castris explosi perterrefactus, ægrè caput saluauit. Malorum scilicet consiliorum portitorem, imminens ab hoste discrimen, melioris erga Locum Sacrum officij, admonuit. Noctem illam insomnem prorsus egerunt castrenses sub signis, confusionis & stragis pridianæ memores.

*Prefidarij in
deditionem
conspirant.*

Principio deinde lucis, Millerus per prædictum Nuntium manifestari sibi, an flexerint animum Patres ad voluntariam deditionem, requirit. Tardius is intra muros admissus, nec qua heri liberalitate tractatus, cassas verborum ambages tulit, nihilque amplius respondere potuit exercitus Præfecto, quàm scommam mordax: *Isti Monachi nihil sapiunt, temerarij sunt, & proterui.* Ea tamen occasione factum, vt plerique Præfidiariorum potentiâ Regis Suecorum exterriti, & in seditionem autore primipilo concitati, prodicionem moliri cæperint, & iam in deditionem Monasterij clandestinam conspirauerant: quod

quod cum magis fidelibus suboleuisset, & plerosque cognouissent, desertionem Monasterij potius cogitare, quàm hosti subiectionem, detestati eorum perfidiam, rem ad Superiorem Conuentus detulerunt; qui gliscentem seditionem in limine prudenter elisit, duplicato in Mensem Præfidiarijs stipendio, & fide ab ijs interposita, ad extremum vitæ spiritum, Monasterium constantissimè defendendi, & ne facile postea militum titubarent animi suasionibus Præfecti, ab officio eum remouit, & loco cum capitibus defectionis exclusit. Curam deinde Præfidiariorum, propugnaculorum, & totius in propugnando regiminis, exemplo hoc commonitus Pr. Prior, diligentior & exactior habendam, & vti stipendiarium militem ac Nobilitatem, ita & Religiosos suos, in meliorem ordinem censuit redigendos. Proinde, præmisso cum Nobilitate & Patribus consilio, primum Seniores Patres omnes Choro addicti sunt, nocturno potissimum; nam diurno etiam iuniores interesse consueuerant. Recensito deinde peditatu, & suis locis immutabiliter affixo, ac pensatâ necessitate locorum, & personarum, numero & dexteritate, pro singulis propugnaculis vnus Nobilis cum sua familia, (nam propter paucitatem eorum, plures non poterant adhiberi) Religiosi verò decem, necnon tormentorum duo libratores certi, immobiliter designati sunt, & eorum Præsides deputati: qui omnes quidem

*Occasione
conspiratio-
nis. Præfidiarij inter Re-
ligiosos cau-
tius dispo-
nuntur.*

quidem vrgente necessitate, ordinariè tamen per horas laborem inter se partiti, diu noctuque cum mercenario milite suis attenderent munitionibus.

Atq; ita præfecti sunt ab Aquilone Orientali propugnaculo, G. D. Sigismundus Mosinski, & Pr. Hilarius Sławoszewski. Occidentali, G. D. Nicolaus Kryztoporski, & Pr. Ignatius Mielecki. Ab Austro verò propugnaculo Orientali, G. D. Petrus Czarniecki, & Pr. Adamus Stypulski. Occidentali, G. D. Ioannes Skorzewski, & Pr. Daniel Rychalski. Duo quoque excubiarum Præfecti constituti, Pr. Marcellus Dobrosz, & Pr. Zacharias Małachowski. Duo item cum imbelli plebe rectorum, ne ignem conciperent, custodes continui. Armaturæ verò, & reliqui apparatus bellici curam accepit Pr. Petrus Lasotas cui etiam demandatum fuit, ut in noctium obscuritate, illustrandis circumquaque munitionibus, lumen suggereret, ne per tenebras, ad fossas vel murum facilis hosti pateret accessus: & ut de vertice turris, faces quandoque exponeret flammantes, in signum nondum factæ deditiois, si forte aliqui superuenirent exercitus, subsidium ob/essis daturi. Et ne quid in propulsandis excipiendisque periculis diligentia, & officij deesset, vniuersalis cura commissa est Generoso Dño Stephano Zamoycki, & Patri Ludouico Czarniecki, potissimum ratione Religiosorum, & stipendiarij militis, qui sæpius lustrarent, & in periculis anima-

anima-

animarent milites, cum manu militum ad id deputatorum, vbi forte necessum foret auxiliatrice affuturi.

Quamuis autem ad officium ita reducto peditatu, & confirmatis Equitum animis, sufficientes sibi videbantur obsessi, ad fortiter excipiendos hostium assultus; nihilominus specie cogitatae deditiois, re autem vera hostium vires & consilium explorandi gratiâ, potissimum verò suspendendi retardandique impetum hostis, quousque de subsidijs certiores redderentur, missi sunt cum memorato Nobili duo Religiosi, Pr. Sebastianus Stawicki, S. Th. Lector, & Pr. Marcellus Dobrosz; qui, quòd aliquam iustæ compositionis spem Millero iniecissent, officiosa comitate, ac vultu liberali ab eo sunt excepti, à Comite tamen Wrzeszczewicz asperius tractati.

Manè iterum missi, rogant Millerum Generalem Præfectum, ut scripto exprimeret, quid occasione deditiois exigendum putaret à Patribus? Lætus hoc ille nomine, quòd iam illos in sua fore potestate crederet, in signum beneuolentiæ ac liberalitatis, sex grandes pisces; lucios duos, & quatuor rubelliones ijs obtulit, & has Conditiones in scripturam relatas proposuit.

*Patres simul
lani deditio-
nem.*

K

PVNCTA

Offeruntur
Religiosis
Puncta dedi-
tionis.

PUNCTA ET ARTICVLI CONVENTI,

Inter Excellentissimum Dominum Bur-
chardum Millerum, S. R. M. Sueciæ
Locum teneñ. Generalem ex vna, &
Patres Monasterij in Claro Monte, ex
alterâ parte, super deditionem eiusdem
Monasterij, &c.

I. Monasterium Clari Montis, eiusq. Patres & In-
cole, concedunt in deditionem & tutelam Sa-
cræ Regiæ Maiestatis Sueciæ, cupientes in posterum,
deuotè & subiectissimè, non aliter, ac decet subditos
deuotissimos, colere ac venerari S. R. Maiestatem.
& contrariò, renunciant Regi CASIMIRO, hoc
ipso, & omnibus obligationibus, Serenissimo Regi Sue-
ciæ contrarijs, nec committere volunt, ut siue clàm, siue
palàm, siue opere, siue consilio, per ipsos, aut ipsorum
nomine, per alios, S. R. M. eiusq. Maiestatis exerci-
tui, vel ministris, vllò modo noceatur.

2. Rursus Excellentissimus D. Generalis Locum te-
nens, nomine S. R. M. Sueciæ, prædicto Monaste-
rio, eiusq. Patribus, ac cæteris Incolis, securitatem
plenam promittit, insuperq. cauet, non modò Mona-
sterium illud Clari Montis, cum omni supellectili sa-
crâ, &

in Claro Monte Czeszochowskiensi.

crâ, & mobilibus Patrum, ac cæterorum Incolarum,
ac Monasterij subditorum intactum fore, eiusdemq.
reditus ex Prædijs & Villis ipsis relinquendos, nec in-
solutis Contributionibus grauandos esse; sed etiam
Religionem, eiusq. exercitium, Processiones, Peregri-
nationes Sacras, & deuotiones, quocunque nomine
veniant, nullatenus turbatum iri.

2. Pro maiori autem securitate, & tutela Monasterij
& Fortalitij, præsidium ex militibus S. R. Maiesta-
tis Sueciæ imponendum, centum quinquaginta sclope-
tariorum.

4. Dictis Præsidarijs alimenta & commeatus, nec-
non stipendia, non à Monasterio aut Patribus, sed à
Districtualibus subditis suppeditabuntur. Mansio-
nes autem extra Monasterium, & cellulas intra mu-
rum & vallum conficiant, exceptis Officialibus, qui-
bus honeste habitationes in Aedibus concedantur.

5. Nobilibus & extraneis, sicut & omni presenti mi-
liti Præsidario in Monasterio commorantibus, liber
conceditur abitus: quemadmodum etiam vi honoris
anteire tenebuntur, post deditionem factam statim
ex Monasterio exire, & media Salua Guardia in
suis Prædijs & domibus manere.

6. D. Zamoscius, Gladifer Siradiensis, facultatem
habeat pro sua persona cum uxore, & famulis, ma-
nendi in Monasterio, aut liberè ad Villas & Prædia
sua commeandi, modò ille ab Imperio in milites Præ-
sidarios,

Nova Gigantomachia

sidiarios, & omni hostili apparatu & conatu, aduersus S. R. M. Suecie abstineat.

7. Hoc ipso die, post conclusam conuentionem, Porta Suetico Praesidio aperiatur, & Domino Generali, cum aliquo Comitatu libertas eundi in Monasterium, & lustrandi illud concedatur, ipsum autem Praesidium Monasteriale simul excedat, nec à militibus Regis Suecie examinabitur, quæ traditio Monasterij cras hora octaua matutina effectum sortiri debet.

*Deputantur
Patres ad
trahendum.*

*Religiosi re-
nunciare no-
lunt Regi
Casimiro.*

Quoniam verò negotium hoc esset arduum, ad communitatem referendum Patres responderunt, ut quod singulorum interesset, collatis in commune consilijs, plenâ deliberatione firmaretur, crastinam proinde diem declarationi pacti sunt, quâ iam tot aduersis exercitatum constantiam, & communi alacritate suffultam tenere decreuerant, mori promptiores, quàm hosti consentire. Deputati sunt omnium suffragijs Patres, Matthias Bleszynski, Philosophiæ Lector, & Zacharias Matáchowski, idoneis præmoniti cautelis, ne quid extra mentem Collegij, vnanimi consensui conformem, loquerentur. Venerunt ad Millerum mane, & officiosè salutato retulerunt, se nihil habere in mandatis à Superioribus, ad respondendum singulis punctis Conditionum deditiois, præterquàm, quòd Regis Serenissimi IOANNIS CASIMIRI, iuribus & Protectioni renunciare nequeant vllò modo, ante-

in Claro Monte Czeszochouiensi.

do, antequam more Maiorum Rex alter electus legitime declaretur ab Illustrissimo Domino Regni Primare, ad quem hoc de iure Patriæ spectare dignoscitur. Non Religiosorum esse muneris, trutinare Iura Regum, sed quem ritè Sacra Potestas pronuntiauit electum, ei obedire, fidemque ac reuerentiam exhibere, secundum Sacrorum Canonum, & Oraculi Diuini edicta. Quòd si aliqui à legitimo descuerunt Principe, ad sequelam nobis nequaquam proponi debet, quibus sanguine obsignare fidem erga Dominum Nostrum promptum est; sic enim pro viribus nostris iuris Diuini ac humani tutabimur integritatem. Cæterum Excellentissima Dominatio succensere nuncijs non potest, qui ea dumtaxat, quæ sibi commissa sunt, fidei retulerunt sermone.

Illud sibi reputans Præfectus Militiæ, quòd non cū sufficienti mādato, Patres sunt à Superiorib⁹ missi, nec cum plena, ut sperabat facultate ad singula Puncta respondendi, & in ijs, circa emergentes difficultates planè decidendi, vertit ab astu ad vim consilium; detinuit in Castris missos Patres nullatenus dimittendos, nisi à Superioribus plenam haberent licentiam singula Puncta concludendi. Conuentum autem erat inter partes circa ea colloqui, datis pro securitate Tractatum obsidibus, verum, qui suscepit Prouinciam hostem adeundi, G. D. Stephanus Zamoyſki, Ensiser Siradiensis, cum sibi reciprocam

*Patres in Ca-
stris detinen-
tur.*

L

obsidem

obsidem imparem conditione videret, susceptum recusavit munus. Patres porro humanitati confisi Milleri, cuius experimentum hen acceperant, non expectatis obsidibus, ad Castra hostium descenderunt, ultra quos amplius dari, vel habere obsides Millerus minimè curavit.

*Oppugnationem intentum parat. Et consensum ex torquet a detentis Patri-
bus.*

Patres proinde ab hoste detenti, multis fatigari criminationibus, contumelijs, ludibrijs, suppliciorum minis, terroribus, & angustijs habuerunt necesse. Nec minore molestia laboravit tota Congregatio ipsorum detentione; namq; hac occasione, ab armis Claromontanorum hostis securior, impune fossas egressit, sepimenta sustinendis tormentis plura extruxit, stationes disposuit, subterraneas specus & cuniculos fodit, excubias muris propius admovit: nihil prorsus intentatum ad labefactandos ipsorum animos reliquit; diras execrationes in Locum Sacrum, horrendas in Deiparam Virginem blasphemias, in Religiosos abominanda opprobria vomens, Claromontanis interim maximo mœrore tabescentibus, quod dura necessitas seruandi vitam vtriusque Patris, tela sibi omnia defensionis de manibus extorsisset: etenim, si vel vnum de nostris tormentum, aut si phunculus ferreus intonuisset, præsentem eamq; turpissimam mortem non euasissent captiui Patres, quam ferociens Millerus edixerat. Exterruit non neminem obsessorum funesta destinatae illis necis sententia, circum

cum moenia frequentius militari vociferatione increbrescens: *Aut ultro tandem subijcite Monasterium, aut vestris Monachis ignominiose scitote occumbendum.*

A terrore deinde hoc, quo ad extremam adigere desperationem volebat, obsessos, ad exprobrandam Arcis & Urbis Cracouiensis deditionem gradum fecit Millerus, temerarium asserens, vnum obluetari Monasterium viribus & potentia Succorum Regis, quam tantoperè Cracouia exhorruisset, herbam ut porrexerit, & Fasces Signaque militaria ipsius submitterit voluntari. Ostentabat & rerum gestarum euentu prospero gloriam, cui quidem ipsius voluptati gestienti, & se insolentius efferenti, ansam præbuit Nostrorum calamitas. Nam posteaquam Illustris Dominus Stephanus Czarniecki, Castellanus Kiouien-
Variè ad deditionem sollicitantur Religiosi.
sis, cedens Præsidio Cracouiensi, à Rege Succorum statua in Ducatu Seueriensi obtinisset, ad destinatum tempus inibi constitit. G. D. Wolph, Serenissimi Regis. CASIMIRI Cubicularius, & Maior Regij peditatus Præfectus, securum ratus, sub fide data nihil aduersi, ab exercitu Suetico extimescere. Millerus callidè anticipato temporis præfixi decursu, *Instruitur acies hostium.*
clam corruptis Centurionibus pretio, ipsum, & septingentos pedites Seueria captos, in suam redegit potestatem; cuius rei è vestigio certiores fecit Claromontanos, per G. D. Kuklinowski, Polonicarum

*Captiuus
Czarniecy
pedatus
presentatur.*

Copiarum Magistrum. Eos die altera astutè suis im-
mistos phalangibus, sub octo Signis ad terrorem or-
dinatis, circum mœnia Monasterij duxit, vt tristi hoc
spectaculo obsessorum oculis exposito, dum reliquū
illud pereuntis Patriæ præsidium iam funditus cor-
ruiſſe dolerent, eos ad despondendum animos addu-
ceret; perspicuè considerantes, nullam sibi prorsus
aliunde spem auxiliorum affulgere posse. His & si-
milibus machinationibus, ac crebris ad nauseam vs-
que Legatorum sollicitationibus, expugnare conatus
est Claromontanorum constantiam: verum illi o-
mni ope humanâ & consilijs destituti, tantò certius
sibi diuinitus affore auxilium credebant, quantò sci-
rent luculentiùs se Dei causam, & locum tueri, nihil
trepidi pro DEO, Patria, & Rege, mortem oppete-
re gloriosam.

*Exprobratur
hosti perfidia
de captiuo
Patribus.*

Cæterum plùs de Fratrum salute, in manu hostiū
soliciti Patres, nihil omiserunt eorum, quæ facere pos-
se intelligerent, ad eorum vitam conseruandam. Ita-
que miserunt frequentius Legatos, qui enixè vrge-
rent Tractatum compositionis, à quâ modo iusta &
honestæ esset, nihil se abhorrire, ac pro suo instituto
viuendi, Religiosam quietem præferre Martijs clan-
goribus & angoribus. Supplicatum est literis, vt di-
mitterentur insones Religiosi, exprobrata hosti per-
fidia, iurisque gentium prostituti, ac violatæ securita-
tis inculpatus Millerus; nec se posse ad vllas compo-
sitionis

sitionis conditiones descendere non integrâ liberta-
te, Patres asseruerunt: imò quamuis hostili ferociâ in
vitam captiuorum grassari (quod non optamus) vo-
luerit hostis, Diuinæ se hac in re non posse reluctari
voluntati, absque cuius nutu capillus non decidit de
capite cuiusquam eorum, qui multis sunt passeribus
meliores, ipsa Æternâ Veritate asseuerante. Morian-
tur illi, vt toti Monasterio sanguine gloriosam emant
libertatem, cui nos defendendæ, strenuè ac fideliter
DEI Optimi Max. freti auxilio, incubituros pol-
licemur.

Tot querimonijs expostulationibusque pulsatus
Generalis Præfectus, ne omninò barbarus videretur,
ac ne spem sibi præscinderet obtinendi Monasterij
Tractatibus, ex Fratribus detentis, quos iam putabat
minis seuerioribus, fortunæque ac potentiæ Sueticæ
ostentatione, in suam pertractos sententiam, vultus-
que compositione blandâ, ac iucundâ conuersatio-
nis familiaritate delinitos, vnum Sacramento ad-
stringens redeundi, mortemque turpissimam Socio,
ni rediret ipse minitans, ad præmonendos Patres di-
misit. Nuntiat ille visa & audita fide integrâ, poten-
tiamque Suetici exercitus obijciens, arguit temerita-
tis Fratres, quòd omni expectatione auxiliorum exu-
ti, nihilominus in obstinatione voluntatis persistant,
& eò maiorem in se ferocitatem hostis accendant.
Ecquæ ista proteruia est, inquit, ad tempus aliquod vi-

*Captiuorum
Patrum vnus
dimittitur,
vt suadent
aditionem.*

M

restanto

res tanto exercitui opponere: quas longiore fatigatas obsidione, necesse sit omnino succumbere. Fames ipsa hostidabit nos (ut incommoda cetera diuturni squaloris taceam) fabulam stulta arrogantie sexa posteritati futuros. Sanguis, qui fundendus erit ob neglecta pacis consilia, de manu Superiorum requiretur. Verumtamen, vitam meam bono Conuentus inferiorem reputans, abijt, ut propria sequar sensum voluntatis, commune VV. RR. prestolor consilium, fideliter iudicij Vestri, quod unanimi feceritis consensu sancitum, hosti reportaturus.

Refert Millerus, quid fecerit.

Auditus hic Pater, continuo ex data fide ad hostium Castra remissus cum responso. Fratres paratos esse ad componendum cum Vestra Excellentia (ad Millerum ait) nisi eam compositionem retardaret mala in nos E. V. voluntas, que nos legatos à Communitate, occasione Tractatum missos, licentiâ hostili contra omnes fas, & ius gentium, redegit in mancipiorum conâtionem: que iuris ut pote alieni non sui, ad negotia tractanda nullatenus admitti solent: si V. E. cum Conuentu vult tractare compositionem, soluat fidem, & nos faciat pertinere ad Communitatis libertatem; alias ea diminuta nihil geri potest aut transigi. Ad nos quod atinet, victima sumus alacris pro integritate Monasterij, mori nihil recusamus, vitam nostram Deo semel, in Superiorum manibus deuouimus.

Misit & alterum Patrem Millerus ad Monasteriũ,
eodem

eodem Sacramento adstrictum, quo priorem obligauerat, quem penes se detinuit, dum ille reuertetur. Eadem & alter retulit Patribus, nisi quod maiore animatus fiducia nihil suaserit, quod è re hostis fore videretur, vitam suam Patrum dedens placitis ad instar prioris, dummodò Locus Sacer ab hostium vi, maneret illatus. Dum verò in Castra hostium cum eodem responso quo prior, est regressus, vterque sententiam crastinæ mortis audiuit, ad suspendium vt se disponderet, à Millero præmoneri iussus. Exterriti hostes ipsos mortem illaturos, animosus vitæ interimendorum contemptus. Eia, inquiunt, quidri hodie morimur, eadem cras, Deo, Regi, & Patrie victima futuri. Postridie deinde, in aliud tempus dilata mortis executione, inuitati ad epulas Generalis Præfecti responderunt: Non esse dignum mensæ illius assidere, mancipia patibulo destinata.

Mittitur alter captiuorum Pater.

Decretum mortis à Patribus animosè acceptum.

Ea ibi dum geruntur, indictum fuit vtrinque silentium armorum, & Suecis interdictum, ne quid operis noui molirentur, dum Patres in Tractatu compositionis cum Præfecto Militiæ versarentur. Sueci nihilominus maiore quàm aliàs insolentia ad mœnia procurrunt, cuniculorum fossarumque operi vehementius instant, obsessis insultant, stationes promouent, & sub muros propius excubias ducunt. Hæc omnia Præfidiarij Claromontanorum iniuriam interpretati, nihili æstimarunt, præter mandatum Religioso-

Insolentes Sueci, sub armistitium à Præfidiarijs caduntur.

ligiosorum ausus reprimere hostium, & tantam compescere peruicaciam. Magnam igitur ea nocte virorum equorumque stragem tormentis, & fistulis ferreis ediderunt, ut reliquum noctis insomnes ducere debuerint Sueci. Excanduit eam ob rem Praefectus, tamen ubi causam didicit violatorum Pactorum per suos stetit, adduxit habenas furori, ac postridie misit internuncios, ut conditionibus à se porrectis, venirent Patres in protectionem Regis Suecorum. Cui responsum est ut ante, à Patribus in eo fidem desiderari, quâ deficiente, quomodo Pactorum conuentorumque stabit constantia? siquidem est, cur timeant, in alijs quoque sibi non seruatum iri fidem, quemadmodum in Patrum detentione factum est. Itaque spe illectus conuentio de occupando Monasterio, Patres tandem Conuentui dimisit.

*Patres capti-
ui dimittun-
tur.*

Ob hoc, ut ipse interpretabatur Patrum dimissorum beneficium, sperauit sibi iam integrum esse votis potiri: proinde plures intra dies multos legauit sollicitatores, qui Claromontanis persuaderent, ut imponi Praesidium Regis Suecorum Monasterio paterentur, conditionibus ad suam voluntatem limatis. Porro, ut pro ipsis stabiliendis ipsum Regem adirent (nam hoc requirebant Patres) non expedire, cum id neque per angustias temporis liceat, neque integritas autoritatis Generalis Praefecti ferat qui eas bona fide exhibiturus esset Regi, manu sua & Sigillo firmandas,

*Urget Millesius
deditionem
varijs
argumentis
per suos.*

das, ac intra breue tempus Patribus transmittendas. Non esse aiebat quidquam, quod magis diutinâ cunctatione suspensos Patrum animos deberet morari, cum praesertim gloriam maiorem Cracouiâ diutius resistendo, exercitui Suetico, essent consecuti: nec haberent, quorsum ad auxilia speranda dirigerent oculos. DD. Dynhoff, & Wolph, in potestate Regis Sueciae constitutis, qui videbantur non nihil subsidij posse afferre obsessis, tum & Copijs D. Castellanei Kiouiensis fugatis, & terrore dilapsis, quorum tormenta in manibus essent victorum. Scirent Patres, quod posteaquam Cracouiâ machinae muris quatiendis aptae adducentur, nullum sibi deinceps interuallum deliberandi relictum iri, aut quasuis moras spe compositionis vltioris nectendi. Denique considerarent, frustra se velle temeritate superbâ cum militari perseuerantia certare: quoniam enim fieri potest, ut victoriosus miles, ab hoc vno Monasterio desistat opugnando, qui vniuersam Poloniam, trophæo Regis Suecorum, felicissimè iuxta ac potentissimè submisit? illud scilicet vnum superstes, gloriae victoris manebit?

Comminationibus Suecorum vires, & suos prosperè gestorum successus iactantium opposuit G. D. Stephanus Zamoycki; & cum ad leniendum in hoste mentis tumorem formaret responsum, Nobilis quidam Polonus, genere & officio insignis, militari

N

Suecis

Pro Religio-
sis opponen-
tem s. La-
mosum. m.-
les Poionus
exagitat, &
pericula Re-
ligiosorum
exaggerat.

Suecis assistens, verba reddere incipientem praeuertit:
*Nunquid, Generose Domine Zamoyiski, Comitibus hic
Polonia tractantur, ut ingenio ludens, per elaboratas
verborum ambages compositis rationibus, conatus &
mandatum Serenissimi Regis Suecorum euertere contem-
das! Sumus & Nos, quibus est gratissima Patrie salus,
& eque, ut alijs bonis Civibus interest, eius integritati
studere: Iam iam labanti, ne penitus cadat per consulen-
do, sic prudenter succurrendum duximus, scilicet in par-
tes Serenissimi Regis Suecorum, Domini & Protectoris
Clementissimi, declinando. Desine, Generose Domine,
in perniciem Loci Sacri prava moliri consilia, & Patres
Tuis haud rudè persuasionibus innitentes, imminentibus
vite ipsorum exponere periculis. Poterisne G. D. de
Tua substantia damna refundere, quae à numerofo exer-
citu Suecico, & Conuentui, & Nobilitati, ad aliquot
milliaria circa Monasterium consistenti gravia, Vestra
culpâ inferuntur, & eò graviora, quò diutius resistetis,
inferentur? Poterisne Tuis viribus hostilem retrudere
impetum, & Tua conscientia tot Religiosorum eluere sin-
guinem, qui fundetur, dum furor exacerbati militis Ve-
stram superabit temeritatem? Meliora tandem con-
silia capeffite Patres, antequam Vos furor hostilis extre-
mo inuoluat discrimine, atque citra omnem placationis
spem in Vestri Monasterij busto conspeliat.*

Literæ

Literæ interim venerunt à Vitembergio
ad Patres Claromontanos, quarum
hoc transumptum est.

Vitembergij
Literæ minis-
torie.

Reuerendi, Deuoti, Doctissimi, Dilectis-
simique Domini, & Amici.

CUM à Domino Generali Leytenant Millero
(cui à Regia Maestate, Domino meo Clementis-
simo, singulariter iniunctum est, quatenus ille vna cum
suis militibus, versus Monasterium Czeszochow. i, ibi-
dem locum presidio muniturus, & in tutelam ac prote-
ctionem Sue Regie Maestatis recepturus pergeret) in-
formatus sim; qualiter Vestra Dominationes tempore
aduentus illius erga ipsum se exhibuerint, ut nec in mi-
nimo cedere volentes, eidem totaliter rebellizare presump-
serint: cum tamen Regie Maestatis ordinationi &
mandato omnino esset parendum; idè Vestras Domi-
nationes hisce presentibus monendas esse volui, ut ab hac
pertinacia in posterum desistant, & prefato D. Generali
Leytenant Millero, non amplius aduersentur: Verum
ad Vestrum maius bonum, quos illuc Serenissima Regia
Maestas pro Presidio destinavit, beneuolè suscipere & ac-
ceptare velint. Dñationes Vestrae asscurantur, nullum
exinde dolorem & damnum reportaturas, sed semper in
bonâ tutelâ ac protectione permanfuras fore; secus si Ve-
stra Do-

N 2

stra Dominationes à Vestra pertinaciâ desistere, & præfato Domino Generali obtemperare noluerint, persuadeant sibi idè, punitionem seueram imminere, ex qua etiam alij exemplum sint habituri. Id verò nemini alteri, sed Vobis ipsis imputandum erit. Hisce Deo Vos commendo. Datum Cracouie, die 21. Nouembris. Anno 1655.

Vestrarum Dñationum Amicissimus

Arfuidus Vitembergius
mp.

Religiosi pro-
crastinant re-
sponsum.

Tandem ne-
gant deditio-
nem.

AD tot importunas obsidentium instantias, visum est Patribus Claromontanis res òsum procrastinare, difficultates. nouas in dies obtendendo, quibus hostis distineretur, ne Suetici præsidij positionem acceleraret: tandem vehementissimis exhortationibus adacti responderunt: sibi esse sufficiens præsidium ad quosuis insolentium hominum incurfus arcendos & comprimendos. Excellentissimus D. Generalis Præfectus, non dedignaretur bonâ voluntate Religiosorum esse contentus; quòd illi se suâque omnia cum Monasterio integra Regi Suecorum seruare, fideliterque consignata in manus eius resignare parati essent, vt hac demissione Clementiam Regiam emererentur, quam ne sibi Millerus inuideret, orârunt Patres, & per omnia Sacra maximè loci celebri-

lebritatem, & Dei Matrisque illius intemeratæ honorem, obtestati sunt: siquidem in Monasterio præsidium Calvinianorum & Lutheranorum nullatenus poterit saluâ loci securitate consistere, paratis Catholicis, quas voment ipsi contra Deiparam Virginem blasphemias, sanguine diluere.

Responso versus in furorè Millerus, præcisâ omni spe dilationis ad componendum, cineres & fauillas Monasterio & Templo minitatus est; & ne inanes viderentur minæ, biduum tormentis grandioribus crebrius quàm aliàs intonuit, sphaeris tamen igneis Magistrorum conatus & operam ludentibus. Pepercerunt pyrio pulueri & tormentis prima die Claromontani, minoribus tamen fistulis nullam occasionem prætermiserunt, quin obuios quosque sternerent, quâ fuit copia hostis feriendi. Postridie grandis ab eis machinarum fragor excitatus non irritò euentu; multi enim tunc Suecorum sensibus, & vita exuti, poenas temeritatis dederunt.

Mutuo se im-
perunt tor-
mentis.

Septima dies Decembris (quam piâ consuetudine sicut & reliquos dies, Festa Deiparæ Virginis antecedentes, xerophagia colere Polonis vsitatum est, arctiore se castigatione carnis ad crastinam solennitatem disponentibus) felix Claromontanis illuxit; quâ Patres quasi è busto Patriæ reuiuiscere, atque in spem meliorem erigi cæperunt. Nam G.D. Petrus Siadkowski, Prodapifer Rauensis, à Suecis interceptus, ex

O

*Sladkowiński
à Mullero mis-
sus ingredi-
tur Monaste-
rium, & con-
tra mentem
Mulleri dis-
suadet dedi-
tionem.*

ptus, ex Prussia rediens, à Mullero submissus tentandæ
deditionis ergo, nuntiavit Patribus: quod Suecorum
Regis exercitus insignem cladem acceperit, quodue
Ducibus Legionum Polonicarum, quæ Regi Sueco-
rum adhælerant, in partem Serenissimi IOANNIS
CASIMIRI, Regis Poloniarum, transire decre-
tum esset: eò, quod Rex Carolus subactâ penè Ma-
iore Minoreque Polonia, nihil commoda Regni eius-
que defensionem curaret, qui se cum Copijs in Prus-
siam transfulerit, dum inter incudem & malleum Co-
sacos & Moschos ad extrema redacta pericula, opem
ipsius Respublica flagitaret maximè, ita, ut exciden-
dæ potius Poloniæ videretur sequi cõsilia, quàm pro-
tegendæ, quod ab initio belli suscepti præfulerat.
Nam interim ingentes sent exortæ, Sacrarum ædium
domorumque Nobilium expilationes, Sacerdotum
trucidationes, Sacrorum contaminationes, stupra
virginum, omnium Iurium conuulsio, dato in
prædam vniuerso Regno licentiæ militari, citra cul-
pam aliam, nisi Deo vlciscente, fractam IOANNI
CASIMIRO fidem. Retulit idem, omnes Quar-
tianos (ij sunt Polonorum Triarij) qui ad latus es-
sent Sueci, stare à partibus Regis Poloniæ, modò ad
Regnum defendendum properaret, de quo certum
esset, valido exercitu conscripto, in subsidium affli-
ctæ Patriæ breui compariturum. Breuem moram
tolerarent Patres, dum ipse ad Serenissimum Regem
Poloniæ

Poloniæ in Silesiam rediret, auxiliares Copias illic
impetraturus, vel eas, si libuerit, Regi adducturus.

Alterâ die, quæ Conceptæ Virgini sacra fuit, Hia-
cynthus Brzuchanski, Ciuis Czeszochouienfis, saga-
tum imitatus Equitem (non enim aliter excubitores
euasisset) super fossam elatus nuntiavit, Cracouiâ ad
demolendos Monasterij muros, cum ducentorum
peditum agmine sex muralia duci tormenta: nec non
pro subsidio Serenissimo Regi CASIMIRO, in-
gentem aduentare Tartarorum exercitum. Hæc cur-
sim locutus, dextrè intra muros iecit literas ex Con-
uentu Cracouiensi P. Antonij Paszkowski, quibus
tyrannidem & rapinas Suecorum detestatus, Patres
sui Ordinis Claromontanos monuit obtestando, ne
ab hoste verborum comitate elusi, paterentur sibi iu-
gum Suecicæ seruitutis imponi, sed vt omni possibili
conatu, ab impiæ gentis ausibus se defenderent con-
stantes: non enim (aiebat) fides, non pietas, non
quidquam diuinum aut humanum sanctum eis est,
& integrum, per pacta, manu & fide publica firma-
rum.

Sed & nuper Scythia quidam barbarus à Castris
Suecorum veniens, cum impetrasset se ad Monaste-
rium cum Quartianis deuotionis causa intromitti,
lustratis Sacris Ædibus, animosè ad stuporem audiē-
tium hortatus est Religiosos, ne hominibus impuris,
& foedifragis, Locum Castissimæ Virgini Sacrum da-
re velint

*Redduntur
literæ Craco-
uiæ per Brzu-
chanski, & ab
eodem Patres
confirmantur*

*Monentur
Religiosi à
Scythia, ne
faciant dedi-
tionem.*

re velint in potestatem, certò promittens, si pro virili restiteritis, ab obsidione Monasterij discessuros inglorios & confusos. His ideò nuntijs accreuit obsessis animus, in tantum, vt quamuis scirent à Vitembergio horrendas murales machinas esse submissas, nihil perterriti se ad strenuè defendendum Monasterium omnes accingerent.

Succus in Virginem Beatissimam blasphemus perimitur.

Eadem Conceptæ Virginis solennitate, de colluuiæ Sueticæ miles, hostes Deiparæ blasphemus, postquam in Curia D. G. Thomæ Przerembski, in Villa Rędziny, fortentibus buccis Honori Virgineo obstrepisset, ad Castra rediens, iaculo tormenti præter intentionem Magistri errante, & à niuib. resiliens, in foribus Monasterij Sanctæ Barbaræ comminutus, iustum Deo vindice retulit supplicium: indignus Solem videre iudicatus, qui lucidissimæ æterni Solis obrectasset Parenti.

Tormenta Cracouiæ a. spontanea, tacite disponuntur à Suecis.

Duobus alijs diebus, remissiùs egit hostis, sphæras pyrio puluere offertas, funiculis canabeis picatis resinatisque obtortas, globos ferreos igne candentes iacere super tecta Monasterij contentus, absque vilo detrimento, Claromontanis rectè ad eas sopiendas festinèque deuoluendas vigilantibus. Tormentorum deinde grandium dispositioni, opacâ nocte diligenter incubuit, quæ tanto silentio contra muros ordinauit, & applicuit, vt non prius ab excubijs quam in somnibus sentirentur applicita, quam horrendo

rendo fragore mediâ nocte ad penium precum matutinarum Religiosos excitassent.

Non satis exsatiari posse suam animi ferociam, Calvinianæ superstitionis assecla ratus, si seruos Deiparæ Virginis armis laceggeret, nisi etiam furori sacrilegium adiunxisset, expugnandi dies ipsius cultui sacro destinatos. Quemadmodum etenim die Virgini Presentatæ deuoto, Monasterij oppugnationem adorsus est, ita eam Sabbato, grauissimè vrsit in contemptum Orthodoxorum deuotionis, vt sic ipsis cultoribus tunc oppugnatis, dolorem infligeret grauiorem. Inferorum fauces Pluto aperuisse contra Sacram Ædem visus est, dum ab aurora ita crebris & horrendis intonuerunt machinæ murales fulminibus ab Aquilone & Austro, vt trecentos & quadraginta globos eo die vomuerint, quod non nemo Religiosorum obseruauit, & numerarunt externi. Patres Claromontani, in Sanctuario Virginis Beatissimæ pro more suo deuotioni tunc indulserunt, supplicationem singularem eo die cum Sanctissimo Eucharistiæ Sacramento facturi, ad quam cum diuinâ re peracta inter pomerium procederent, ruebant murorum grandia fragmenta, & globi ferrei (quorum singuli pendebant vicena & sena pondo librarum) sibilantes, non sine maximo terrore præteruolabant capita supplicantium, nemo tamen in tam atroci discrimine muros ascendit ante supplicationis finem. Eâ demum

Vehementissimè eam die oppugnatur Monasterium.

Patres ab oratione periculo non auocantur.

Tres equi pereunt.

*Tres adole-
scentes sub
vno Ioannis
nomine peri-
muntur.*

*Obsessi omnes
defensionis in-
cumbunt.*

mum absolutâ, Diuino confisi auxilio, partitis inter se officijs, quotquot erant vtriusque sexus intra Mona-sterium homines, fortissimè ad defensionem quisque iuxta virium portionem operam contulerunt. Tres tum in stabulo equi conciderunt exanimis sphaeris ferreis icti, rotæ duæ grauiorum tormentorum in Aquilonari propugnaculo fractæ, & vnum ex ijs à parte anteriore in ipsa crepidine pertusum, tres ibidem iuuenes vno omnes Ioannis nomine insigniti occubuerunt, capitibus ictu globorum maiorum reuulsis, occiderunt & alij quatuor eiusdem nominis diuersis temporibus vt fatale videri posset, vi tormentorum destinatum, qui esset Ioannes. Et quanquam hi casus nonnullam perturbationem defensoribus attulerant; nemo tamen à suscepto, vel designato sibi opere animum manumque remisit, omnes alacri- curâ necessaria defensoribus arma suppeditabant; pars tormentorum rotas voluebat, pars dirigendis in hostem allaborabat, pars saxa; terram, ligna, trabes, firmum ad obstruendum hiatum, quem in muri fastigio creber tormentorum diffiderat impetus, comportabat. Promptè hoc gessit negotium ætas; sexusque imbellis, dum iuuenes virique ferreis fistulis hostilium tormentorum Magistros exercerent, ne expeditum esset ijs ad certum scopum illa dirigere proprio discrimine perturbatis, & plerosque ad pedes suos glandibus plumbeis ictos, procumbere cernentibus.

Quieuit

Quieuit hostis à meridie, percontaturumque misit tympanistam, an in meliorem adducti sententiam Patres, vellent sibi consentire, Præsidiumque Regis Sueciæ, tanquam Protectoris Regni Poloniæ, admittere. Postquam responderunt se in crastinum diem deliberaturos, indignatione frendens, laxatisque habenis furori, maximos iterum ignes horrendaque tonitrua iecit, ingenti fragore aërem terramque tremefaciens, & caninâ penè sagacitate obiens propugnacula, vt faciliorem aditum muris aperiret. Re-pressus nonnihil casu, resedit furor ipsius; dum quinque tormentorum Ministri, pulueris accensi flamma exoculati sunt; Magister item globo maiori petitus, pœnas sacrilegi ausus exsoluit occasione huiusmodi. In Orientali propugnaculo erat director machinarum Germanus, qui nunquam fidem Patribus probârat in hoste feriendo; is cum plagam liuidam ab hostili tormento in femore accepisset, vel admonitionis Diuinæ conscius, vt rem ageret fidelius, vel dolore irritatus, ita probè direxit machinam, vt hostile tormentum ruperit, puluerem nitratum dissipauerit, & in Magistrum sic globo impegit, vt finis vitæ illius posuerit terminum ferociæ Præfecti.

Dies Dominicus manè vocauit hostem ad quietem, quo in casa rustica exercitio superstitionis suæ cum socijs vacauit: moræ tamen impatiens, eam non diuturnam concessit obsessis, sed meliore vti spe-

P 2

rabat

*Quinque tor-
mentorum
Ministri in
Castrum exca-
cantur.*

*Tormenta-
rius Conuen-
tuali male
fidei casu cor-
rigitur.*

*Continuat op-
pugnatio-
nem
hostis, & ad
deditionem
soluunt.*

rabat euentu proditorum consilijs adductus, ad oppugnandum Occidentale propugnaculum cum machinis progressus est. Verum irrita conatu: etsi enim fortasse optatum habiturus fuisset persuasorum hortatu exitum, si primam inde oppugnationem tentasset, tamen quia obsessi propugnaculo illi muniendo, operâ ac industriâ G. D. Petri Czarniecki noctis beneficio adiuti, minimè defuerunt, frustra ille omnem machinamentorum apparatus conuertit. Postquam crebriore fulgurantium machinarum fulmine operas lassauit, suppudere cepit hominem ex parte illa tentatæ agressionis, spe non mediocriter labantem obtinendi amplius Monasterij, quando exploratæ non ad animi sententiam proditoris artes cessissent. Sollicitant igitur per nuntios ad deditionem animos obsessorum, qui eis priorem occinuerunt canticum: *In re tam arduâ deliberatione diuturna opus esse.*

*Sueci noctis
ad ignes feruntur.*

Rigidior hyems eo iam tempore non benè vestitos urgebat vehementius: proinde cum ad vegetanda stipata frigore corpora, frequentiores noctibus ignes cum ingenti ædificiorum iactura Sueci accenderent, non incertam flamma duce ferendi se meritam præbebant. Vsi sunt occasione Claromontani hostem infestando tormentis, donec crebrius vitâ periclitatus, patientiâ claustrali magistra didicerit, vilius igni renunciare quàm vitæ.

Silet

*Quiescunt
mutuo.*

Silet luce postera Millerus, varijs laboribus fatigatus, firmioraque conquirat à Commilitonibus consilia, quibus potiri votis queat, alioquin perpetuâ ignominia nominis serâ posteritate notandus. Subit animum persuasio Venceslai Sadouij Bohemi, aliquot Centuriarum Præfecti, qui alium potius militem mittendum ad oppugnationem Monasterij suadebat, si Generalis Præfectus liberam à conuiuijs Monachorum, longâ ætate voluisset famam tueri. Neq; Claromontani ea opportunitate abutuntur in medijs ad reprimendos insultus hostium inueniendis accurati: aptant clauas ferreis armatas dentibus ad contundendos murorum occupatores: contos, perticas, palangas, trabes, lapides ad submouendos inuasores tempestiuè comportant: terram & rudera exæquandis muro aggeribus subministrant, illudque agunt nauiter, vt tot iam firmati malis, maiore constantiâ & apparatu hosti resistent, non amplius de admittendo præsidio Suecorum cogitantes; nec ullam occasionem ferendi postea hostis deseruere illi, qui murorum custodiam seruabant.

Factum est eius diei crepusculo, vt Director tormentorum, ferream fistulam maiorem de die ordinatam, contra Milleri stationem exonerauerit. eâ fortunâ, vt decumbentem ex sorore Nepotem, globo per sinum adacto in viscera, exanimem affixerit lecto auunculi. Casus hic manebat Millerum, nisi ferali

*Nepos ex frat-
re Milleri
interficatur.*

Q

sponda

sponda Nepoti cecidisset, cui magno impendio is honor stetit vita exsolutus. Eu sceratum funus lugubri spectaculo, nihil detertere potuit à concepta ferocitatis impietate Millerum, nihil cogitantem, à quanto fuisset subductus discrimine, ac ne se pariter tringeret supplicium, haud metuentem. Stimulavit potius grauis dolor animi funas, ut experiret, quid ultrix mens consiliorum ad diruendum, & solo æquandum Monasterium poterat suggerere. Itaque sepimenta continendis aggeribus accommodata, & conquisitis ad eam operam undelibet rusticis, & reccis reluctantis interminatus: traxit ad destinata loca per operas easdem terra rudibusque opplenda, & aptim festinando proximè muros depouit. Obseruantibus interea prudenter excubijs, quando maiore numero superuenissent ad ordinandas, quas sic comportarant viminibus, sepibus, cratibusque, ac trahibus contextas longas: cumque turmatim accessissent eas disposituri, niuis beneficio à Claromontanis deprehensi, expectatam Australis propugnaculi tormentorum Magistris præbuerunt metam, ne casto euentu nitrati pulueris & globorum facerent iacturam. Libratis itaque tormentis, sic illas operas exagitarunt igne, plumbo, sphaerisque ferreis, ut hosti necessario fuerit intermittendum, opus frequenti suorum sanguine perfusum.

Postquam verò dies illuxit, ecce machina oppugnato-

*Parantes non
ut pimentis
perimuntur*

gnatoria per noctis tenebras rotis aduoluta, contra propugnaculum conspicitur, cuius administri à præfidiarijs Monasterij fistularum ignibus, & plumbeis glandibus dispersi, machina verò helepoli contracta est & disiecta.

Caligine inuoluerat diem alteram nubes obscurior, hosti plus detrimenti, quam Religiosis afferens: nam ut eius auxilio ad fossas eruendas is erat audacior, ita in frequentiore metâ Claromontanorum tuborum tonitru, plures operi insudantes, per tenebras luce priuauit.

Surgebant verò per hos dies & noctes ferè singulas nebulæ, fortassis malorum geniorum operâ (quod ex euentu non difficile colligi potest) humorum foetentium densitate functiones oculorum adeò impedi-
cipientes, ut testudines grandes, cum propè muros contra utrumque ab Aquilone propugnaculum rotis aduoluerentur aut sportæ comportarentur, nullo pacto videri possent, nisi ijs discussis sacris Exorcistarum precibus. Quare uni ex Patribus fuit commissum, ut contra hostiles præstigias vim Diuinæ potestatis exereret, purgaretque Exorcismi obfuscum aërem, ac apparatus propugnatorios benediceret, quod ab eo factum ita successit, ut artibus maleficis, & omni opere præstigioso dissoluto, tenebræ aëris disijcerentur, ictus prosperarentur fistularum, hostes denique malis artibus, & nefandis cacodæmonum tesseri-

*Machina oppugnatoria
contrahitur.*

*Hostes per
nubes obscuras
non videntur.*

*Nebule bene-
dictionibus
dissoluntur.*

*Isdem benedi-
ctionibus
ictus bombar-
darum pro-
sperantur.*

*Suecus septē
demonijs stu-
patus interfec-
tur.*

*Ex militibus
Suecicis plu-
res cedeban-
tur Officij regi-
quam grega-
ry.*

armati prosternerentur. Creuerat inde in Castris ho-
stilibus prouerbium: *Czestochouenses Monachi insi-
gnes malefici sunt, virorum nostrorum fortissimos, ne
quidquam eos iuuantibus genitorum suorum patris,
suis prosternunt incantationibus: sic preclarum Com-
militonē nostrum* (fuit is in prima Claromontanorum
eruptione cæsus) *septem paredris stipatum, triginta
prelijs victorem, & ne unico unquam capillo lesum, stu-
pentibus nobis, illi artes suas, alijs salutares non profuif-
se, interfecerant.* Atque inde facili negotio causam
assequi possumus, quam ob rem passim audiretur in
obsidione Clari Montis: ex Suecorum exercitu plu-
res Officiorum Præfectos cecidisse, quàm milites gre-
garios; illi enim cacodæmonum familiarium notis
confisi, audacter in pericula ruebant, & ideò peri-
bant; hi verò arte simili destituti, discrimina fugien-
tes, vitam facilius conseruabant.

*In presentia
Milleri miles
ab ictu globi
corruit exa-
nimit.*

Hic funeribus suorum hostis debilior, ab Occi-
dentali propugnaculo manum & pedem retraxit ad
Orientale, in quo tormentis, eorumque Magistris ir-
rito labore fatigatis, hoc duntaxat effecit: vt vnus
adolescens Ioannes globo ferreo per spinam dorsi di-
scerptus occubuerit. Sed & ipsimet Millero horum
dierum aliquo illud contigerat horrendum, scilicet
vnus ex militibus Præfectis, dum in interiori do-
mus penetrali cum eo familiariter differeret, iaculo
ferreo

ferreo per latera transuerberatus, in facie Milleri cor-
ruit, voce ac spiritu simul subito interceptus.

Duo interea Nobiles Poloni expugnatum iri Mo-
nasterium timentes, illinc abducturi, vnus duas San-
ctimoniales sorores, alter Coniugem & filiolum, ne
quid deterius ab expugnatione paterentur, Millerum
adierunt petentes, vt sibi ac ipsis liceret sub suâ pote-
state manere. *Vt video* (inquit Millerus) *Monachi
Czestochouenses viri Heroici, neminem pro sua pruden-
tiâ & animositate patientur Monasterio dimitti. Ve-
runtamen fortunam vestram, & virtutem eorum pro-
baturi pergite.* Dum ad Monasterium veniunt NN.
nullam abducendi quempiam facultatem obtinent,
prudenter quippe cauebant Patres, ne dimissione ali-
quorum hostes conclamatum putarent de eorum vi-
ribus, neque vllam spem defensionis ampliùs superes-
se obsessis. Intulit subinde Millerus: *Nonne dixi Mo-
nachos, pro sua heroicâ animorum generositate, Vestra
petitioni nihil concessuros, quales abbinc profectò non pu-
tâssem, si in presenti rerum suarum tempestate votis
Vestris obsecuti fuissent.*

*Duo Nobiles
petunt suos
ex Monaste-
rio dimitti.*

*Turbantur
obfessi, & in
deditionem
mouentur.*

Multos eo die conturbauerat pertinax hostium in
expugnando labor: tum & mors adolescentis, ex in-
genti vulnere atrocissima, & præcipuè desperan-
tium Nobilium erga propinquos importuna Mona-
sterio pietas. Religiosorum quoque nonnulli timo-
re mali, laborumue molestâ perpetuitate, maximè ve-
rò ho-

Obsessred-
duntur ani-
mosiores à
Superioribus

rò hostium prospero contra Polonos successu, in sententiam mouebantur deditiois. Supremus, aiebant, rerum Arbiter, pro suo iure perdendi, aut transferendi Regnorum Dominia, Regnum quoque Polonia iusto suo iudicio Suecorum iam tradidit potestati. Nos residui sumus, qui bene maleuè persuasi certè impares ad resistendum eorum potentia reluctamur: cum tamen monente Christo, nostrum sit aleam fortune sequi, & fugere persequentes, non Martios ciere strepitus: & eò magis, quod ab hoste cum possessione honorum, liberum Nobis, Religionis, & Institui Nostri, exercitium ultro concedatur. Hæc inter se crebris agitantibus sermonibus in Regulari Congregatione, pristinae redditi sunt animositati, in hunc modum fraternè correpti. Terret Nos imbelles ab obsidente hostium exercitu, imminens cervicibus Nostri periculum PP. VV. quod etsi procul dubio horrendum est, non est tamen adeò immane, ut Nostram in tuitione honoris Diuini, & propriae salutis labefactet constantiam. Attamen quoniam diuinitus permitti sentimus, Nos & nostra omnia, sacra & profana, Hæreson arbitrio posse committi! fiat sanè: modo deinde iustum & necessarium esse minime ambigamus cultui Diuino, & Domus Dei prouidere decori, quatenus sufficientibus non destituatur ministris, & ad ritus Sacrorum ex debito Nobis obeundos, & ad laudes Diuinae Maiestati, pro honore & exigentiâ Loci Sacri continuò persoluendas. Postquam igitur sententijs Nostri con-

stitutum

stitutum fuerit, Suecorum Nos imperio mancipatum iri, ingenuè PP. mentes Vestras aperire velitis? qui Vestrum pro gloria Dei Sacrum hoc negotium suscipere non abnueis. Nobis equidem aliquibus semper integrum est, fugere gentis malefida consortium, qui tyrannicum eius dominium perpetuò detestamur. Cum verò sigillatim requisiti Patres se in silentio tenerent omnes. Superior subiecit: Aduertite Fratres, quo spiritu ducti hostium, pretense furori subduci cupientes, in fidem Suecorum cum rebus Nostri, & Loco Sacro venire cogitemus. Mons Clarus, Religione Catholica, necnon potenti ac munifica in omnes Dei manu Orbi notissimus est, & ideò Sueco Religionem Orthodoxam extreme detestanti execrabilis; hunc igitur si nos ei protegendum credimus, nonne verius est, quia eius impietati profanandum relinquimus? & quidem incauti magis quam inuiti, cum & Nos pro viribus Nostri, ac loci beneficio, possimus cum Dei gratia, & hostium propulsare violentiam, & nostram salutem non incommodè tueri. Quæ verò nostra fides! quis amor? quæ ad Deum in nos tam munificum, gratitudo leui discrimine temporalis commodi, à tutando conseruandoq. celestium donorum æterni Regis Sacrario abduci! utique non dubitemus esse consultius, Domus Dei, Sacra Religionis, & Nostras tutari simul immunitates, quàm cum horum omnium iacturâ, exilium aut seruitutem subire perpetuam. Constat sanè non alio modo certius rerum nos, & libertatis Nostræ

R 2

nausfra-

nausfragium facturos, quam si cecus Noster Religiosus, & Mons Sacer, omnibus Hæreseon sectis exosus Suecorum tradetur voluntati, sacrilegis erroribus deprauata. Quid autem est, quod obstat continuandis pro Deo conatibus Nostri? apparatus defensionis necessarius Nobis sufficit, curandis honestè corporibus alimenta suppetunt, labor indefessus, & inuictum animosi militis certandi studium, spem facit bonam victorie. Subsidia sperare iubent impermutabilis hominum pietas in locum, hunc, & multa alia iuste rationes; quæ si fortè spem Nobis fecerint irritam, utique Deo, cuius causam gerimus, quis impius dissidere præsumet? Aderit ille, & studia secundabit Nostra, dummodo benè animati tolerandos labores strenuè ipsius consecremus honori.

Litteræ in
fossa super
mines repe-
riuntur.

Profectò festinauit adesse Diuina clementia, & omnes eâ perturbatione deiectos, in meliorem spem erexit: nec præsagium caruit euentu, postquam litteræ in fossa repertæ sunt, quas G. D. May, Sandomiriensis oræ Incola, significando Tartaros Serenissimo IOANNI CASIMIRO, Poloniarum Regi suppeticas ferre, fratri in Siradiensi tractu degenti scripsit, hic autem stans supra fossam, casu eas dimisit; atque ita post liminio ad pactam verbo constantiam omnes sunt reducti.

Aggreditur
hostis Montem
superius à par-
te Austræ.

Pertentatis propugnaculis ab Aquilone, ad partem Australem rursus deuenit hostis, non ita murorum soliditatem experturus, cui iam ante satis esset cognita,

cognita, sicut faciliorem habiturus modum ad ignes in tecta Templi iactandos, vel etiam ipsius moenia quassanda, quæ ob crebra fenestrarum altiorum interualla, facile diruenda sperabat. Plurimum igitur laborauit in parietibus Templi, tam externis quàm internis vasto globorum pondere conuellendis, vel labefactandis. Complures deinde ignes sphaeris reconditos in tecta Sacellorum iactauit. Quo negotio ab ortu Solis ad meridiem occupatus, tandem vel pilarum huiusmodi defectu mitior, vel sedulo labori ministrorum indulgentior quieuit, illud maximo conatu & operâ consecutus, quod portæ valuas grandi & igne candenti globo perterrebrauerit, trabemque pontis sublatis superiorem, & quatuor bombardas è muro pendentes comminuerit: tum & illud terribilius, quod altero globo ferreo, interiori Aedis Sacrae parieti per fenestram ingenti fragore illiso, totam pulueribus calcis oppleuerit, ita, ut terrore fracti Religiosi, existimantes funditus Templum ruere, Officio Diuino interrupto, fugâ se proximæ (ut putabant) ruinæ subtraxerint.

Religiosi è
Templo illi-
bus globorum
fugantur.

Hinc aliqui Nobilium, prudentiâ & rerum experientiâ viri præcipui, obsidionis angustiarum & laboris pertæsi, siue iam tot periculis exterriti, conuenerunt Loci Superiorem, præsentem tû Patre Ioanne Stradomski, Clari Montis Ordinario Prædicatore, petentes: quid cunctabundus expectaret? cum diligen-

Nobiles ob-
fessi cohuant-
unt Superiorem, & ur-
gent deuotionem.

S

ter præ-

Datur Nobilibus responsum, & negatur deditionis.

ter præsentem rerum statum considerantibus, & in extremo discrimine constitutis, nulla penitus subsidij spes affulgeat; & hostis, qui toto Regno potitus est, ab obsidione Monasterij (quod vnicum ei superest expugnandum) nequaquam deterreri possit, inutili defensionis nostræ constantia: mirum proinde videri sibi, quid obstaculo sit, quominus cum hoste componat, necessitate ipsâ omnino id flagitante, ut cum eo concludatur rebus nostris integris, hoste præsertim oblati à nobis Conditionibus acquiescente, quod paulò post futurum exasperato illo, ac nostris attenuatis viribus sperare minimè possumus. Quibus responsum: *Non omnia, quæ intendimus, nobis ab hoste conceduntur; volumus autem Locum hunc Purissimæ Virgini Sacrum, impio Hereticorum pede nunquam calcari. Vos Generosi DD. fracti calamitatibus compositioni studendum ducitis, ut molestis obsidionis soluti, belli renunciantes incommodis, in optatâ pace omnis deinceps perturbationis expertes maneatis; putatisne ab omni belli calamitate vos nostrâ deditione immunes fore, postquam Monasterio excesseritis? Non est mihi, credite, Rex Noster CASIMIRVS adeò animo consternatus, & Regni oblitus, ut de illo sibi violenter erepto nolit, vel non possit contra inuasorem armis decernere; faciet profectò, ac multi pro debita erga Principem fidè & pietate principes & subditi, fidelem ei operam in eo recuperando navabunt. Aduertite deinde, quid submis-*

submissione hac lucraremur; fieret id, ut qui nunc gloriose pro D & O, Rege, & Patria, contra impietatem Hereticorum agere grauamur, inglorij & inuiti pro impietate Hereticâ decertaremus, vel quod certius est, tanquam suspecti & infideles Monasteria exturbaremur. Malorum igitur & molestiarum grauiorum nobis poneret fundamentum cum hoste compositio, sin modicum incommodum sustinentes hostium pertinaciam, Deo iuvante superauerimus, pacis certam stabilitatem certissime consequemur.

Postridie per præsidiariorum fistulas, aliquot è suis milites hostis desideravit, ipse remissiùs egit, nec quidquam detrimenti attulit obsessis, Deo singulari opè ad preces Deiparæ Virginis Cultores suos protegente.

Ante aliquot dies cum licentia Milleri, accesserat ad moenia Monasterij G. D. Alexander Iaroszewski de Lubidza, prætextu quidem Coniugis Monasterio educendæ, veriùs autem significandi gratiâ, argentum inuentum esse à Quartianis, (fuit autem argentum hoc limoso stagno immersum, & à militibus piscandi gratiâ aperto aquis descensu repertum.) quod illi agnoscentes esse Ecclesiæ Claromontanæ, deportare voluerunt, quò Patres indicassent. Quia verò loqui hæc palàm Patribus non potuit, præsentem sibi parastate, scripto cautissimè relicto abiit, nec audiuit responsum. Interim de casu factus certior Generalis,

Argentum Monasterij aquis immersum, à Quartianis inuenitur.

*Offert Mil-
lius argen-
tum Religio-
si, sin dedi-
tionem con-
senferint.*

extradi sibi argentum præcepit Quartianis, & com-
modissimam eam nactus occasione, deuincendi &
inclinandi animos Religiosorum in deditiōem Mo-
nasterij, specioso beneuolentiæ argumento toxicum
mellitis verbis conditum, vnde non mediocre di-
scrimen titubationis obortum fuit, Conuentui pro-
pinauit, per insignem de suis Stipendiarijs Equitem
Polonum, adiunctis ei pro more socijs in hunc mo-
dum: Illustrissimus D. Generalis, pro innata sibi hu-
manitate, & Loci Sacri obseruantia, votis expetit ar-
dentioribus, ut post tot inutiles ambages verborum, &
calamitates, quas ob Vestram temeritatem pati debui-
stis, meliora capeffentes consilia, rerum Vestrarum inte-
gritati diligentius studeatis. Euerfionem Monasterij
tam celebris non intendit, nisi Vestra adactus inobedien-
tia; sed nec honorum eius diminutionem; quinimo in-
tendit augmentum, nam & argentum Vestrum, quod
inuencum in manu illius est, plene Vobis restitui faciet,
& singularibus alijs beneficijs locum hunc cumulabit:
dummodo non inuiti morem gesseritis Regi Suecie, &
presidium receperitis, quod ille prouidendo bono loci,
quantum fieri poterit dabit Catholicum, & Ducem
Hassie virum bonum & Catholicum eidem præficiet, Ve-
ster & ipse singularis Protector futurus. Pensate ergo
Patres beneuolentiam Illustrissimi D. Generalis, & Ve-
stre indemnitati maturius consulite, ut non deteriora se-
quantur quam passi estis. Non enim fieri potest, ut non
fracta

*Presidium
promittat
Catholicum.*

fracta arroganti temeritate Vestra, vir in re militari
tante æstimationis & autoritatis semper fortunatissimus,
rebus infectis hinc discedat, & honorem nulla unquam
labè contaminatum prostituat. Ad hæc responsum
est à Patribus: Illustrissimo D. Generali iam ingenuè
aperuimus, Nos, & Monasterium Nostrum, & esso
nunc, & in posterum fore semper in Regiâ potestate.
Non igitur rebellionem temerè, sed necessariam loco pa-
cem pie & consultè querimus. Nam si presidium He-
reticum semper blasphemum in Locum Sacrum, ut in
dies experimur, inter impatientes Dei & Sanctissima
eius Matris iniuriarum Catholicos admiserimus, pax
quæ constabit? Deinde presidio hoc superinducto, ve-
niens vndeque deuotionis causâ hominum diuersa
conditionis multitudo, quorum hic liberalitatè sustenta-
mur, aut exarmabitur! aut quod magis timendum, non
admittetur! quæ proinde pacis sed & vite sustentande
ratio nobis relinquetur? Consideres ergo G. D. qui Re-
ligione Catholicus es, & gentis Polonæ mores & feruo-
rem deuotionis nosti, vtrum conducatur nobis Sueticum
presidium induci? Atque his de causis componentes cum
Illustrissimo D. Generali, petijmus presidij Nostrî Præ-
fectum Polonum Catholicum constitui, & Nobis propo-
nendum. Quam Prouinciam Tibi præ alijs Generose D.
si placuerit demandari exoptamus. Quod spectat ad re-
stitutionem argenti, gratiam quidem Illustrissimi D. Ge-
neralis acceptamus, conditionem minime; qui honorem
T Dei,

*Patres in de-
dit. omem non
consentunt,
ex rationibus.*

Dei, & Sacrorum immunitatem æstimamus omni plius thesauro: verumtamen & argentum, ob virtutem & innatam Polonis pietatem restituendum nobis confidimus, Deo enim Sacer est thesaurus.

Argentum a
Quartanis
restituatur
Monasterio.

Nec vana fuit de virtute Polonorum spes argenti restituendi: namque ab obsidione soluta, per manus Illustris & Admodum R. D. Alberti Rychelski, Officialis Radomscensis, Præpositi Breznicensis, transmissere illud, modica parte ob sequestum Generalis interpositum penes se retenta, ad sopiendam si quam Rex Suecorum facilluisset difficultatem. Denegarant autem argentum Generali, quod illud iure belli ad se pertinere prætenderent: Verè autem, ut erga Locum Sacrum suam luculenter contestarentur obseruantiam, & venerationem, prout eorum docent literæ.

Adm. Rñde D. Prior Clari Montis Czeszochouiensis,
Domine & Amice Obseruandissime.

Scribit Reli-
giosus G. D.
Kalinski.

NON venit Nobis in mentem, quis de reperto argento ad cultum Sanctissime Dei Parentis spectante, certiore fecerit Illustrum D. Generalem, quod sibi dari postulauit enxius; cuius voluntati cum oblatatus fuisset grauitè, arecto illud ad causæ decisionem obstrinxit, ut maneret integrum. Pluris autem æstimantes Supremi Numinis gratiam Equites sub meis signis militantes, quam ullius humane potentie vires, generosè

nerosè induxerunt in animum, illud Admodum R. D. Vestra restitui, eamq; ob rem id in manus Illustris Domini Præpositi Brzeznicensis, & Officialis Radomscensis representarunt, boni amici Conuentus Vestri; attendentes tamen, ne quæ hinc oboriat difficultas, retinuerunt apud se triginta eius frusta, eadem Admodum R. D. Vestra remissuri sopitâ causâ; cuius remissionis iniimus modum certum. Caterum Admodum RR. DD. Vestras oratas diligenter velim, ne mei sint immemores ad Imaginem Sanctissime Virginis, Vestrum semper studiosi amici, die 29. Decembris, Anno 1655.

Admodum R. D. Vestræ

Fauentissimus Amicus, & ad
officia paratus

Seuerinus de Kala Kalinski,
Chiliarchus S. R. M. mpp.

Scripserunt eodem exemplo ad Priorem literas Nobiles & Generosi Domini, Nicolaus de Karmina Karminski, & Ioannes Trupski, apud quos argentum hoc deposuerant sui famuli, qui illud repereant. Porro, ne hæc Equestris cohors frustretur digna virtutis atq; pietatis cōmendatione, annotare libuit ad posterorum memoriam, illam sub signis militasse Magnifici D. Krzeczowski, Equitum Magistri, & eius

vices gerentis G. D. Adami Komorowski, quorum nomine subscripsit G. D. Morzkowski, cum manifestâ declaratione restitutionis reliquarum partium argenti.

Lapide ex-
cidunt cuni-
culor.

Porro, cum Millerusprehendisset, Monasteriū in solidâ rupe fundatum, nullis fossionibus aditum præbere posse cunicularijs, vocauit Ilcussio latomos, ut noctes diesque alternantes operam cadendæ insudarent rupi. Qui, ut erant remoti à Coenobio, petram detegentes, sinuosum eruebant aggerem, ad iectus Claromontanorum eludendos: at cum non amplius inde stadio distarent, stylo celtibusque petram scalpserunt summo labore, colubrorum instar repentes, & longâ fatigatione paucis admodum passibus in diem progredientes, contra Quenaculum propugnaculum pergebant. Sparsus interea in fauoris speciem rumor increbuit, quod per meatum à latomis in petra inuentum, hostis in aliquot locis puluerem nitratum euertendis Monasterij mœnibus submiserrit; imò plerique ab hoste subornati sollicitatores deditiois, famam cuniculorum extendentes, extremum quasi miserantes Loci Sacri excidium, constanter asseuerabant, intra biduum, nisi resipiscerent Religiosi, euersum iri Monasterium. Multos ea fama de statione propositæ defensionis dimouerat, nisi sagaciores aliqui, odorati fabulam fraudi concinnatam, animos eorum tenuissent, sic respondentes: Si-

quidem

Sollicitatores
deditiois
terrent sup-
positione pul-
ueris.

quidem si puluerem pyrium Monasterio quin-
atenditis? quid nitimini obtinere precibus, quod est in
vra manu? Nunquid frustra gloriamini? Nobis
ante mori promptum, tandem diuturni & molesti
labore, parva potius nini, nec magis nostri, quod
neque, quam vestri misereamini.

Porro hic improbus, hostium, quamuis obsessis
mœnibus, tamen molestus, occasionem dedit Præsi-
di, ut in obsequatores excurrendi: cum autem pro-
pugnaculum, sicut exultu præterito vexatum, cautiùs
iam per noctes agere, quibus se fere somno abstinebat;
ut cum eorum mœnibus adolendo cum, ceperunt
eum, cum perficiendo diem crastinam, quæ erat
20 Decembris præstarent.

Itaque hora prima pomeridiana per occultam e-
gressi, amaram de fossa secundum mœnia profunda
eum, & aduenus hostium Castra Duce G. D.
Stephano Zaroyka, Fratero Siradiensi, proceden-
tes, primum libidine dedito ut oculos ad fossam la-
pideas, duobus duos ac vita donatus: inde ad pro-
ximam armatæ stationem progredi, duo tormen-
ta, & concipiendo matia redeliderunt, ignitabu-
lis eorum impactis clavis ferreis. Sublato deinde cla-
more, palantes hostium cuneos animosè persecuti
sunt ad viam vicque, quæ ducit ex Oppido in pagum,
beati indulgentes hosti, & nihil parcentes fuga di-
la, eorum sanguini. Centum circiter Equites excu-
biantur

Duxna ex-
citatio, pro-
funda, mœ-
nia, hosti-
um, & am-
plius.

biarum aduersus nostros procurrerant, qui tormentorum ictibus pulsi, à mœnibus celeriter pedem referre debuerunt, contra quos non cessatum est detonari fistulis, donec in campos Oppido proximos secesserint, & nostri cum præda, vno suorum desiderato, in Cœnobium se receperint

*Cæsi à prædictis hostibus
Krepicium deportantur.*

*Inter conuulsas hostes
globus casu irruit.*

*Apparatu hostis Cracouiã
assortato, obsessi turbantur.*

Biduum quieuit hostis, & à fossis eruendis superedit; cæsorū etenim corporum curam tum habuit, & quæ nobiliora ex Officiorū Præfectis diuersis diebus collegerat, Krepicium sepelienda deportauit. Credibile autem est, humano etiam terrore corruptum, ab impijs ausibus aliquantum destitisse: etenim rumor illis diebus ferebat, quod accumbente mensæ Generali, cum quibusdam Officiorum militarium Præfectis, vesperi exonerato contra tugurium tormento, globus ferreus rupto parietum angulo, inter accumbentes impingens, omnes subuerterit lagenas & calices, & partem mensæ auulserit, ut non expectatis epidipnidibus, metu famem eximente, etiam in salutati conuiuæ discesserint, & ipse Generalis statiuam mutauerit.

Tertio abhinc die, comparuerunt à longe currus Cracouiã nitratum puluerem, & aliam armorum suppellectilem ducentes; consilium proinde fuit eos tormentis discindi, sed tenebræ nocturnæ hosti fauentes illud euerterunt. Non mediocrem res ea incussit Claromontanis timorem, quem auxerant nonnulli Nobiles

Nobiles, angustiarum obsidionis pertæsi, ac ideo aliquos ex Religiosis ad deditionem sollicitantes, multum faceiebant negotij. Considerantes enim Religiosi rerum præsentium statum, quâ priuatis, quâ publicis colloquijs & secretioribus consilijs, diuersas & ex aduerso pugnantes concipiebant sententias. Nam cum aliorum mentes afficeret magna potentia hostis, subsidij nulla spes, furor Hæreticorum ferrox, labor in expugnando pertinax, excidium Monasterij facile, irreconciliandus fauor Principis, bonorum interitus, cultus Diuini quod maximū est exterminatio; trahebantur desiderio concludendæ cum hoste compositionis, vitæ, & obtinendæ pacis amore. *Non decet (aiebant) ut Religiosus, qui saculo abrenunciavit, spiritualem Christi militiam securus, sagum induat militare, effundatq; sanguinem, fuga potius salutis sue consulturus. Quod si deficiente annonâ, hosti succumbendum erit! nonne calamitatem hanc præuenire satius tempestiuè transactâ compositione, ne diuturniore nostra deliberatione furor increseat hostilis, & rebus nostris euersis, conditionibus scribendis nullum ampliùs locum concedat? Verum ætatē ac iudicio grauiores Patres contrarium senserunt, quorum non difficile reliqui iudicium sunt secuti. Quocunque nomine tandem, venerimus (inquiiebant) in potestatem Suecorum, siue per deditionem, siue violentiam, eadem nos in utroque casu discrimina manent; præterquam, si hostis iugo uolunta-*

*Distrabuntur
animi Reli-
gioforum.*

*Seniorum
consilij reser-
uantur.*

luntatem submiserimus, fortasse ab interitu vitam saluare poterimus; nihilominus (cui enim hostis hic fidei erit) omnibus bonis spoliati, aut Monasterio eijciemur inuiti, aut ipsimet plurimis oppressi malis ultro cedemus, si quidem arcem hic euerso Monasterio Rex Sue orum constitutuere molitur. Promde d lapsis nobis (quis enim habitare poterit cum igne deuorante) excidium Monasterij, & extirpatio cuius Edimini, & editionem hanc facilius sequeretur, ut & alibi factum conspiciamus. Quae autem necessitas est seruiendi hostis voluntati, & ei nos nostraq; subiugendi, cum annone & defensionis apparatus, Dei gratia sufficiat? quod utrumq; secundum rationem suadet, ut contra insultus hostiles tueamur nos, eo praesertim attento, tertio postea, decimo vel die trigesimo, nos ei p. J. obtemperare, isdem vel melioribus conditionibus, interim a exitum nisi rante Deo al quod, cui non diffidamus expectantes; tam si potestati eius semel subiecti fuerimus, corrigendi errorem quam deinceps habebimus facultatem. Si nemus pulcherrimam standi pro Deo necessitatem, & si res per salauerit, vitam & sanguinem fortiter pro, & ludi: ita, ut quamuis constaret hostem viribus nostris superiorem euasurum, verumtamen quamdiu occasio daretur, & spiritus superesset in corpore, semper gloriosus foret & salubre, animose pro honore Dei & Patrie. Illud diligenter aduertendum, Ecclesiam Dei, & totius Patrie charissima, salutem propugnandam nos suscepiss; dum pro immunitate Clari Montis

Montis decertantes, eo maiori gloria & merito, quo grauiori discrimine impios Hereticorum conatus retundere studemus. Enimuerò, si Supremus rerum Arbiter decreuit Patriam Nostram pristinae integritati restituere, quod minimè dubitandum, omnis ipsius vigor salutis, à Monte Claro emanauerit necesse: hic enim conuulsis reliquis Patrie membris, illesus solus persistit, ubi Gloriosissima celi Domina, quae sibi aliquando gratum & decorum duxit à Regno Polonia dici Reginam, sedem fixit Regiam, Caput Regni sui constituens, ut unde gratiarum Dei fons scaturiens irrigat mentes hominum interius, medendo earum infirmitatibus, inde & in totum Patria corpus externum, virtus sanitatis redundet: & quam alibi arcano Dei iudicio retraxit, hinc erigenda Patria propugnatricem extendat manum; quatenus appareat, Regnum Poloniae solius Regine sua benignitate, potentia, & protectione suo antiquo robori restituendum.

Auxit & eo die timorem in obsessis Hiacynthus Brzuchanski, Ciuis Czeszochouensis, qui ad muros cultu Militis Quartiani adequitans, spectantibus Praefidarijs, capsam cum piscibus paucis, & literis super fossam demittens, significauit, hac nocte grauius quam ante oppugnandum esse Monasterium, & apparatus formidabilem hostis recensuit, disertè scribens, se vidisse scalas, machinas murales, trabes spinosas, sphaeras ferreas (*granata* vulgò dicuntur) pilas &

Auctus in ob-
fessis timor
per Brzu-
chanski.

las & pyrobolos terribiles, ferreis vncis & fistulis, plūbo & pulvere offertis distinctos. Caueant, ait, diligenter Patres, nec sibi deesse velint, sed quā maximo apparatu & solitudine hosti superuenturo, & admanire parato aduigilent.

*Præfatus
Brzuchanski
à Suecia cap-
tus, ad tor-
turas datur.*

Verum ipsemet pauper consultius suæ securitati cauisset, si domesticis latitans parietibus, abstinuisset ab eo caritatis officio, cuius illo ipso die in vincula coniectus miserabile tulit stipendium, pro paucis piscibus vincula & laquei sententiam lucratus. Prodidit excubitoribus suspectum faciens sui dimissorem facculus ille, inter candores niuium colore fusco nigrescens; ut indicio illius prensus, & quis sub sago latitauerit agnitum, Generali præsentauerint, Generalis tortori tradiderit, trochleis examinandum, post atrox demum examen seuerus causæ iudex morte puniendum decreuerit. Cum verò in casu vitæ desperatæ humanā ope destitutus, præstò non haberet modum, quo ferocientis præcipue Comitæ futuri mæderi potuisset, & idè agone suo Deo & Beatissimæ commendato, funestam executoris decreti expectaret manum: ecce Clementissima Christi Parens, quæ sibi in torturis languenti in forma Imaginis Claromontanæ apparuerat, durum pectus iudicis emoluit, ut supplicium in lytrum exigui pretij commutaret; fecitque pia Mater eo die clientem suum vinculis, quo & Clarum Montem obsidione dimitti.

Præmi-

Præmisit prædictæ oppugnationi Generalis Præfectus exercitus literas eiusmodi.

*Millerus scribit Religiosis
ultimo monens.*

*Admodum Reuerendi, Generosi, atque
Clarissimi Domini.*

Quamuis nomine, iussu, & auctoritate Serenissimi ac Potentissimi Regis Sueciæ, Domini Nostri Clementissimi, Nostri adhibita partim leniora, partim seueriora conamina, apud Vos alicuius ponderis ac momenti fore fuimus arbitrati; attamen & Regem, & Nos, pertinacissima Vestra obstinatione spe frustratos, specieq; ac pretextu simulate ac iterata Vestra accordationis penitus elusos hætenus nos experiri cogimur. Cum verò nihilominus Regia eaq; firmissima Vestram non deferendi fortalitium stet sententia, pro qua exequenda Nostros in tantum cum Deo continuatos esse labores videtis, ut etiam iam tum Vestros ad muros machina Nostre cuniculares quā proximè accesserint, simulque requisitis multis aliis ac ignuomis bellicis machinis antebiduum Cracouā aduectis, ad dolendam totius & Cænobij euersionem, & Vestri internecionem Nos instructos aduertitis. Utique & Dei, & Regis Nostri indolem imitaturi, Christianā mente, extrema quæ sub manu sunt antequam aggredimur. Vos Admodum RR. ac

X 2

Reli.

*Libertur mi-
nuculose.*

Religiosos Viros, per Deum, ac sanctam Religionem Vestram, ultima vice tandem, ac semel pro semper hisce admonitos volumus, ut & Loci Sacri, & sumptuosissimi Templi ac aedificij, propriaque conscientia, ac vitæ ratione habita, decenti ac morigera erga S. R. Maiestatem Suecie deditio, eaque Sacris ac Religioni Vestra nullatenus detrimentosa, tum Vestri, tum loci celebris incolumitatem, strenuè & ingenuè demùm procuretis. Moram, quam solito more mutuis transactionibus imponere forsitan queretis, res presens non patitur. Breui igitur hisce perlectis, Nos ut resoluatis expediatisque ipsa suadet necessitas. Clementiam hancce Regiam ultimato Vobis oblatam, si peruicaci aliqua Vestra pertinacia (quod haud speramus) respueritis: Nos sanè de totali Vestri omnium interitu, Sacratissimique ac in toto Catholico Orbe decantatissimi Loci incineratione, ac euersione funditus futura, ac tandem facta, Sanctè protestando coram D E O, Rege Nostro, ac tota Christiana Uniuersitate excusatos cupimus. Presentesque satis beneuolas, ceterum perpetuum intra Regiam Suecie Maiestatis Clementiam, Vestram obstinationem, monumentum toti mundo conspicuum daturi erigemus. Imò quin Vobis Vestri de salute cura, sine laxa mora sit futura nulli dubitamus. In Castris Nostri Czestochouiensibus die 14. Decemb. Anno 1651.

Burchardus Miller Leytenant mpp.

Quamuis

Quamuis autem literæ Hiacynti Brzuchanski, apparatus & intentionem hostis describentes, incusserint timorem obsessis, verumtamen quia in ijsdem annotauerat Serenissimum I O A N N E M C A S I M I R V M ex Silesia obuiam Tartatis iturum certò mouisse, & iam Zyuecium peruenisse, superantes animo timorem Patres, rescripserunt.

Illustrissime & Excellentissime Domine,
Domine Colendissime.

AGnouimus toties Illustrissimam Dominationem Vestram clementissimè nobiscum egisse, & cum multa longanimitate accordationem. Nostram expectasse, & licet non iniquum videri poterat, ut ad requisitionem I. D. V. Serenissima Regia Maiestati Suecie Nos cum Monasterio Nostro traderemus; tamen quia iustissimis Nostri postulatis V. I. D. contradixit, moram hanc fecimus, non temeritate prolongationis faciende, sed formidine immunitatis labefactanda. Nunc eadem benignitate I. D. V. ultimò admoniti, ad accordationem sine dilatione accederemus, nisi Nos Festorum Gloriosissima Natalis Christi Solennitas impediret: cuius habitam ratione, dignetur I. D. V. Nobis concedere armistitium, humiliter petimus. Nos verò obtenta a Superioribus Nostri declaratione, (ad quos recursus Nobis per licentiam I. D. V. pateat) quod conueniens erit faciemus.

Y

Nova Gigantomachia
faciemus. Interim Nos gratia & Clementia I. D. V.
humillimè commendamus.

F. A. K. C. M. P.

*Religiosi
scribunt
Comiti.*

Addiderunt & supplicem Libellum ad
D. Comitem Wrzeszczewicz in
hunc modum.

*Illustrissime & Excellentissime Domine,
Domine Colendissime.*

Nondum tam auersum à Nobis Illustrissima Do-
minationis Vestra comperimus animum, ut in-
summa periculis ingrauescentià recursum ad I. D. V.
clementiam habere desperemus. Et quia per vehemen-
tem Illustrissimi D. Generalis instantiam, ad agendum
& respondendum exiguam temporis moram habere non
possumus, supplices idè ad I. D. V. recurrimus, ut I. D.
V. non tam memorià Nostri, qui tamen semper Servi-
tores promptissimi sumus, quàm Loci Sacri, quem piissi-
mè semper coluit, & unde se beneficia Diuina Diuina in-
teruentu Virginis recepisse fatetur, eundem nunc ab im-
minentibus ruinis conseruare velit, suam ad Illustrissi-
mum D. Generalem interponendo operam, quatenus
Nos Festa hac solennia Natalis Christi cum debitâ de-
uotione agere permittat, & armistitium concedat, per-
misso ad Superiores recursu. Non enim latet I. D. V.
quantum

in Claro Monte Czeszochouiensi.

quantum Nos Religiosi à Superiorum dependeamus vo-
luntate. DEVS autem hanc in Locum Sacrum pie-
tatem remunerabitur abundè, & Nos obsequiis ac ora-
tionibus Nostriis regravificari studebimus. Cuius &
nunc Exoratores facti humiliter Nos gratia commen-
damus.

F. A. K. C. M. P.

Nemo fuit, qui literas amplius ad Generalem de-
ferre vellet, cunctis fidem hostium suspectam haben-
tibus. Ecce prodit Constantia mulier matura & au-
dax, quæ stipe emendicata vitam sustentare solita, in-
tra fossas tum spelæum inhabitans, exiguo conductâ
pretio, domos incendebat defensionem obstantes,
globos hostiles cum fragmentis murorum in fossam
decidentes legebat, ligna supra fossas iacentia con-
portabat, ne quidquam timens hostium detonantes
contra se fistulas, vendensque obsellis pro alimento
quidquid conquirit. Hæc leue pacta pretium pa-
nis scilicet fragmentum, abiit in Castra noctu, & cū
ingenti cachinno à vigilarum Præfecto excepta, ac
præsentata Generalibus literas reddidit, & tulit re-
sponsum huiusmodi.

*Litera per
vestulam de-
feruntur
Milleri.*

*Admodum Reuerendi, Nobilissimi, ac Claris-
simi Patres, & Amici Honorandi.*

*Respondet
Comes ad
literas Reli-
giosorum.*

Animus meus nunquam fuit, nec est auersus Sacra
Religioni, sed insolentissimarum actionum Vestra-
rum

Nova Gigantomachia

rum RR. Paternitatum, optassem equidem, ut tandem Vobis consulissetis, & ultro Vobis oblatam Regiam clementiam agnoscere non respuissetis, melius Vobis bonisq; Vestris consulissetis. Vobis itaque modò, si saluos Vos cupitis, prospiciatis, & ultima Vestra ruina obuiam sine dilatione procedatis. Interposui me, ut iustam iram D. Generalis mitigarem, & certè non sine difficultate, siquidem toties à Vobis deceptus & defraudatus fuerit. Moram dare ulteriorem horribilis executionis, quæ cras Vobis imminet, nec potest, nec debet. At tamen adhuc se declarat. Quod pro ultima Regis Nostri clementiâ, Vobis hanc gratiam est factururus, & crastinam solennitatem Vobis non est impediturus, hac conditione, ut mox, & adhuc hoc vesperi Vobis placeat Domino Generali cautionem dare, quod post cras, id est die Dominica, sine ulteriori mora tractationem de mutua pace inire certò certius velitis. Quod si hoc neglexeritis, protestatur ille, & ego, de Vestri Monasterij & Templi totali interitu, & in cineres reductione, per machinas iam paratas, & pro libitu Generalis omni hora applicandas. Per Deum Virginemq; Sacram Vos obtestor, ne putetis me hac Vobis in vanum dicere. Experiemini pròb dolor, quod non speratis nec putatis; si Vobis hac Nostra oblatio placet, sine mora responsum dent, nam hac nocte & cras vester adest interitus, quem ego impedire non potero, nisi ea quæ superius Vobis dixi faciatis. Interim
Vos

in Claro Monte Czeszochouienfi.

Vos Deo commendo, & Vestram ultimam resolutionem expecto. Et sum.

Vestrarum RR. Paternitatum

Paratissimus seruus

Joannes Veihardus, Comes à
Wrzeszenicz mpp.

Posterioribus literis nihil responsum est, verum totam noctem Religiosi exegerunt insomnes. Religiosi tota nocte vigiliant. Nox erat Natali Seruatoris Nostri dicata, quam ij partiti per vigilias, distributis munijs incubuerunt, aliqui pro muris excubantes, aliqui Præsidiariorum animos firmantes, aliqui tormentorum Magistris attendentes, pars tamen potior diuinis intenta officijs, in Sacra Æde permansit.

Ingens per Castra strepitus, & ignis ac hominum solito maior frequentia, signabat hostile aliquid ea nocte futurum: verumtamen tenuit Deus animos Catholicæ Religionis aduersariorum, ne quidquam nocte illa ac ipso die attentarent, quò turbaretur populus cultui Diuino intentus, vsque dum pro honore SS. solennitatis Catholicus Sacrorum ritus debite perficeretur.

Meridie ipso intonuit Millerus tormentis ab Aquilone, ac ferreos inde parieti Monasterij globos sic al-
Z
lisit,

*Die Natalis
Christi Do-
mini acerri-
me oppugnat
Monasterium
Millerus.*

*Ignes iacium-
tur frequen-
tissime.*

*Globi item
ferrei con-
caui, vulgò
Granaty.*

lisset, ut multis in locis perforato pariete, nube quam excitaret puluerea, ac tortuoso globorum percussio- rum volatu, per Monasterij porticus, & officinarum anfractus omnes, securitatem & aspectum habitan- tibus ademerit. Faces tunc ve plurimum iactauit stuppeas canabe contortas, pice perfusas, & sulphure ac nitro confertas. Fundebant illæ flammæ horren- das, præsertim quæ fistulis ferreis ita fuerunt accom- modatæ, ut quaquâ versus ignem & plumbum iacu- larentur, in similem malis granatis formam elabora- tæ, quæ quia plures extra Monasterium, multæ intra illud in aream deciderunt, non ictu aut flamma, sed duntaxat tetri odoris grauitate aliquid molestiæ ob- fessis intulerunt. Omnium maximè terrebant obsef- sos globi ferrei concaui, qui diuersas in partes Mona- sterij, vbi hominum multitudo consistere credeba- tur, è machinis ignem scintillantes proiecti, vehem- entiam scintillationem citò sequentis flammæ, repen- tē de puluere tormentario intus incluso conceptæ, cum summo fragore disrumpebantur, & feriebant frustis in omnem partem dissectis. Vnus talium glo- borum ante culinam repertus est integer cassus igni, alter in area distiliens sedecim tesselas in fenestra pro- xima fregit, & totidem in parietibus intimis apothecæ ictus inflixit. Sub vespere tandem grauius tor- mentum fortissimè Monasterij parietes quatit, ignis vi ruptum oppugnationi finem fecit.

Vulgò.

*Iacula ab ho-
stibus explosa
in Castra cum
impetu reuer-
tuntur.*

Vulgo spargitur, & est ab ipsismet hostibus sub tempus obsidionis in Castris & alibi à multis audi- tum, iacula ferrea tormentorum maiorum contra Monasterium ab hostibus explosa, resiliisse à muris frequenter, & forti impetu in Castra fuisse reuersa. Id dum à multis in dubium vocaretur, G. D. Petrus Okrasa, qui illo ipso die Natalis Christi comitatum de Villa Dzbrow in Castra detulerat, constanter asse- ruit, vltima illa explosione machinæ id fuisse factum, & per Castra omnia cum stupore diuulgatum, quod vi resilientis à superficie muri glandis ferreæ, & tor- mentum fractum fuerit, & ipsius librator occisus; si- biq; hoc inquiebat: verosimile visum ex indicio globi, qui circumferebatur verè Suetici; fuit enim tantæ crassitudinis, quantæ in Monasterio pro illo tem- pore non habebantur; quod ei bene constabat uti fa- miliari. Illud indubitatum est, à momento quo ma- china fracta est adeò potenter, ut ad vnum & alte- rum stadium grandia lignorum fragmenta cernenti- bus Monasterij propugnatoribus distiluerint, am- plius nec illo die, nec vllò altero, tormenti alicuius fragorem fuisse auditum, ut inde appareat, graui, de- trimentosa, & mirabili aliqua violentia oppugnatio- ni Claromontanæ finem esse impositum, cum præ- fertim globorum & pulueris copia suppeteret Succis. Vesper Millerus Claromontanis ita scripsit.

Z 2

Admo-

Admodum Reuerendi, Religiosi,
Vt & Illustres, Magnifici, ac Generosi Dñi, D.

Millerus ex-
postulat Ob-
sidionis sol-
uenda pre-
tium.

VEndunt Nobis litera Vestra solito pro more, nil nisi fumum, fumo flammâq; dignum, dum loquuntur meras ceremonias, in ceremoniis moram, in mora pertinaciam, quâ Regi tam potenti subiectionem, tamq; clementer gratiofo obsequium detrectatis, eoq; ipso Regiæ Maiestatis Sueciæ oblatam gratiam in indignationem, presidiumq; tutelare, in animaduersionem ac vindictam seuerissimam conuertitis. Quid faciamus præter id quod factum. Non intermisimus sanè Nostri quod fuit muneri pro Vestri omnium, Lociq; Sacri ad Regium institutum incolumitate promouenda; sed frontem sili- ce duriolem tam Clementi Regi hæcenus obuertitis. Quin ergo perditio Vestra ex Vobis ipsis, nullus saniorum est qui ambigit. En pro abundanti duplicem Vobis usam candidè proponimus: Aut fortalitium, Vosq; omnes in Regis ac Domini Nostri Clementissimi protectionem ac presidium hodie dedatis, aut Regiæ suæ Maiestati iuramento submissionis, obedientiæ, ac fidelitatis prius præstito, in debitam satisfactionem pro diuturna illa obstinatione, & damno per hanc toti regioni illato, simulq; in debitam imperij recognitionem, ipsissime Regiæ Maiestati Vos RR. DD. Religiosi quadraginta millia Imperialium seu Thalerorum; Vos verò Generosi, Magnifici,

gnifici, ac Nobiles Viri, quotquot vestrum sunt in fortalicio, viginti millia Imperialium (ut summa sit sexaginta millia Imperialium) sine ulla mora ac refragatione soluat. Sic Vobis missa obsidione, & de quietatione & pace sufficienter prospiciemus, simulq; Vos & Venera omnia de securitate certificabimus. Sin minùs, & Vos dilemma hoc tolerabile non actualiter soluat, neq; in unam, neque in alteram harum inclinetis, aut utriusbet annuatim ac subscribatis: ideoq; omnem pacifica transactionis conditionem excutiat: scitote, quod licet nec verbum, nec ferrum, nec puluis, nec ignis Vos mitigaret, tamen obsidium Vestri ac fortalitij, nullo modo propterea penitus soluendum; sed in confinio, & in circuitu trium miliarium, omnes Ciuitates, Pagos, ac Villas, simulq; omnes illorum omnium Nobilium, qui in fortalicio contra Regiam Maiestatem Sueciæ morantur, ipsiq; refragantur (quos nominetenus nouimus cunctos) possessiones ac bona, direptionibus, flammâ, & igne funditus deuastanda ac euertenda, imò in cineres & fauillas redigenda trademus. Vos ipsi neque in fortalicio perpetui, neque extra illud tuti existetis, sed pro tanta malitia & obstinatione Busiridis arâ, ac Perilli tauro digna, in posterum ubi ubi offendimini: non arc, sed corpore; nō nomine, sed sanguine luetis: adeoq; equali mensura pro merito tali retaliabimini. In Castris Nostri Czeszochowiensibus die 25. Decemb. Anno 1655.

Burchardus Miller Leytenant mpp.

Aa

Die

Nova Gigantomachia.

*Loco pretij
Imaginis R.
Virgine cum
Historia Mil-
lery per ve-
tulam mit-
tatur.*

Die sequenti, quæ Prothomartyri Stephano sacra erat, placuit Superiori Monasterij consuetudinem nationis Polonæ sequi; quæ amicos tunc honorate xenijs affluebat; urbanum ratus hostilem animum delinire muneribus. Misit itaque per nominatam superius Constantiam exempla duo Claromontanæ Imaginis historiam continentia, idiomate Latino & Germanico; ac aliquot Sacræ Iconis ectypa Generali Præfecto, & Comiti Wrzeszczewicz, vnâ cum literis, quarum series fuit.

*Ad literas
Millero re-
spondetur.*

*Illustrissime & Excellentissime Domine,
Domine Colendissime.*

Manifestatam literis voluntatem, quam longè commodius Illustrissima Dominatio Vestra Nobis ab initio aperuisset, illo enim tempore, pro possibili ad exsoluendum Nos faciliores inuenisset rebus Nostris integris: Nunc autem, cum iam bona Nostra bonorumque prouentus, partim ignis, partim miles absumpsit, quomodo satisfiat voluntati I. D. V. non videmus, cum nec sit quod redimi possit, nec quo redimatur. Rebelles certè non iudicemur Serenissimo Regi Sueciæ, qui penes Præsidium Nostrum Polonum cum Polono Præsidente relinqui ex iustis rationibus petimus; repulsam passi sumus, cum tamen & in hoc passu probanda virtuti Nostræ locus merito concedi debuit, qui Principibus nunquam

in Claro Monte Czeszochouiensi.

quam rebelles fuimus (non enim sumus tanti) sed de Principibus studuimus pro Religiositate Nostra bene mereri, uti & presenti Serenissimo Regi Sueciæ virtutem, fidelitatemque Nostram probatam fieri studebimus. Sed en quo iam deuenimus sanè dolendum! & Nos Religiosi in profundum paupertatis sumus demersi, & Vos Illustrissimi DD. Loco huic Sacro, tota Christianitate celeberrimo, grauem iniuriam irrogastis. Meliora de Nobis, & de Loco Sacro cogitet I. D. V. curetque potius, ut Nos Exoratores facti in loco tam venerabili, Diuinam Maiestatem pro Illustrissima Dominatione Vestra deprecemur. Datum in Claro Monte die 26. Decemb. Anno Domini, 1655.

F. A. K. C. M. P.

*Illustrissime & Excellentissime Domine,
Domine Colendissime.*

*Scribitur
quod Comiti
& Wrzeszczewicz.*

NON ad irritationem audaci temeritate, sed grati animi beneuolentia ductus, memor scilicet beneficiorum Illustrissimæ Dominationis Vestræ, & confidentissimæ olim conuersationis Nostræ confidentius scribo. Decerne Illustrissime Domine, virum Christiani nominis impugnare Aedes Christo consecratas? nunquid pro Castris Domus Dei à pijsimis viris Diuino instinctu fundate sunt, & non pro oratione? Multominus deet Catholicum Te Illustrissime Domine agere contra

Aa 2

locum

Nova Gigantomachia

locum hunc, *Imaginem Deiparae, & in homines beneficijs Dei, in tota Christianitate celeberrimum, in quo ipsamet I. D. V. eius benignam in se manum amplissimis est contestata pignoribus. Et nunc scito Illustrissime Domine, (quod enim scio loquor) Illustrissimam D. V. hic à casu lethali aliquoties Divina virtute servatam, credo per opem Virginis Beatissimæ, intuitu illius pijsimi affectus, quem olim in Locum Sacrum I. D. V. conceperat, & beneficiorum, quæ gratitudinis ergo hic deposuerat. Memor igitur beneficij servate salutis Illustrissime Domine contine manum, & Dei non irrites patientiam. Nos verò Exoratores Tuos favore gratiosiori prosequere. Dat. in Claro Monte die 26. Decembris, Anno 1655.*

Illustrissimæ Dominationis Vestrae

Exorator indignus

F. A. K. C. M. P.

Die S. Stephani Claramontani in solito modo ex Natali Christi latine Musica & ex plausibus Suecos terre faciens.

Contigit eo die, quòd Familia Cœnobij pro more in Patria usitato, ad gratulandum Natalis Christi Domini Festum conuenerit, cum suorum officiorum instrumentis, solatium fidelis obsequij habitura. Præiuerunt ijs hac in re Musici omnis generis ac instrumenti, qui primùm Superioribus Cœnobij, deinde alijs insignioribus è Nobilitate viris dulci melodia faustum Christi Natæl gratulati sunt :
tum

in Claro Monte Czeszochouienfi.

tum alij quoque suarum officinarum & officiorum promptam & accuratam diligentiam sua supellectili sunt contestati. Tandem Præsidarij milites subsecuti sunt, qui omnibus primùm solennitatem Festi tormentorum fistularumque ferrearum apprecati fragore, versus Suecorum Castra obuersi: deinde G. D. Stephano Zamoycki, Episcopo Siradiensi, eiusque filio cognomini suo patrocinium primi Martyris, & natalem utriusque auspicatum detonuerunt ordine tanto; ut Sueci tonitru audito, rei gestæ secundum militarem modum dexteritatem considerantes, è statuis in fugam versi confundi cœperint. Cuius ceremoniæ solennis causam exercitus Suetici Duces, cum relatione Polonorum haberent satis exploratam, in admirationem abrepti, ob tantam bellici apparatus abundantiam Claramontanorum, perire frustra tempus, & operam in oppugnatione Monasterij fatebantur: ut potè, cui virorum in fistulis exonerandis exercitatorum copia in defensione iusta suppetat, & annonæ affluentia exuberet: quâ si laborarent obsessi, non liberet ijs tantæ Musicorum melodiæ indulgere, cum ea in luctu, & rerum necessariorum vitæ defectu sit importuna.

Nocte itaque concubia grauioris armaturæ machinas ex stationibus deductas expediunt, diluculo autem in suam quisque regionem diuersi abeunt, tanti agminis Duces. Millerus Generalis Præfectus Pe-

Bb

triciouiam,

Hostium discessus.

triconiam, Comes Wrzeszczewicz Vielunium, Sadowski Siradiam, Dux Hassiæ Cracouiam, reliqui Poloniarum cohortium Magistri, in Maiorem Poloniam diuertunt.

*Prædiorum
Monasterij
subditorumq;
ruine con-
specte.*

Faustiore iam die recreati Patres, ritè peractis Deo gratijs, apertâ postridie Monasterij portâ, post tædio-
sum obsidionis squalorem in aprico ventulantes, salubrioris auræ haurire cœperunt beneficium. Eorum aliqui quorum intererat ut quamprimùm instaurarent annonæ copiam, possessiones ad Monasterium pertinentes lustraturi procurerunt: & cum pagorum prædiorumque Conuentus in ruinis & fauillis vestigia tantùm inuenissent, subditorum autem reperissent neminem, eò, quòd partim cæsi sint ab hoste, partim per Silesiam dilapsi. P. Prior Tabellarium expedit Lublinieci ad Perillustrem & Magnificum D. Andream Celari, S. R. I. Comitem, in Lublinieci & Radziakow Liberum Baronem, significans à Claro Monte hostem recessisse, simulque petens, ut pro vtitatâ liberalitate sua, alimentis & rebus alijs diuersis Monasterij necessitati prouideret. Est vir antiqua generis Nobilitate conspicuus, & humanitate paucis Heroibus conferendus; quod autem æstimatione maxima dignum est, Catholicæ Religionis à Maioribus acceptæ studiosus propugnator Monti Sacro addictus, ita, ut quod olim Obededom Domus Arcæ Fœderis debuit, hoc illæ totum Clatomontanæ Vir-

*Beneficentia
Comitis Ce-
lari.*

gini

gin, ferat in acceptis, tanquam omnium suarum benedictionum fonti. Hic complures currus annonæ onustos ad Montem Clarum transiisit, & solutæ obsidionis beneficium Patribus pro eo quo ipsos cōplectitur candore, perquam voluptuosa beneuoli animi propensione gratulatus est, consolationis per Deiparam Virginem partæ primus Encomiastes.

Ut vero circumquaque diuulgatum est hostem à Clari Montis obsidione recessisse, animorum propensione & beneficentia de Loco Sancto bene mereri certantes, vbertim frumenti & omnis commeatus necessarij copiam Conuentui vltro prouiderunt Viri beneficentissimi. Illustrissimi DD. Stanislaus de Warszzyce Warszzycki, Castellaneus Cracouiensis, & Paulus Germanus eius, Palatinus & Generalis Terrarum Mazouiae. Eorum exempla imitati sunt Generosi & Magnifici DD. Christophorus Zegocki, Gubernator Babimostensis, Sebastianus Bogdanski, Stephanus Iackowski, & alij multi: ita, ut & alimentorum apparatu penu Monasterij pro reliquo anni decursu sufficienter instruxerint, & bobus ac ouibus greges prædij instaurauerint.

*Beneficentia
Nobilium in
Locum Sa-
crum.*

Quid verò tunc Patres Clatomontani aliud cogitare poterant, considerantes tantam hostium molem, in perniciem rei Catholicæ horrendo impetu congregatam suspenso naso dilabi, & hostem de Regni Poloniae victoria insolentem ac superbum, de mœni-

B b 2

bus

bus cachinnis ac ludibrijs obfessorum derideri? præterquam, quod Magnæ Dei Parenti placuerit hostes hinc decedere, vbi asylum protectionis suæ ac beneficentiæ nationi Polonæ ipsa constituisset; vt Mons Clarus Czestochouienfis. illustriores. Orbe vniuerso radios tam gloriosi miraculi cuibraret, ad perpetuam Hæreticorum confusionem atque ignominiam, quâ moniti condiscant, frustra se in oppugnatione Sacrarum Imaginum. singulariter gratia Diuina coruscantium certamen suscepisse, nihil aliud, quàm apud posteros temeritatis sacrilegæ. notam, & tandem vita præsentis defunctos, æternam nominis labem, & animi corporisquæ poenam consecuturos.

*Obsidio Clari
Montis solius
Dei beneficio
solum.*

Profectò inter admirandâ, excelsæ Numinis Opt: Max. dexteræ opera, beneficij tanti magnitudo censi debet: qui enim fieri potuit, vt septuaginta non amplius. Religiosi, caterua imbellis, neque militari- bus exercitata studijs, tantum robur induerint animo, vt cum quinque Nobilibus Polonis, & eorum familia modica, necnon cum centum sexaginta Præfidiarijs peditibus, quorum pars maior ex agrorum cultoribus sumpta fuit, tanto exercitui resistere audent? nisi DEVS ipse, qui magna fecit Matri suæ, locum cultui suo dicatum protecturus, mentem eam Religiosis indidisset, inditamque inter trepidantium cordium procellas fouisset. immotam. Nam quantumuis aliquoties titubarent aliqui animo, re tamen

factâ

factâ peractâ, vbi ad conclaue arcanorum consiliorum esset peruentum, omnes vnanimi consensu, viritum rogati sententiam, morti se potius atrocissimæ offerebant ab hostibus Deiparæ Virginis, & Ecclesiæ sustinendæ, quàm vt Locum Intemeratæ Matris honoris Sacrum, blasphemorum pedibus hostium, calcari permitterent.

Audax visa est multis è Nobilitate Religiosorum temeritas, qui cum redactam in hostium potestatem Patriam, Arces munitissimas occupatas, Metropolim totius Regni Cracouiam, omnemque exercitum hostili potentia subiectum viderent, tamen se dedere nunquam in animum induxerunt, fortiter sustinentes æquæ hostis insultus ac linguæ petulantis cauillos. An, inquiebant aliqui, *Othomanica auxilia expectatis Patres?* verum fidere se non humanæ opi, sed Dei, cuius hæc causa esset potentia ac protectioni; paratos sanguinem vitamque honori Diuino profundere, vt fides illibata Deo, Patriæ, ac Regi seruaretur, quantum erat in se respondebant.

*Improperiū
singulare
R.R.*

Perennitas memoriæ sit cum laudibus amplissimis VLADISLAO IV. Potentissimo Regi Poloniarum, qui diuinitus præsciens tanti periculi Patriæ, Locum hunc Sacrum in honorem Deiparæ Virginis, muniuit propugnaculis magno sumptu, & ad munimenta eius perficienda, gloriosissimo Principibus præiuit exemplo. Cuius non segni passu sequitur ve-

Cc

stigia

SS. Regis &
Regina soli-
tudo circa
defensionem
Clari Montis.

stigia Frater germanus Serenissimus IOANNES CASIMIRVS Rex pijsimus, cum suâ Conforte religiosissima LVDOVICA MARIA GONZAGA, Regina Poloniae, & Ducissa Niuerfi & Mantuae. Qui vt didicerunt atetâ Monasterium Claromontanum obsidione teneri, generosissima quæque virorum pectora in eius defensionem præmijs, fauore, dignitatibus, auro argentoque signato, & preciosissimis monilibus inuitare non destiterunt. Magno animo plerique operam fuerunt polliciti: difficultate tamen legendi exercitus, cum per pacta Sacrae Caesaris Maiestatis FERDINANDI III. cum Suecis inita, in Imperio militem conscribere nefas esset, atque id in Patria fieri nulla ratione posset, cuius omnes vires & vires essent in potestate hostis, doluerunt se tam sancti prae voluntatis propositi, non posse fructu gloriari. Versabatur alijs ab oculis nuper imperio formidabilis Succorum potentia, quam victrices grauiorum hostium aquilæ Polonæ calamitate præfenti exaggerabant. Alij credentes Clarum Montem in potestatem Regis Sueciæ venisse, quod ipsi hostes in vulgus sparserant, inutiles (vt putabat) officio renunciarunt. Alij quod inaudiuissent obsidionem solutam, an hæc ita essent, quæ rumore populi circumferebantur, examinare nihil pensi duxerunt. Duo tandem Ductores agminum, G. D. Christophorus Zegocki, Auiopontanus siue Babimostensis Gubernator,

nator, & G. D. Stanislaus Kuleza, zelo Diuini honoris accensi, & S. R. Maiestatis sollicitudine adducti, opem obsessus laturos veniebant. Verum enim verò cum tanti hostium cunei essent perumpendi, post felices aliquot cum ijs conflictus, non nisi decimâ die ab obsidione soluta, ad Montem Clarum perueniunt. Deo (creditum est) sic ordinante, vt montibus miraculis olim diuinis illustribus, in Polonia etiam Mons Clarus posset accenseri, singulari solius Dei protectione ad preces Deiparæ defensus, ne ob partam in tantis periculis salutem, daretur vilius cuiquam hominum locus gloriandi, vel saltem illam superborum iactantiam usurpandi: *Manus nostra fecit hæc omnia.*

Ipsorum hostium testimonio perspicuum est, eam defensionem diuinitus euenisse: nam G. D. Grodzicki, S. R. M. armaturæ Præfectus, & alij testati sunt, non aliam causam recessus à Monte Claro Millerum in Castris dedisse, quàm quod mulieris grauis sibi adstantis, verbis & vultu minaci fuisset exterritus. Vnde inter Suecos sermo increbuerat. Millerum à muliere seductum pretio Monachorum conductâ, obsidionem soluisse. Erat verò vox in populo communis, cum à visa muliere serio monitum, vt ab obsidione desisteret, alioqui cum toto exercitu interneione delendum.

Adstipulantur huic narrationi Sanctimonialium

C c 2

Ordinis

Venit in
subsidiu
Monasterio
Ductores se-
luta obsidione

Clarus Mons
miraculose
defensus.

Millerus visa
mulieris ex-
terratus.

Ditum Milleri de uisa sibi Muliere.

Mulier à Suecia super uallum Monasterij uisa.

Vir annosus apparet, arguit lapicidas.

Ordinis Sancti Dominici literæ, Petricouia missæ ad Sorores tunc in Claro Monte commorantes, quarum contenta sunt. *D. Millerus diligenter & attentè fuit contemplatus in Templo nostro Imaginem Claræ montana similem, & cum aliquam paruam donari sibi eiusdem exempli petijisset interpret illius, donatam ipse Millerus ab interprete recepit, ut facilis coniectura esset, cum visionis nocturnæ ideam an Imagini similis esset studiòsius speculatum fuisse! Nam eadem Profeta Petricouia Virgines, Admodum Reuerendo Patri in uinciali, cuius est Conuentus Czeszochouiensis, fideliter postmodum retulerunt, ut ex ore ipsius Milleri acceperant, cum de manibus interpretis Imaginem contemplaturus recepisset. Nullo modo, aiebat ille de Imagine, similis est Virgini, quæ mihi apparuit, & tormentum contra me sua manu direxit, sed & in terris similem formâ videri non est possibile. Cæleste quid & Diuinum, quod supra modum exhorruui, in augustissimo eius vultu reluxit. Redeo ad contenta literarum. Asserebant & illud Sueci, quod aliqui eorum vidissent ipsam (scilicet Mulierem) super muros tormenta dirigentem, & necessaria defensoribus arma super vallum stantibus propria manu subministrantem. Latomis etiam cuniculos agentibus, rupemq; incidentibus, apparuisse annosum Senem, qui eos moneret, ut ab inani molimine abstinerent, septenni etiam labore non superando. Atque his visis exterritos se ab ulteriori obsidione discessisse,*

discessisse, quod & G. D. Alexander Strzałkowski ex ore Suecorum sibi auditum, sub onere conscientiaë fassus est coram Patribus.

G. D. Hedwigis Iaroszewska eadem tempestate, visam sibi similiter viri grandæui speciem narrauit, qui se bene sperare iuberet, breui Deo miserante obsidionem soluendam, hostemque à Monte recessurum. Pater interim (quem nomine appellauit proprio) sacris operaretur albo apparatu, ad aram anguli dextri ab ingressu templi. Non alium Senem apparuisse potuimus interpretari, quàm Sanctum Nostri Patriarcham PAVLM Primum Eremitam, cuius honori altare illud dicatum est. Quam speciem Senis visam à latere Mulieris super muros apparentis, & iacula manu retorquentis se à Suecis accepisse testati sunt, G. G. DD. Ioannes Wierzchowski, & Matthias Wegierski, Nobiles Poloni.

Retulit quoque fide interposita Sacramenti, tacto pectore P. Blasius Vadouius, Prior Wieruszouienis Ordinis Nostri, quod in domo cuiusdam Cuius Wieruszouienis mensæ adhibitus Suecorum Georgij Eichner, & Arentij Lukman Commendantum, ab ore ipsorum sacrilego hanc blasphemiam exceperit. Quenam (inquiabant) est in Vestro Monasterio Czeszochouiensi saga, quæ ceruleo amicta velo, sepius egressa Monasterio, muros obambulabat, quandoq; super illorum fastigia residens, ad cuius aspectum multi nostra-

D d

tium

Idem Vir annosus à Nobili muliere uisus in somnia.

Mulier super muros Monasterij uisa, exanimabat Suecos.

rium concidebant exanimés, ita, ut ea produnte, vul-
tum demittere ac operire oculos debuerimus.

Idem tum asseuerabant, & alij plerique primarij
Copiarum Præfecti mensæ accumbentes. Ex quibus
nonnulli subiungebant exprobrantes. Vestri Mona-
chi sunt maleficiorum studiosissimi. Hem! nostrum Com-
militonem ita incantauerunt, ut ab ipso temporis mo-

Miles Sueti-
cus contra
Capellam B.
Virginis ex-
plodens obri-
guit.

mento, quo contra Templum fistulam explosit fer-
ream, manum extensam teneat, nec eam ullo modo
valeat contrahere, aut flectere aliquorsum; imò totus
corpore rigidus, neque ipse possit equum ascendere, nec
descendere, necesse idem habuimus, veluti terre inutile
pondus, cum erecta sic manu, quemadmodum fistulam
direxerat, Lesnam ablegare. His addidit Pr. memo-
ratus, quòd cum antea sæpissimè in Sanctissimam
Virginem Dei Matrem, Sueci horrendas foetentibus
buccis, vomerent blasphemias, postquam Czestochouia
redierunt, mitiores extitisse: nec aliquid simi-
le ab eis amplius auditum.

G. D. Nicolaus de Rusko Bielawski, narrationem
Suecorum monumentis literarum propria manu po-
steritati, ad memoriam perpetuam ita consignauit.
Mihres regiminis Sadowski, qui Officium in Exercitu
Suetico (ut vocare Germanis mos) Colonelli gessit, in
Villam meam Goliná nuncupatam, Districtus Costen-
sis, à Monte Claro regressi, descenderant: ex quibus do-
mi meæ bene habitis cum sciscitarer, quid Czestochouia
ageretur,

ageretur, & in Monte tanto exercitu cincto quos habe-
rent successus? respondebant: frequentius sibi apparuis-
se candido amictu Personam quandam è Monasterio
prodeuntem, & districtum gladium aduersus Castra vi-
brantem, quam intuitus aliquis corruerat exanguis Li-
bitine victima. Et esse compertum ab excubijs noctur-
nis, quadraginta milites hoc infauito spectro exterritos
animas dedisse.

Persona in
albo vestitu
cum stricto
gladio proce-
dens ex Mo-
nasterio.

Iterum cum eundem Nobilem Officij causa visi-
tassent, narrabant, quomodo ipsi vidissent Mulierem
caruleo theristro vestitam, contra quam cum duo mili-
tes Silesij, fratres germani de Gerlachowa cognomento
Dudziczowie, longiores tubos explosuri collimassent,
ipsorum alteri faciei tubus ita inhaesit, ut diuelli nequa-
quam posset, sed excindi à Chyrurgo debuerit, alter duri-
tie lapidi simillima toto corpore obriguit, quos Sueticus
exercitus secum abduxit. Hoc ab ijs iureiurando in-
terposito affirmatum, prædictus Eques Claromonta-
nis perscripsit.

Milites ex-
plodentes co-
tra visam in-
muram mulie-
rem, puniun-
tur diuinitus

A plurimis quoque Suecorum se audiuisse testatus est
supranominatus G. D. Strzalkowski, vir doctus & ma-
turus, Maioris Poloniae Incola, quòd conspecta Mulier
in muris Monasterij, Suecos aut visu terruerit, aut defa-
quadam obuoluerit caligine, cum maximè vires ad
expugnandum Monasterium intenderent. Quod idem
se à Polonis militibus, quos cum D. Wolph interce-
perant Sueci, accepisse, viri graues & fide probati Ci-
ues Czestochouienfes retulerunt.

Sueci visu
Mulieris, ab
expugnatio-
ne Monasterij
deterrentur.

Multi

*Mons Clarus
inter nebulas
fallit oculos
Succorum.*

Multi item viri Nobiles fide bona contestati sunt, inter narrata Succorum de obsidione Montis Clari, hoc singulari obseruatione dignum ex ore ipsorum fuisse exceptum. Sæpius (inquebant illi) expugnationem Monasterij apparatu tormentorum nobis agredientibus apparebat nebula, quâ Mons inuolutus umbra fallaci, intuentium eludens aspectum, videbatur cum Monasterio in altum æris exprorectus, quò cum dirigerentur ictus machinarum, iacula ad conceptum in ære scopum proiecta, supra Monasterium innoxio cursu ferebantur. Quandoque autem per eandem nebula interpositionem, errantibus similiter oculis cernebamus Cenobium in humili colle positum: Directores proinde nostri, caliginis opacitate decepti, cum fistulas tormentorum contra umbram exploderent, globi ante mœnia Monasterij à Montis radice excepti humum feriebant tunc gelu constrictam, & inde resiliences in ærem, reassumpto impetu pellebantur. Placuit Diuinæ summæ bonitati, ad saluandum confidentes in se per Pijl. mæ Matris suæ interuentum, antiqua reuocasse miracula, Montemque Sacrum protexisse in columna nubis, vt de eo notum sit illud, quod in Psalmo dicitur: *Mons in quo beneplacitum est habitare Deo.*

*Multa alia
miracula fue-
runt, quæ ra-
centur ex ra-
tione.*

Pauca hæc ad euidentiam defensi seruatiq; Montis Mariani manu Dei opitulantis exempla rerum mirandarum, descriptioni Claromontanæ Obsidionis inferenda censui. Plura prodigiosè facta, literisq; aut

aut sermone hominum celebrata de eodem obsidio, dum ad aures perferrentur, æstimes velim prudens Lector, nihil hic pro loci existimatione à nobis curiosè quæsitum: satis esse ad nostrum propositum, imò & ad nomen celebre loco faciendum putauimus, si constet oppugnatum Montem Clarum præsidio SS. Reginæ cœlestis innixum, omnium periculorum extitisse victorem. Expungantur (quidam Procerum audacter locutus) memoriâ hominum, & quæ nunc facta conspiciamus, & quæ aliquando in Monte hoc ad ampliandum suæ Diuinissimæ Matris honorem Altissimi manus patrauit memorabilia, maneat verò vnicum hoc Mons Clarus tutela MARIÆ inter cineres fumantis Poloniæ solus illæsus: solus reuiuiscantis Regni saluti seruatus: solus confundendæ hostium potentiæ relictus integer, ac inter ruinas Urbium & Castellorum omni hostium impetuofo furore superior. Omnem proinde Regno Poloniæ integritatem, publicas priuatasque Reipublicæ fortunas, Ecclesijs cultum Dei & auitas immunitates seruatas restitutasque cogitemus, opè solius à Claro Monte MARIÆ, vt iam meritissimè Magnorum iudicio dici debeat: **Clypeus Regni Poloniæ Clari Montis MARIA.**

Longè latèque Mons Sacer suæ claritatis radios ex eo tempore diffundens, recenti Diuinæ protectionis

E c

benefi-

*Legatus Mos-
chouitici
Principis vi-
sitat Clarum
Montem.*

beneficio, diuersarum nationum populos, ac infen-
sas Regno Poloniae gentes, ad amorem Supremi Nu-
minis, & eius Diuinissimae Parentis venerationem il-
lexit. Documento est Magnus Moschorum Princeps
Alexius Michalowicz, cuius Legatus Ioannes Iewlew
suae Serenitatis Pincerna, pacem paulò ante compo-
sitam, ob Prouincias Smolenscentem & Seuerientem,
in eadem saeva Reipublicae Poloniae tempestate, à Du-
catu Lituaniae ad Dominum Moscouiticum armo-
rum vi auulsas, cum Rege C A S I M I R O stabiliens,
obtentà à Rege licentià visitandi Czesztochouiam, &
S. Deiparae videndi effigiem, Regio comitatu stipa-
tus, nomine & mandato sui Principis Montem Cla-
rum ascendit, & cum magna praesentium admiratio-
ne, primum in templo ad aram maiorem, tum & in
Capella ad Altare Virginis Beatissimae, augustam Sa-
cræ Imaginis intuitus Maiestatem, more suae gentis
profundâ ceruicis inflexione, & manus ad terram de-
missione, se suumque Imperium Gloriosae Virginis
patrocinio submittens, adorauit. Multa tum prae-
nominatus Hospes, mente & oculis intensè speciem Ima-
ginis perlustrans, ex industria percontatus est à Pa-
tribus & Viris ex Equestri ordine insignioribus, de o-
mnibus exactè cupiens informari. *Istane est carustans*
miraculus Gloriosissima Christi Parentis Mensa & Ima-
go? cuius arte manuue facta? à quo tempore hic consi-
stens? unde, qua occasione, & à quo huc deducta? Ci-
catrices

Questio. Legati.

catrices vultus impressas quomodo contraxit? quibus cla-
ra miraculis? Altare ipsam sustentans tam magnificè,
cuiusnam operâ & munificentia extructum? in statu
& reliquis operib⁹, quae Intemerata Virginis onerant arā,
verumne sit ac purū argenti metallum? quid causa sit,
quòd Religiosi loci huius niueis vestiantur Cappis, & non
potius aliorum exemplo ascetarum, uti & Graeci ritus
nostri Monachi faciunt, nigro induantur colore. Et in
his quaesitis sufficienter edoctus, è Sacrario Virginis
Sanctissimae interiorum Basilicæ ornatum inspectu-
rus procedens, splendorem ibi exedrarum intuitus,
statuas in ijs vitæ & mysteriorum Christi, affabre Scul-
ptorum artificio elaboratas, tum & beneficiorum,
quæ miraculosa Dei manus præter rerum ordinem,
supplicibus suis in Monte Claro præstitit, coloribus
egregiè adumbratas, singulorum quid significant in-
dagando rationes, accuratè lustrauit: Solennes quo-
que Sacrorum apparatus, Sacram Mariani Sacelli su-
pellecilem, atque pretiosiora Diuini ministerij arma-
menta, & donaria in auro & argento, gemmis & la-
pidibus exquisitis distincta, honori Sacratissimæ Vir-
ginis in perpetuum reposita, cum ingenti oculorum
& animi delectatione, feruorem inde pietatis Ca-
tholicæ, ac multam in cultum Augustissimæ Virginis
Catholicorum propensionem coniectans, studiosis-
sime contemplatus est. Requirens verò diligenter, à
Superiore Monasterij impetrauit librum de origine
E c 2 & mira-

Oblata Im-
ago Principis
Moscorum
per Legatum
cum Historia
Imaginis S.

Verba Lega-
ti Moschoui-
tici in di-
cessu,

& miraculis S. Claromontanæ Iconis, necnon ecty-
pum eiusdem depictum super linteam æqualis proto-
typo mensuræ, ad sui Principis, singulare solatium,
quod hinc expectat. *Religiosissimus enim est, inquit, & tenerrim⁹ Christipare cultor. Ipsum insuper, & se, Re-*
ligiosorum recommendans orationibus, subiicit:
Nihil hic est ritibus & Religioni Nostræ contrarium, &
Vestra Religio ad Nostram proximè accedis, & si quid
exiguum est, in quo discrepent, facili negotio posset com-
poni. Porro quæ sæpius dicta audiui de S. Czes-
tochouensi Imagine, parùm apud nos habere videbantur
momenti, nunc verè quæ didici, altiori habebuntur loco,
& Princeps ac Dominus meus Clementissimus, postquã
Imaginis miraculose istius, ac gestorum hic rationes, ita
ut vidi & audiui, à me plenè acceperit, Religiositatem
suam, & pium in Christi Matrem affectum, Regijs, ijsq;
amplissimis muneribus, Sacra huic domui certò contesta-
bitur. Sic de Claro Monte à fulgentissimâ Stella
Maris vibrati radij remotissimis Septemtrionalibus
oris illuxerunt. Appropereant vtinam Deo miserante
tempora, quibus Orbis Christianus & ALEXAN-
DR O VII. Vniuersali Ouilis Christi Pastori aggreg-
atum gregem amplissimum, & IOANNI CA-
SIMIRO Regi Nostro. Potentissimo, splendidum
de tenebrarum potestate triumphum congratuletur.

Gens impia Suecorum execrandis Calvinianæ su-
perstitionis inuoluta tenebris, acerrimè Orthodoxam
exosa

exosa veritatem, diffusum à Claro Monte iubar tor-
uo suspiciens obtutu, quaquã via potest extinguere, *Impietas*
satagit proteruè. Quia verò ad exterminium Reli- *Suecorum in*
gionis Catholicæ in Poloniam hostiliter congregata, *Clarum Mon-*
suorum multis millibus cinctum Montem Sanctum,
horrendè igne & ferro sæuens, demoliri nequiuerat,
ad extinguendum in Orbe famam, & nomen eius,
commentitijs traditionibus de fuso exercitu Polono,
& de Monte Claro Czesstochouensi expugnato, Am-
sterodami, & in alijs pluribus locis typo impressis, or-
bem impleuit. Exemplar huiusmodi literarum S Re-
ginali Maieitati ex Gallia missum, ad confundendam
gentis impietatem poni hic placuit.

VICTORIA REGIS SVECORVM

De cæsis Polonorum viginti millibus, &
excidio Czesstochouensi.

Fabulosa vi-
doria Suecu-
rum.

Desumpta ex literis Commendantis Suetici Czesstochouensis, de data Czesstochouiae die 23. April.
Anno Domini, 1657.

REX Sueciae habito consilio Sandecij cum Rakocio,
auctus Confœderatorum viribus, suoq; Cracouiã
presidio euocato, mouit aduersus hostem, Castra eius,
quæ quinque miliaribus Cracouiã distita, quinquaginta
millia hominum cingebant, inuasurus. Itaque aciem

Ff

heroica

Nova Gigantomachia.

heroicâ industriâ & dexteritate instruens, Generalem Antonium, cum quindecim millibus Cozacorum Pin-
czouiam primùm expedit, ut fugientibus hac & illac
insidiaretur Polonis. Bakos Gaborem verò decem,
millibus equitatus ferentarij præfecit, qui cùm aduertisset
Lubomirscium viginti millibus stipatum, Regi Sueciæ
cominûs insultantem, in eum acer irruit: verùm acro-
ri Polonorum impetu repressum, & attritum, iussu Re-
gio Generalis Wirtius auxiliaribus decem millibus Equi-
tum Ungarorum & Dacorum, adeò feliciter sustinuit,
ut Lubomirscius plurimis implacabili sauitiâ Ungaro-
rum amissis, cum exigua suorum manu fuerit coactus è
campo Martio in Castra reuerti. Rebus sic stantibus,
S. Maestas & Rakocius, cum toto exercitu & ignito ar-
morum apparatu, progrediebantur aduersus Castra Po-
lonorum, intrepido vultu tormentorum maiorum octo,
minorum verò plurium excipientes ictus, quibus Czarniecius
ex eminentiori collis vertice repellere nitebatur
Confederatos Principes, & potissimùm Regem Sueciæ;
qui cùm dextro Rakocium, Valdekium sinistro lateri præ-
posuisset, aciei reliquæ ipse præfuit. Primus Czarniecius
cum tribus millibus hastatorum descendens in arenam,
postquam à Sacrà Maestate iteratâ tormentorum ex-
ploratione signum accepit, ante suos hastatos vniuersamq;
Nobilitatem generosè conlucit, & Transylvanos eâ ani-
mi fortitudine aggressus est, ut se prælio subducere fue-
runt compulsi. Porro Rex Sueciæ, omne illud Polono-
rum

in Claro Monte Czeszochouienfi.

rum robur, totamq; belli molem, quâ iam dextrum latus
fuit debilitatum, tenuit fortissimè, fugientibusq; reuoca-
tis, trepidantes eorum animos exemplo suo ita confir-
mauit, ut prælio redintegrato, leonum adinstar hostem
aggredientes dimicauerint. Sed neque Polonis deerat
animus: qui quidem primo congressu secundò certabant
Marte, eò, quod à Suecis ictibus tormentorum non pos-
sent feriri; verùm peditatus hosti victoriæ palmam præ-
ripuit; nam Czarniecius ictu sclopeti saucius, postquam
è conflictu secessit, cum reliqui Committiones secuti sunt:
omnibus rebus suis, atque commeatu Castrensi præda
relictâ. Generalis Lubomirscius inuaserat latus sini-
strum, cui Comes Valdekus præfuit; verùm hic associa-
tos habens suis cohortibus Cozacos, ita strenuè repressit
Lubomirscium, ut retrò abiens, profugus in Castra se
cum suis receperit: quos & ipse sequi necesse habuit, &
Antonius cum suorum quindecim millibus extrema eos
cladè affecit. Cæsa sunt Polonorum viginti millia, paludi-
bus nonnulli viginosis suffocati, pleriq; in Vistula submersi
miserè perierunt. Suecorum, & potissimùm Transylua-
norum occubuerunt tria millia. Confecto feliciter prælio,
prædaq; inter se diuisâ, Rex Sueciæ in eodem victoriæ cam-
po, solennes sequenti die instituit preces, consonis vocibus
Te Deum laudamus decantatum, gratiarumq; actiones
Supremo Triumphatori Deo sunt persoluit. Rebus sic
peractis, Czeszochouiam duxit Copias, Castraq; ibi de-
cima sexta præsentis metatus, Fortalitij deditionem à

Nova Gigantomachia

Polonis per tubicinem requisivit. Cum verò mortem potius oppetere, quàm seruitutis iugum pati velle, iteratò & ultimò responderent Poloni, adducuntur illiò tormenta, & duobus integris diebus muri quatiuntur, sed latè extructis innixi vallis moueri loca nequiebant. Tandem eriguntur ad mœnia scale, & extremis viribus utrinque certatur. Obsessi arcendo accessum igneis, piceis, & lapideis missilibus, ducentos ex nostris primo impetu pemerunt. Ceteri nihilominus creberrimos ictus virili excipientes pectore, per scalas murorum altitudine superatâ, lati fortalicio potiti sunt, armataq; manu aream ingressi, nulli sexui parcendo, Sacerdotes insuper & Religiosos trucidârunt. Quindecim tina auri reperta, thesaurus argenti & pecunie ingens effossus, argenteæ quoque Imagines in Ecclesia victoribus in predam cesserunt. Hac die Suecia Rex, unâ cum Rakocio, hinc proficiscitur Zamoscium versus, illud obhdione cincturus. Quo expugnato S. Maestas, in Prussiam cupit reuerti.

Effrons Meretrix Babylonica eò impudentiâ processit, vt pro libertate insanæ conscientia, proteruè magis quàm liberè, imposturis & mendacijs audeat lucidissimæ ogganire veritatî. Insolens cauillator, cui celebre nomen victoria & officij Commendantis Czestochouiensis pro Rege Sueciæ, comminisci libuit; quàm strenuè hominis impudentis imaginem expredisti, dum in conspectu Solis, cum inclytæ gentis Polonæ, & Loci S. iniuria calumniosè ausus es tibi pul-

in Claro Monte Czestochouensi.

bi pulcherrimum nomen Victoris turpi mendacio fabulosi conflictus mercari: renuis in apertum venire detecto nomine, ne quis sis deprehendaris; filius nempe tenebrarum, tenebrôsæ lupæ Hæreseos es: Solem proinde intueri nequis, & in lucem filiorum Lucis prodire, ipsa te conuincente mendaci conscientia, trepidas. Viuunt inuicti gentis Polonæ Heroes; viuunt generosa militum Polonorum pectora, quos ô homo impudens mendacis linguæ tuæ gladio mendaciter perdidisti, & quidem viuunt feliciter & sibi, & Patriæ, dum forti animo erigentes Trophæa, gloriosam de hostibus suis victoriam prosequuntur. Stat Mons Clarus Czestochouiensis, & eius Cœnobium, cultui Dei Matris Virginis dicatum, integrum, & immortale impietatis Sueticæ Monumentum. Stat apex fortitudinis Polonæ sæpiùs quidem grauissimis tentatus oppugnationibus, nunquam expugnatus. A Monte hoc confœderati & impiè coniurati Orthodoxæ hostes Ecclesiæ, cuncti turpissimè dissiluerunt, nihil solatij de suis conatibus, præter confusionem & ignominiam perpetuam reportantes.

Torsit non mediocriter animum Milleri, exprobratum sibi à Commilitonibus, Officiorum potissimum Præfectis, se delusum præstigijs Monachorum, stationem expugnandi Monasterium deseruisse; imò fama ferebat, passim ab ipso Rege Sueciæ acrius ob-

iurgatum, quòd vnam caueam, siue gallinarium (vt

Gg

voca-

Millerus reuertitur, & aggreditur iterum Czestochouiam cum Comite Wrzeszowiez, & Sado-

Nova Gigantomachia

vocabat per cauillum) tantus scilicet Dux, tanto tē-
pore, tanto exercitu, nequaquam expugnasset! cum
Poloniæ Metropolim Cracouiam, breuiore interual-
lo ipse Rex ad deditionem adegisset, totumque penē
Regnum, Sceptro suo subegisset. Itaque coniunctis
iterum Copijs cum Comite Wrzeszczewicz, & Sado-
uio aliquot cohortium Præfecto, Calissio regressus,
tria millia militum ducebat. (Ea est vel militaris fa-
mæ cupiditas, ut illa quis tentare audeat, quæ maio-
re ante apparatu se non posse consequi perpexit; vel
hæreseos proteruæ pertinacia, ut Diuinæ potentia ad-
miranda opera, præstigias vocitet, ac cœlitus profe-
cta salutis remedia, cacodæmoni attribuat) cumque
Wilkouiecium peruenissent 4. Kalend. Februarij
anno sequenti, nimirum suprà Millesimum, Sexcen-
tesimum, Quinquagesimo Sexto, placuit ut Sado-
wiski Superiorem Clari Montis de suo aduentu cer-
tiores faceret.

*Sadowius
scribit Priori
Clari Montis
de reditu ho-
stis.*

*Magnifice Domine Prior, &
Amice beneuole.*

VT I semper amicè cum Vestra Dominatione vixi,
ita & nunc testificanda amicitia occasionem acce-
pi, significare V. D. quod Excellentissimus D. Genera-
lis Miller, similiter & Excellentissimus D. Generalis
Duncas, ex mandato Regis Suecorum huc cum armatu-
ra veniant.

in Claro Monte Czeszochouienfi.

ra veniant. Rex enim Serenissimus pace composita cum
Duce Prussia, vult, ut totum Regnum Polonia sue se
submittat ditioni. Quia verò Rex Serenissimus bene
nouit, Vestro instinctu factum esse, quidquid Wielunij
factum sit; & quod illi latrones in Vestro Monasterio
refugium habeant. Ided vult nullum eis patere locum,
in quo refugium habere possint. Proinde, si sub prote-
ctione Serenissimi Regis Suecorum VV. DD. manere
volunt, confidentissimè Krepicium veniant ad Excellen-
tissimum D. Generalem, fiet enim hoc cum consolatione
Vestra. Quod si non veneritis, & resolutionem quan-
tocius non dederitis, peditatus cum armatura admove-
bitur. Dat. Wilkouiecij die 29. Ianuarij, Anno 1656.

Vestra Dominationis beneuo-
lus Amicus

Vencelaus Sadowski mpp.

SEquitur è vestigio præmissas literas agmen quin-
gentorum militum, qui per auios saltus explora-
turi statum Czeszochouienfium pergentes, concurre-
runt cum triginta Claromontanis, quos similiter ver-
sus Klobucko exploratum miserant duo illi suprano-
minati Duçtores, qui tum recenter exciso Wielunenfi
ducentorum Suecorum præsidio, intra Clari Montis
penetralia, cum suis agminibus se receperant prædâ
onusti. Et cum Claromontani in conflictu ægrè fu-
stinere

*Wielunij caesi
Suecorum
ducenti.*

Nova Gigantomachia

tem agminibus, & audacissime nostros à latere inuadentem, aduerso pectore excipiens, ictu frameæ equo deturbatum trucidauit; alterum item eorundem agminum principem, generose contra eum equo profiliens, globo per femora traiecit, & eius nece reliquos Suecorum conturbauit. Postridie equitatus Suetici Praefectus Maior, in acie per femora laesus, animam egit. Nec multò post ipse Comes in Maiore Polonia ab Illustrissimo D. Grudzinski, Palatino Calissienfi, octingentis suorum interemptis, à plebe rusticâ fustibus misere contusus, iustum vindici Numini, rapinarum, cladum, & Sacrilegiorum supplicium expendit.

*Interitus
Comitis.*

*Victoriae mi-
rabile omen,
S. Imago
Clari Montis
loco suo resti-
tuta.*

Affulgere coepit interea post atras tempestatis fluctuosæ nebulas, obsidione Clari Montis solutâ, quasi aurora cõsurgens spes victoriæ, de Suecis spiritu quodam prophetico in Ecclesia Cracouiensi Cathedrali, sub auspicijs Illustrissimi & Reuerendissimi Domini Petri Gembicki, Episcopi Cracouiensis, Ducis Seueriensis, prænunciata, patrocinio Deiparæ Virginis obtinendæ. Non enim vacui fuit ominis, quod viri Religiosi in ordine recitandi Officij Diuini pro Cracouiensi Diocesi descripto, compererunt. Sacrum Pascha præsentis anni, præter consuetudinem vocatum Dominicam RESURRECTIONIS & VICTORIÆ. Quamuis enim scitum sit omnibus fidelibus, mortis & sathanæ victorem Christum Domi-

in Claro Monte Czeszochouiensi.

Domini ab inferis ascendisse; tamen hoc addi non visitatum est, ita vt ea res prudenter, non Patres tantum Claromontanos in admirationem traxerit, verum etiam Illustrissimorum Archi-Præfulum, Illustrissimi Principis, & Reuerendissimi D. Andreae Comitis à Leszno, Archiepiscopi Gnesnensis, Legati Nati, Regni Poloniae Primatis Primi que Principis. Illustrissimi & Reuerendissimi D. Ioannis Tarnowski, Archiepiscopi Leopoliensis, Claræ Tumbæ perpetui Administratoris, atque Illustrissimi & Reuerendissimi D. Casimiri Floriani, Ducis in Kiewan Czartoryski, Vladislauiensis & Pomeraniæ. Illustrissimi & Reuerendissimi D. Ioannis Stephani Wyzgá Luceoriensis, Episcoporum induxerit animos ad indagandum, quid eo potissimum die factum fuerit, quod speciem referret victoriæ in tam turbulento Patriæ statu! Venit in mentem serio cogitantibus, in Diocesi Cracouiensi Sacram Iconem Claromontanæ Virginis, quæ ob imminens ab hoste discrimen, in tutiorem locum fuerat recondita, tunc altari suo restitutam. Quod quidem Illustrissimi Præsules ita interpretati sunt; vt quemadmodum Christus rediuius victoriam nobis è glorioso sepulchro extulit, ita cum ipso triumphante restituta suo loco Deiparæ Virginis Imago, spem nobis non dubiam polliceri videtur, breui secutura pacis. Quare iidem Antistites in Montem Clarum, cum Serenissima Reginali Maiestate, sexto

Hh 2

Nonas

*Czestochowa. i
a Prusibus
Mons V. et
rix in pote-
rum ducit in-
fus.*

*S. Imaginis
restitutione
sedatur epi-
demia lues
in Monaste-
rio.*

*Eiusdem re-
stitutione ho-
stes arcentur
ab incursio-
ne Monaste-
rii.*

Nonas Iulij, postquam venissent visitationis eius diem honoraturi, censuerunt Montem Clarum deinceps debere **MONTM VICTORIÆ** appellari.

Nec vana spes fuit, id ipsum ante augurantium, siquidem post restitutam altari suo Imaginem Sacram, epidemia lues, quæ grauitèr inualuerat ex incommodis obsidionis in Monasterio, & plerosque ex Regularibus & Sæcularibus absumperat, penitus refedit: & hostium nemo, qui in perniciem Religionis & Regni Poloniae, cum Sueco coniurauerant, atque Montem, à quo huiusmodi spes victoriæ illuxerat Polonis, multoties accessisse constituerant, nemo vnquam hostiliter accessit. Sic ad Varsouiam, disperso Polonorum exercitu, dum omni conatu & operâ Montem aggredi pararent, iamque itineri accincti, exercitum & arma mouerent, insperatè à Polonis insigni suorum clade sub Lipie territi, fugam potiùs. capientes, à proposito destiterunt. Sic & ad Petricouiam, dum Rakocio coniungendi iterum eam inuaderent, & Regem CASIMIRVM in Claro Monte sine exercitu tum degentem adoriri vellent, incertum quâ de causâ (immani quodam aiunt Polonorum exercitu) in metum adducti, à destinata incursione Clari Montis pedem retraxerunt.

Interest autem hic meminisse, quòd Suecus cum aduerteret se viribus imparem Polono imperiũ suum

suum dedignanti, ardens iracundiâ & cupiditate gentis subiugandæ, præter alios confœderatos Principes, cum quibus Poloniam inuaserat, acciuerit quoque in societatem belli Fridericum Guilhelmum, Marchionem Brandenburgicum, Ducem Prusiae, Regni Poloniae Feudatarium, & Georgium Rakocium, Transyluaniae Principem, singulis certas Regni Provincias, quas armis possederat, in stipendium belli daturus. Atque ita Prussia suæ ditioni relicta, dederat Brandenburgico Maiorem Poloniam; Rakocio Poloniam Minorem, Podlachiam, & propiores Russiae partes, quas hic possessurus, & nouum Regis titulum percipiturus, cum grandi exercitu Vngarorum, Cosacorum, Dacorum, Moldauorum, &c. venerat literis huiusmodi ad Nobilitatem per diuersos Palatinatus præmissis.

*Confederatio
Suecorum cū
Duce Prus-
siae, & Ra-
kocio Prin-
cipe Transyl-
uaniae.*

*Nos Georgius Rakocius, Dei gratia Princeps
Transyluaniae, Partium Vngariae Dominus,
& Siculorum Comes,*

*Mandatum
Rakocy ad
Polonos.*

Notum testatumque facimus vniuersis & singulis, ac inprimis omnibus Statibus, Ordinibus, atque Incolis incliti Regni Poloniae, presentes Nostras visuris leturisque. Cum Ordines Regni fatiscantibus, ac in dies in deterius vergentibus Polonae Reipublicae rebus, in praesenti suo statu nihil ultra praesidij videntes, Regni Coronam,

nam, tum antea, tum recens, mediante solenni Legatione, certis Conditionibus Nobis obtulissent; nec non pro veteri, imò hereditaria in Nobilissimam hanc gentem propensione, & bene merendi studio, Christianaq; insuper pietate ducti, ipsi in persona cum Copiis Nostri turbatum huius Regni Statum Deo adiuvante componere constituimus: opere pretium existimavimus benevolè monere & adhortari omnes; ut lectis presentibus, incolumitatem suam, suorum pignorum, tum bonorum & conservationem sartam rectamq; velint, & propinquantibus Nobis ad fines Poloniae, tempestivè occurrant, suam Nobis, vel alia ratione additionem studiumq; testaturi. Qui verò facere abnuerint, atque Nostra oblationi sese opposuerint, non Nobis, optimæque ac prorsus innoxie huius intentioni adscribere necesse est, si quid fors belli & temporum iniquitas, malorum inuexerit. Nos omnes patrociniū Nostrum non respuentes, clementer & placidè suscepturos, à presentibus belli ac temporum malis vindicatos, libertatesq; afflictas quantum licebit restauratos, ac in primis conscientiarum libertatem bonam pollicemur. Daturi Deo volente operam, ut pax alma reflorescat, & tranquillitas publica ac privata huic Regno posthminò reducatur. Quas literas Nostras propter fidem, & certitudinem maiorem, subscriptione manus Nostræ munitas, Sigillo quoq; Nostræ communiri iussimus. Datum in Castro Nostræ Coles Monostro-riensi, die ultima Decemb. Anno 1656.

Georgius Rakocius. L. S. Michael Mikios Cancel. mpp.

Quemadmodum verò Brandeburgicus in Maiori Polonia Calissium, Posnaniam, Costenum, &c. ita Transylvanus in Minori Polonia Vrbes principales Varsoviā, Cracoviā, Brestenum, &c. veniens cū exercitu, possederat, & suis iam firmarat præsidijs. Verum Supremo Regum Dominatori, placuit Regnum suum Poloniae de manibus gentium, quæ sibi non serviunt, paulò post vindicari, fugatisq; à Polonia gentibus, IOANNI CASIMIRO, Regi Poloniarum, fidei seruo suo clementer restitui.

Ne verò quispiam dubitet aliunde, quam Sacrae Iconis deposito, Montem extitisse felicem: sciendum est, ter quoque tentasse Suecum aggredi Monasteriū Clari Montis, priusquam illud obsedisset, & sacrum inde pignus moueretur, Calissio, Petricoviā, Cracoviā, ad occupandum illud expediendo Copias, semper verò occultā virtute territum, ausus sui impietatem exhoruisse, & aliò diuertisse. Eius demum diei nocte sequenti, quò Mons Clarus Altare suum Sacra-
ta Divinissimæ Matris effigie destitutum indoluit, Comes à Wrzeszczewicz cateruis Suecorum stipatus, turbarum horribili obstrepens clangore, constitit ad portas Monasterij. Apage hinc Iconoclastici Proxena belli, utcumq; te Catholicum simulas, non sunt Ierichuntina Virginei Mōtis mœnia, quæ hærescon pertinaces insultus tremāt. Ianua cœli Porta hæc est, lucis æternæ Pharus, filij tenebrarum non extinguunt eam.

Vrbes munitur præsidis Rakocius & Brandeburgicus.

S. Imagine consistente in Claro Monte Suecus non valuit aggredi Monasterium.

Post asportatam alio Imaginem S. prima nocte sequenti, Monasterium aggressus est Wrzeszczewicz.

Poloni animo
siores fiunt,
Claro Monte
seruato.

Porro Poloni, cum vidissent diuinitus Montem Clarum ab hoste seruatum, maiore animi fiducia redierunt ad saniora consilia, Serenissimo IOANNI CASIMIRO fideliter morem gerendi, à quo non ita defecerant, sicut vitæ sanguinique suo indulgentes, extremis angustiis à diuersis hostibus oppressi, secesserant in partes Regis Suecorum, qui se ad protegendum Poloniæ Regnum, in tam calamitoso statu venisse iactabat, his Conditionibus.

Conditiones,
cum quibus
Sueco adhe-
serant Poloni

1. Ut Fides Sancta Catholica in omnibus Articulis illibata maneat, Ecclesiæq; omnes integra atque immunes seruentur. Episcopatus item, Abbatis, & reliqui Cleri status suo iure gaudeant.

2. Libertates Nobilium, sanguine Maiorum parte, sicut antiquitus à Regibus collatae sunt, in suo vigore conseruentur.

3. Bona Terrestria possideant Officiorum Praefecti, neque miles transiens ea Stationibus grauet.

4. Ij, qui nulla necessitate coacti, à Rege descuerunt, non melioris sint conditionis illis, qui ad ultimum punctum ei fidem seruauerunt.

5. In nullius Equitis caput seuiat quisquam causâ non iudicatâ. Proinde Iudicia Regni Tribunalia usitata, & Castrensia integra permaneant.

6. Bona Regalia & Reipublica, penes presentes possesores maneat, ijs exceptis, qui sub tempus belli deseruerunt Patriam.

7. Exer-

7. Exercitui Quartianorum in omnibus integrè stipendium secundum dispositionem Comitiorum persoluetur, & hiberna militibus constituentur: in quibus ubi respirauerint, arma & alia necessaria bello instrumenta reficiant, vel comparent, quò commodius militent in posterum.

8. Miles Regni nullo Sacramento militia obstringatur.

9. Prouinciae à Regno bellis auulsæ, videlicet Ducatus Russiæ, Podlachia, Volhynia, Bractauia, Kijouia, Czerniechouia, & alia, & in ijs Magnus Ducatus Lituania quamprimum à Regiâ Maiestate recuperentur, quibus recuperatis, Hereditates & Officia publica restituantur.

10. Dignitates & Magistratus sint presentium possessorum, & in posterum solis Regni Incolis, non externis conferantur: similiter Duces belli nationis Polonia creentur.

11. Quoniam verò fama increbescit, quòd Serenissimus Rex Suecorum cuiuspiam potius alteri Regnum hoc exoptet, cauebunt Domini, ut Regia Maiestas, sicut liberè eligitur, ita presens per se Regnum nostrum administret, non per vices gerentem.

12. Committimus insuper Illustribus & Magnificis DD. Nuntijs, ut circa coniunctionem cum Scythijs, conferant cum Regiâ Maiestate, quatenus in eodem nexu nobiscum conseruentur.

K k

Quamuis

*Conditiones
prefata non
valebat absq[ue]
consensu
Cleri.*

Quamuis verò hæ Conditiones, ac eas secuta submissio Protectori, operari effectum nec potuit, nec debuit, lege vetante publicâ, absque Senatorum Ecclesiasticorum assensu, quorum in Polonia potissima est ab ipso Regni principio auctoritas, & in ijs proxima Regi potestas, Illustrissimi & Reuerendissimi Domini Archiepiscopi Gnesnensis, Primatis, & Primi Regni Principis, ad quem pertinet Reges concordibus omnium Ordinum Ecclesiasticorum, & Sæcularium suffragijs ritè electos nominare ac promulgare, sicque promulgatos vngere, ac Regalibus insignire ornamentis: tamen in viscera Patriæ, calidâ specie protectionis illapsus, inexpectatus Regni Iuriumque Patriæ oppressor, armorum ostentans potentiam, cui confusus rerum tumultus, tum properam suggerere non valuit resistendi facultatem, hanc eis necessitatem imposuit, vt vitam, coniuges, ac liberos seruaturi, has scriberent Protectori conditiones. Interim Ecclesiastici Senatores voluntarium elegerunt exilium potius, quàm Regis Hæretici subscribere cõsilijs, aut votis aliqua in re assentiri. Videntes autem & Exercitus Regni, & Nobilitas vniuersa, à machinatore vafro sibi fuisse callidè impositum, nihilque ab eo quæ promiserat exsolutum, in defensionem Sanctæ Fidei, & Ecclesiæ Catholicæ primum, deinde Libertatum Patriæ, concordî voluntate conspirant: moti præsertim auctoritate literarum Illustris-

simi

fimi D. Regni Primatis supramemorati, qui quamuis cum maximis podagræ doloribus luctaretur ea tempestate, quando grauissimæ Regno incubuerunt calamitates, non tamen cogitationem, consiliorumque curam, ad salutem Patriæ restituendam, vnquam seposuit aut intermisit; imò non longè post expugnatam Metropolim Cracouiam, ad omnes Palatinatus diplomata transmisit, & Nobilitatem vniuersam ad Regis latus & obsequium feruenter inuitauit, vt ex subiectis literis fatis est perspicuum.

*Andreas Comes à Lesno, Dei & Apostolicæ Sedis
Gratia, Archiepiscopus Gneznenfis, Legatus
Natus, Regni Poloniae Primas, Primusque
Princeps.*

*Literis Pri-
matis Regni
animantur
Poloni ad de-
fendendam
Patriam.*

Illustrissimis, Perillustribus, Magnificis ac Generosis DD. Senatoribus, Dignitatibus, Officiorum quorumlibet Præfectis, ac toti Ordini Equestri Palatinatus N. Dominis & Fratribus.

BE NE notum est DD. UU. quantum quisque Vestrum, DEO, Patriæ, Regi, atque suæ posteritati debeat: Nimirum, vt DEO fidem, Patriæ amorem, REGI debitum obsequium, liberis suis à Maioribus

Kk 2

ribus

ribus tantoperè quæsum libertatem conferuet; tamen officio meo, cui ex instituto Reipublica ab ipso Regni principio incumbit, ut Serenissimi Regis Nostri Maiestatem, cum amore populi, & libertatem populi cum obsequio S. R. M. coniuncta fideliter custodiam, & sueari deesse in presenti Reipublica Nostre calamitate non potui. Cum igitur hoc maximè calamitose tempore, quosdam à S. R. M. deficientes, quosdam perplexam ambiguitate nutantes, quosdam constanter in officio permanentes viderem, considerare attentius; quod varietatem hanc confusio status, Patrie ruina, Libertatis exitium continuò sint secutura, visum est mihi, Dominos & Fratres meos, pro fide, qua Deo, Regi, Patrie, obstringor, adhortari, & obtestari, per Patrie Vestrumque ipsorum amorem: ut exemplis Maiorum Nostrorum, & hanc in rem sanctis conspirationibus eorum insistentes, & unanimi voluntate idem sentientes, ad visitatos Vestros Ductores, & Militie Magistros, una cum illis hostem expugnaturi, ocyùs conuolare velitis, ad latus Serenissimi Regis Domini Nostri, qui non Regnum deserturus extra illius fines concessit, sed ut auxilijs auctior ad Ecclesiam Dei, libertates iuramento stabilitas, atque suam dignitatem propugnandam, magis rediret idoneus. Minimè igitur ambigo, quin DD. UU. cum magno animi dolore, ac facultatum Vestrarum detrimento, inuitum imperium genti libera callidè obtrusum detrectantes, & vitiis exemplis cautiore, Serenissimo Regi

Nostro

Nostro ac Domino IOANNI CASIMIRO adherentes, omnes in solidum, pro Deo, & auita Maiorum virtute, iugum tristic Dominij sitis excussuri; eo enim pacto defensa Fide Sancta, à tot sæculis in Patria florente, necnon Libertatibus sanguine Maiorum partis vindicatis, & ad posteritatem transmissis, non amplius unquam deferentes Dominum liberè electum, Vobisque Sacramento obstrictum, nullam deinceps nationi Nostre notam ignominia inuretis; eo præsertim attento diligenter, quod quemadmodum S. R. Maiestas nihil prætermittit eorum, quæ ad conseruandam populorum salutem pertinere intelligit, ita & ego, quanquam ob valetudinis imbecillitatem ab ijs, quæ isthinc sunt, incommodis & periculis me ad breue tempus necessariò subducere debuerim, omne id, quod muneris mei est in Patriam, nec non in Deum fidei, exequi sollicitè satago. Quod ut certiore fide constet, manu propria presentibus subscriptis, Sigillum meum apprimi mandavi. Glogouia Minoris 17. Kalend: Nouemb. Anno D. 1655.

Accepto deinde tristi Nuntio Serenissimus REX IOANNES CASIMIRVS, Montis Clari Monasteriū obsidione cinctum, uti piissimus inter Christianos Principes cultus Deiparæ propagator, grauius calamitate Patriæ indoluit; nihilominus auxilij Diuini certus. Admodum R. P. Prouincialem admonuit, ut suos animaret, dum afforent auxilia: & bido post hostis in Clarum Montem aduentum,

LI exped-

expediri iussit literas, quibus excitaret Nobilitatem ad propugnandam Ecclesiam Dei, libertatesque ac immunitates recuperandas, modum simul præscribens, quem in aggregando exercitu sequi deberent, omnibus, qui sibi obtemperantes fuerint, malefactorum dictorumque obliuionem pollicitus, inobedientibus autem & perduellibus, seueram animaduersionem comminatus.

Porro post literas S. R. Maiestatis, & Illustrissimi D. Primatis, Exercituum & Nobilitatis facta est conspiratio huiusmodi.

*Confederatio
Militis Quar-
tiani & No-
bilitatis.*

NO N credat Orbis, nec quisquam inducat in animum, inclutam Polonorum Nationem illecebris sædisfragi Domini pollicitationibus illectam, ab electo liberis suffragijs Rege defecisse unquam. In confesso est, quod tam Serenissimus Rex, quam Ordo Equester, simul aduersâ oppressus fortunâ, in eas fuerit adductus angustias, ut ingruentibus ab omni parte hostium, conuatis exercitibus, in ultimum Reipublice Nostræ extidum, S. Regia Maiestas finibus Regni excedere, Status verò militaris cum Palatinatibus, habuerit necesse in protectionem Regis Sueciæ concedere, cui secundum animorū Nostrorum obligationem datam scripto, in omnibus fidem conueniebat seruari, nisi prior ipse datam fessellisset. Enimuerò quando consideramus, quomodo nulla penitus oblata sibi belligerandi Nobiscum occasione, contra fæ-

*Motina Con-
federationis.*

dera

dera per VLADISLAV M IV. bona memoria Poloniarum Regem, Stondorsij cum Regno Sueciæ iuncta, Rempubicam armis aggressus est, & quantumuis ab vniuerso iam exercitu, & omnibus ferè Palatinatibus Protector fuisset consalutatus, omnemque protectionem, & Sanctæ Religionis Catholica obseruantiam promississet, nihilominus intra breue tempus omnia interuertere & conuellere obrusâ specie protectionis cepit; iamque ditiores Regni ab exercitu suo desolari, curias Nobilium expilari, ac funditus deleri, permittit, statum Nobilitatis, & omnes alios exactionibus grauioribus quàm census fèrant aggrauat, & eas absq; omni Comitiorum consilio ex arbitrio suo mandat intra tempus arctum conferri. Magistratus & ludicia omnia, tam Ecclesiastica, quàm Secularia, consuetudinibus antiquis & publicis firmata legibus pessundat, ac eorum potestatem ad Gubernatores extranearum nationum, Nostrorumque & Patriæ consuetudinis ignaros transfert: qui delatos nec auditâ nec iudicatâ causâ Sacerdotes æquè ac Nobiles carceribus mancipare, Tyrannorum more trucidare, atque bombardarum globis discerpi decernunt. Ad hæc Templis Domini, thesauro, & omni splendore apparatus spoliatis, Religiosos per modum inquisitionis, ubi reliquum Ecclesiæ aurum argentumque fuerit repositum, varijs supplicijs & cruciatibus ad necem usque excruciat. Campanas nisi Summa redimantur intolerabili, pulsari prohibet. Basilicam ad extremum Czeszochouiensem, non in Patria duntaxat;

LI 2

sed

Potissimum
Considera-
tionis motu
Clari Montis
oppugnatio.

sed per Orbem Christianum, votis & pijs peregrinationibus celeberrimam, aliquot millium exercitu cinctam, sacrilego ausu oppugnat, & mœnia tormentis arietis, diripiendi causa thesauros Dei cultui Sacros: atque re diruto hoc in Deum, & eius Sanctissimam Matrem pietatis Nostræ fundamento, ausu maiori ad eliminandam prorsus de Regno fidem Catholicam progreditur, & in eius locum introducat homines peregrinos, novis & diuersis inter se de Religione opinionibus tumultuantes. Bona Reipublicæ benè meritis Ciuibus à S. R. Maestate iuxta ius commune ad tempora vite collata distribuit, expulsi (quibus integra fore pollicebatur) possessoribus. Bona Ecclesiastica confert Secularibus personis, usq; diuersa opinionis à rectâ fide, ademptis fructibus & possessionibus Ecclesiarum & Sacerdotû, ut laudem Dei ex Regno extirpet. Bona Regalia dedit adherentibus suis contra Priuilegia & datam fidem. Cum Principe Tartarorum pacta conuenta & iuramentis stabilita negligit, imò iuratos Patria Nostra hostes ad armorum societatem sollicitat, ut nos iam tot calamitatibus fractos, in extremam perniciem bello Turcico implicitos trahat. In summa, quidquid Exercitui & Reipublicæ pollicitus est, ac literarijs instrumentis propriâ manu subscriptis eam, omne id incontinenti perfundedit, fefellit, reuulsit. Tempia Dei, statum Ecclesiasticum & Equestrem, atque cunctis humillimæ sortis Incolas Reipublicæ grauissimè oppressit. Antequam igitur tam durus, fide leuis, & verbo in-

incon-

inconstans Dominus ulterius imperium dilater, ac reliqua Regni munimenta sua potestati subiciat, antequam exercitum Nationis Polonæ in graue iugum legum Germanicarum immittat, omni conatu. & totis viribus ambitiose ipsius dominandi libidini obsistendum est; præsertim, quâdo Serenissimus Rex Noster IOANNES CASIMIRVS, liberis vocibus à nobis electus Dominus, certiores nos reddidit, quod integritatem Sanctæ Fidei Catholicæ, Ecclesiæ Dei, & Cleri immunitates, imò & libertates nostras, unâ nobiscum propugnare velit, & sit paratus cuius discrimini pro incolumitate Patriæ, caput Regium obijcere, ac pro parte sua insignes nobis suppetias pollicetur. His itaque adducti rationibus, pro innata Polonæ nationi erga Dominos fide ac obseruantia, ne ulterior templorum Domini desolatio, totiusq; Patriæ squalidior deuastatio sequatur, prospicientes, omni protectioni memorati Regis Sueciæ prorsus renuntiamus, acta ipsius omnia rescindimus, & quocunque nomine factas bonorum collationes, irritas, & nullius roboris esse pronuntiamus, ipsamque, & omnes quocunque modo sibi adherere velint, quantumuis sint Regni Ciues, si resipiscere nolint, hostes Patriæ declaramus, contraq; illum, & illos, pro fide Sanctâ Catholicâ, & Ecclesiæ Dei, pro tam atrocibus iniurijs damnisq; Reipublicæ vindicandis, pro Iuribus, immunitatibus, & libertatibus Nostris recuperandis, coniunctim omnes, tam Exercitus stipendiorum exactiōe ad plenam Reipublicæ tranquillitatem

M m

quillita-

Declarantur
hostes Patriæ
Sueci, & ei
adherentes
Poloni.

Nova Gigantomachia

quillitatem reservata, quam status Nobilitatis nullam iurium prætorum modo quous obtentorum rationem obtendens, via militari nos processuros manifestamus, atque hoc in bello constanter edusque, dum Patria integram pacem consequatur, mansuros nos submittimus & obligamus, omnesq; in hoc proposito conspiramus & coniuramus. Nemo Nostrum quenuam etiam in gravissimo casu deferet, nemo in alienas partes transibit, nemo ullas factiones, dissidia, segregationes, aut aliquos secretiores congressus molietur, nemo a signis desciscet, nemo clandestina consilia coget, nemo perniciose Nostræ nexui media tentabit, nemo separata conuenticula congregari faciet, sed omnes corde unanimi, & voluntate constanti, laboranti Patriæ succurrere sancte pollicemur. Et quoniam in hoc statu Reipub. confuse, nonnulli Civium hætenus persistunt a partibus Regis Sueciæ, & eius consilijs inhaerent, omnibus ijs ex certis rationibus uti Civibus Patriæ, amicitiam Nostram fraternè promittimus, dummodo coniurationis Nostræ certiores facti, antequam manus cum hoste conseruerimus, colligationi Nostræ sese adstringant, & unâ nobiscum hereditarium hoc gloriæ Divinæ Regnum, & Patrias Libertates tueantur: qui verò contumaces perseveraverint, bona eorum iudicio Ducum & Commissariorum subsunto. Insuper, omnibus iure victis, foro abiudicatis, ac universis vilioris conditionis hominibus etiam alienigenis, non tantum benè merendi de Reipub. locum

damus,

in Claro Monte Czeszochouensi.

damus, verum etiam occasionem offerimus accedendi ad prerogativas Nobilium, qui iuxta vires in presenti Reipub. obsequio, rem præclare gesserint in nostro nexu permanentes. Atque ut eò commodius securitati Reipub. provideatur, & eò solidiore fundamento nitantur, suscepta consilia, Illustrissimis, DD. Stanislao de Potok in Podhayce Potocki, Palatino & Generali Præfecto Terrarum Kijoviae, Supremo Exercituum Duci, Krasnostavienfi & Sokaliensi Gubernatori. Stanislao in Brzezic Lanckoronski, Palatino & Generali Præfecto Terrarum Russiæ, Duci Campestri Copiarum Regni, Skalensi, Rohatinenfi Gubernatori, adiungimus Commissarios ab Exercitu, Illustrissimos, Perillustres, & Magnificos DD. Christophorum Tysskiencz, Palatinum Czerniechouensem, Gubernatorem Zytomiriensem, Andream de Potok Potocki, Castrametatorem Generalem, Gubernatorem Vinnicensensem, Hiacyntum Szemberk, Gubernatorem Bogustawiensem, Stanislaum Stuzewski, Gubernatorem Horodolscensem, Stanislaum Domasewski de Vidlica, Iudicem Terrestrum Luceoriensem, Venceslaum de Brzezic Lanckoronski, Equestrium Cohortium S. R. M. Magistros, & Ioannem Sawicki, S. Regiæ Maiestatis veteranum militem. Singuli deinde Palatinatus singulos eligent numero suffragiorum Superiores, qui literis parentibus exhibitis electionis suæ, ac iuramento præstito, locum quisque sui Palatinatus obtinebunt in consilio, prout iam nonnulli Palatinatus eiusmodi Com-

M m 2

di Com-

DD. Ducibus
Regi. Com-
missarij ad-
auntur.

Noua Gigantomachia

di Commissarios elegerunt, dantes predictis Illustrissimis DD. Ducibus, & eis adiunctis Commissarijs, omnem potestatem & iurisdictionem, cum adminiculo & consilio DD. Commissariorum per Palatinatus eligendorum, (qui omnino adhiberi debebunt, alias nihil concludetur) omnes facinorosos, & iuri publico ac Nostro huic nexui repugnantes, & quorumcunque scelerum patratores omni appellatione remota, iudicandi & puniendi, omnibus periculis Reipub. obuiandi, consilia queuis agitandi, legationes expediendi & suscipiendi, cum extraneis Principibus conferendi, societatem armorum conciliandi, pacta & fœdera concludendi, pecuniam conquirendi vsui publico, necessitati omni Patrie prospiciendi, & demum, quidquid è re illius fore perspexerint, agendi, soli Deo gesti negotij rationem reddituri. Eo attento, quod quicumque Illustrissimorum Ducum iudicijs & consilijs presenti Reipub. statui accommodatis presidebit, illius una sententia duarum continebit valorem, ut sic omnia consilia maiore numero vocum concludantur, aliquorum absentia nihil obstante, quominus causa decidatur; qua nostra dispositione, nihil derogare intendimus Illustrissimorum DD. Ducum potestati, ac eius vsui circa militarem disciplinam. Porro, ut hæc iudicia, consilia, & reliqua negotia Reipub. quam maximam iustitiam & accurate tractentur, & nexus tam Sanctus maiorem habeat efficacitatem, eum iuramentis ad aram maiorem in Ecclesia formulis inferius descriptis confirmamus.

Iura-

in Claro Monte Czeszochouienfi.

Iuramentum Illustrissimorum DD. Ducum.

EGO N. DEO in Trinitate Vni, & Omnipotenti iuro, quod Officio mei Magistratus, & obligationi huius fœderis, mihi ab Exercitu & Incolis Regni imposita, pro viribus meis volo satisfacere, & quidquid ad officium meum spectat, secundum Deum, conscientiam, & ius commune faciam, nullum respectum priuati commodi habiturus, nec de illo tractaturus. Omnia negotia tam publica, quam bellica, ad Reipub. bonum referam, & dirigam. Arcana ut Iudiciorum, ita & consiliorum omnium nemini pandam. Sic me Deus adiuuet, & innocens Passio Filii eius.

Iuramentum Illustrissimorum DD. Commissariorum.

EGO N. DEO in Trinitate Vni, & Omnipotenti iuro, quod muneri Officii mei & obligationi, mihi ab Exercitu, & Incolis Regni, per presens fœdus imposita, satisfacere volo pro viribus, in consilio ac sententia, quam secundum Deum, conscientiam, & ius commune feram, nullius commodi priuati, neque amicitie vel inimicitie, munerum, vel eorum pollicitationis rationem habebo. Pactiones nullas faciam, sed ita in Iudicijs, sicut

N n

& nego-

Et negotiis omnibus bonum commune respiciam, iudicium conscientia mea secuturus. Arcana etiam nulla, tam ludiciorum, quam consiliorum, cuiquam reuelabo. Ita me Deus adiunget, Et innocens Passio Filii eius.

Iuramentum tam Exercitus, quam Incolarum Regni.

NOS NN. DEO in Trinitate Uni, Et Omnipotenti iuramus, quod secundum obligationem Nostram, Illustrissimis DD. Ducibus Nostri, Et DD. Commissariis datam, pro Fide, Et Ecclesia Catholica, pro Serenissimo Rege Nostro CASIMIRO fido Nobis Domino, Iuribus Et Libertatibus Reipub. Nostre, absque omni disunctione Et disidio, quousque Respublica paci non fuerit restituta, Et Nobiles Fratres Nostri, in huius nexu fœderis nobiscum perseverauerint, constanter sub iurisdictione Ducum Nostrorum, Et Commissario-um eis adiunctorum, manebimus, nullas corruptelas, vel priuatos respectus sequendo, nulla conuenticula cogendo, nec ulli seditioni adherendo, sed Deum solum, Et incolumitatem Patrie pre oculis habendo, pro ipsius salute, Nostram parati opponere. Sic Nos Deus adiunget, Et eius Passio Sancta.

Fam igitur in Nomine Domini, vniuersali Et sancte colligato nexui parentes, simul equos Et arma capeamus: quamobrem Generalem omnium Civium Expeditionem

ditionem decernimus, Et Vniuersalibus edictis paulo ante promulgatis, quæ etiam nunc confirmamus, hoc subiungimus: ut continuo se fistant omnes loco Et tempore destinandis, recenti mandato sub pena Et ipsius executione, tam in personis, quam in fortunis nexui Nostro non obtemperantibus irroganda, quæ maxima videri poterit efficacitatis Ducibus Et Commissariis Nostri ad reducendos in officium contumaces, (etiamsi confestim in eos signa moueri debeant) quam nemini prorsus indulgendo executioni serid demandabunt. Quoniam verò de aliquibus Palatinatibus, Et Terris Regni Nuntij designati ad colloquendum nobiscum, Et vinculum firmandum adesse nequiverunt, ob grassantis hostis pericula, fraternè illos inuitando, in fidem Nostram recipimus, quod quamprimum in Nostrum consortium venerint, præmissis iuramentis eiusdem forme, locum inter Commissarios habebunt. Et quemadmodum altissime Maiestati Diuine demisse supplicamus, ut generalem hanc Et sanctam huius Nostri consilij concordiam, intentione laudabili connexam, prosperare dignetur, ita minimè dubitamus, quin Illustrissimus Dominus Exercituum Magni Ducatus Lithuaniæ, ac Incole plurimi, ad coniungendum vires eidem concordie sint parati et studio- sius, quod celerius in hostem procurrendum est. Et quod Illustrissimi, Magnifici, ac Generosi DD. vti communis Matris Et Patrie vnius filij, Commissarios ad conferendum Et communicanda nobiscum consilia, quamprimum

mum expedient, plena ipsis attributa premissa tractandi
 & exequendi facultate, salua per omnia Illustrissimorum
 DD. Ducum & Commissariorum à Nobis electorum
 iurisdictione & auctoritate. Hanc itaque constitutio-
 nem laudabilis istius nexus iuramento firmati, illustris-
 simis DD. Ducibus & Commissariis ad exequenda
 & puniendum priuatione salutis, honoris, & bonorum
 quosuis repugnantes, damus, & omnia hic definita in
 omnibus punctis tenere & seruare promittimus; ac pro-
 inde pro certiori ac grauiori fide, valore, vinculum hoc
 circa subscriptiones Illustrissimorum DD. Ducum &
 Commissariorum Nostrorum, aliqui per designatos à si-
 gnis & Palatinatibus, aliqui propriis manibus subscri-
 bimus. Actum Tyssouiciis die 29. Decembris, Anno
 Domini, 1655.

Edidit & alterum diploma, in quo friuolam su-
 spicionem euellit ex animis nonnullorum Nobilium,
 qui aduentare Tartarorum Copias auxiliares, in euer-
 sionem status Nobilium vulgi rumore incerto con-
 territi metuebant, tenoris eius.

*Andreas Comes à Lesno, Dei & Apostolicæ Sedis
 Gratiâ, Archiepiscopus Gneznenfis, Legatus
 Natus, Regni Poloniæ Primas, Primusque
 Princeps.*

Illu-

Illustrissimis, Perillustribus, Magnificis ac
 Generosis DD. Senatoribus, Dignita-
 rijs, Officiorum quorumlibet Præ-
 fectis, ac toti Ordini Equestri Palati-
 natus N. Dominis & Fratribus.

*Litera Pri-
 matus Regni,
 quibus testa-
 tur Auctores
 venire ad suc-
 currendum
 Patriæ, non
 ad subuer-
 tendam Nobili-
 tatem.*

Certus sum, iam per Palatinatus ad plurimorum
 notitiam, tam diplomate S. R. M. quàm ipsa fa-
 ma peruenisse, quòd DEVS Opt: Max. auxilijs &
 consilijs humanis deficientibus, Omnipotentiam suam
 in hoc maxime manifestauerit, dum peccata Nostra ul-
 tus, misericordiam tandem Nobis clementer impartiens,
 per Tartaros & Kozakos, quos ante in ruinam No-
 stram exciuerat, saluare nos disponit. Verumtamen,
 quia fortassis S. Regiæ Maiestatis literæ, ob viarum di-
 scrimina ad omnes peruenire non poterant, utile arbi-
 tratus sum & meo dignum munere, ut diuinum hoc be-
 neficium omnibus luculenter iterum annunciarem. Pro-
 fectò ordinatione Diuinâ factum est, quòd Han Cri-
 mensis, cum ingenti suorum exercitu Terras Nostras in-
 gressus, Chmielnicium ad obedientiam Serenissimo IO-
 ANNI CASIMIRO, liberis Nostris vocibus ele-
 cto, sub iuramento prestandam, adduxerit. & cum eo
 coniunctis Copijs, ad debellandum quosuis S. R. Maie-
 statis hostes, tenax utrinque pactorum ire velit. Inno-
 tuit simul, quòd Exercitus, qui nunc cum DD. Ducibus
 est,

Oo

est, nunquam in deditionem alteri Regi consentiens, & si quid contrarium per Superiores gestum est, nullatenus approbans, in fide erga Deum & Patriam firmiter perseueret, ac inherendo S. R. M. lateri, ad exterminandos eius hostes, libertates suas à Maioribus acceptas armis vindicandas, totamq; Patriam, è tyrannide, & oppresione hostium eruendam, concordì voluntate conspiciat. Qua militis incliti alacritate nixus Serenissimus Rex mouit iam legiones, paratus pro & cum illo salutem obijcere periculis, semper alias hoc factururus, nisi ab omnibus desertus destitutusq; fuisset. Quoniam verò recens inaudui, laborare plerosq; suspitione peruersa, quam rumor aut ab ipsis hostibus, aut ab impiis in Deum & Patriam Ciuibus hosti adherentibus sparsus ingessit, quasi S. R. M. in excidium status Nobilitatis legiones Tartarorum accersuerit, idcirco pro Officio meo Primatiali, ut gliscens fama leuitatem conuellam, omnibus & singulis DD. & Fratribus meis manifestum facio, & meà auctoritate Primatiali contestor, nunquam hanc in mentem Optimi Principis cogitationem venisse, qui enim exitium molitur Patrie illius, cui Natales Regios educationemq; debet, & cuius semper quàm maximis studuit incrementis, si priuatorum commodorum rationibus procul auerruncatis, omnes huc operam, & consilia Nostra consulissemus. Singulare opus est Diuina bonitatis & potentie, ut dum alij Christiani Nostra pernicië gloriantur, alij admirantes, nullum adferunt subsidium,

aut

aut adferre fortasse differunt, salutem Nostram operetur per eos, qui sunt extra Ecclesiam Christi, ut Christianis prebeant exemplum colende amicitie & vicinitatis, & sic Omnipotentis dextera labantibus porrecta, nequaquam sinat interire Regnum illud, in quo pre aliis Diuine eius Maiestatis cultus sanctissime floruit. Quod verò non ad euertendum Nobilitatis statum, verum ad debellandos hostes Serenissime Regie Maiestatis & Patrie, auxiliares Tartarorum legiones veniant, experiuntur iam nonnulli Palatinatus eius societatis fidem, dum se nullis vexari molestiis, nullis iniuriis affici à Tartaris queruntur, sed aequè his atque aliis S. R. M. exercitibus eorum Copie associantur. Itaque Domini & Fratres mei, exuite omnem metum & suspicionem; potius verò exemplo S. R. M. spem in Vestra virtute atque alacritate collocantis, Vos vicissim illius exercitibus prompti associamini. Perspectum quidem est S. R. Maiestati plurimos malitià peccasse; verumtamen, tam his, qui sponte, quàm qui potentia hostili adacti transierunt in partes Suecorum, indulgentiam & benignitatem pollicetur Clementissimus Dominus, ita, ut nullum omnino cuiquam à suis, suoq; exercitu, aut Tartarorum Kozakorumq; auxiliis periculum sit metuendum, nisi qui oblitus Dei, Regis, ac Patrie, hosti pertinaciter adherere vellet, quem nemo Ciuium Patrie studiosus & virtutis pateretur inultum. Reassumite igitur animos, & dum tempus inuat, aureà libertate instauratâ, excussoq; iugo

tyran-

tyrannidis, & sedit servitutis, aspersam nationi Orbe, uniuerso labem & ignominiam abstergite; Nam etsi nunc hostes terrore Tartarorum & fama exercitus aduentantis paulò mitiores sunt, attamen citò ad exequendum propositum reuersuri sunt, & non tantum statu Nobilitatis, sed & nomine Polonorum extirpato, abominandas quarumvis hereseon in Regnum Polonia, semper fidei Diuina & Ecclesie Romana deuotum colonias inducturi. Hec pro muneris mei Officio DD. Vestris manifesta esse volui, per amorem non Patrie duntaxat, sed illius etiam, cuius pretiosissimo Sanguine sumus redempti, obtestans, ut si quando, nunc Vos Orthodoxos, Ecclesia Romana universalis filios genuinos, à Maioribus Vestra minimè degeneres Polonos prebeat. Ego ad Dominos & Fratres meos festinus accurro, ut aduersis compassurus, sic prosperis successibus Vestris congratulaturus. Faciet Deo auxiliante annus hic labens finem calamitatibus, & nouis Patriam felicitatibus secundabit. Nisse, tertio Kalend: Ianuarij, Anno Domini, 1656.

Atque hinc perspicuum est, Beatissimæ Deiparæ Virginis protectioni, tam Montis Clari defensionem, quam Polonorum in ipsis incendijs belli, & Martio furore fortitudinem, nouo diuinitus excitatam impetu, in acceptis ferri debere. Nam eo ipso tempore, quo à Monte Claro repentinà trepidatione perterritus & confusus discessit hostis, Poloni

congre-

congregati nouo se foedere adstrinxerunt ad sacrilegos eius conatus reprimendos; ut vigor eorum animis, idem qui Claromontanis circa defensionem inerat, eiusdem Virginis beneficio appareat communicatus; præsertim, quòd suæ à prætenso Protectore defectionis rationem potissimam afferant. Montis Clari oppugnationem, (quasi de illo omnia iam bona desperassent, & iustè metuerent, diuina humanaq; iura funditus ab eo conuulsum iri, qui Sancto Loco & miraculis celeberrimo minimè pepercisset) veterum Diuinæ legis zelatorum in propugnandis templis & aris secuti magnanimitatem.

Est enim vis efficax maximè in omnibus rectè de Religione sentientibus, ad permouendas & acuendas sacrorum profanatione in quæuis pericula vires, in omnes ausus sese attollens. Lumen hoc ipsum naturæ, animis hominum inculpsit, ut similiter intelligant, nullam stare posse Ciuitatem, siue Rempublicam, nisi habeat separatos à negotijs profanis, & oneribus exemptos viros, quorum sit Officium Diuinum Numen propitiare; ut dum quisque suis ex ordine inuigilat muneribus ornandæ aut defendendæ Patriæ, Rex protectioni Regni, miles armis, arator aruis, aris incumbat Sacerdos; quatenus cætera Officia Reipublicæ: benè consent cœlestis gratiæ vberitate irrigua. Neque vlla gens tam effera vel immanis extitit, quæ ut veri Dei notitia esset destituta, co-

P p

lendum

*Zelus anti-
quorum in
propugnanda
legibus Eccle-
sia & Patria.*

lendum tamen non putaret animi corporisque cultu, sacrificijs, ceremonijs, ac ritibus exterioribus ad submissionem erga vniuersorum Dominum, vtriusque vitæ largitorem ordinatis. Hinc Numa Pompilius fundamentum iecit Romanæ Urbis, Sacerdotes, aras, & solennitates, quibus ritè vt putabat constitutis, perpetuò statutam credebat Rempublicam. Primi Adæ filij Cain, Abel, Noe, necnon Legis Mosaicæ professi, colebant Deum sacrificijs & ritibus externis, quos eis ipse præscripsit, vt vmbra præferrent futuri legis nouæ sacrificij. Ab ijs qui dissident, quomodo salutaria media Patriæ ad animorum coniunctionem afferre possunt, quibus cura est omnis in Religione dissidere? cum tamen Religiosi quique ac Deum timentes viri, semper legis Diuinæ oracula summâ fide ac constantia tueri sacrosanctum habuerunt, ne à Deo primum tum & ipsi inter se dissiderent vnquam, & exercitibus gentium superandis, coniunctis viribus non essent impares. Pro eo dederunt animas inuicti, nec in sententiam Illustris Antiochi protracti Machabæi, sanguine cultum Dei obstringentes: inter quos excelsi animi fortitudine Mathathias eminuit, qui impiam alienigeni cultus superstitionem, in Patriam nouo exemplo inducentem indigenam, & thus adolentem idolo, quod Patres ipsius ignorârunt, ad aram ipsam gladio confodit, simulq; Regis mandata ad executionem vrgentem Præfectû, vindi-

vindictâ tuendi honoris Diuini accensus obrûcauit. Hanc legum diuinarum & patriarum defendendarû constantiam, probauerunt fornace Babylonicâ tres iuuenes fortunatissimi, qui ne auscultarent mandato Regis, in impiam & Patriæ inusitatam sese pertrahentis idolorum seruitutem, tolerabiliorem ignis vim æstimârunt, vltroque flammis sibi paratas non detrectârunt, ne superinductâ superstitione contaminarentur. Hæc fortissimus Iudas Machabæus fratrum animos generosè accendit, vt pro cultu veri Dei, & sacris Patriæ institutis, minimè dubitarent gloriosè potius occumbere, quàm mala gentis suæ (quorum caput est prostrata veri Dei Religio, & Sancta Fides conculcata) intueri.

Non dispar zelus sanctioris Religionis, Polonorum animos ab oppugnato Czesztochouiensi Monte accendit, qui propugnandis aris templisque Domini, sed imprimis Basilicæ Claromontanæ, sanguinem vitæque generosè deuouerunt: fuitque tolerabilius bonis exui, fortunisque priuari suis, quàm Sanctæ Fidei Catholicæ aduersaria dogmata sibi obtrudi, quod iam proclive fuit Sacerdotibus eiectis, si Mons Sanctus temeritate sacrilegâ ab Hæretico contaminatus fuisset præsidio. Eminuit hoc singulariter in Serenissimo Rege Nostro, ac Domino Clementissimo studium, qui moratus interea in Ducatu Opoliensi, omnem sollicitudinem defendendo Sacro Monti ad-

*Zelum anti-
quo, um emul-
lantur Poloni.*

hibuit, & conuocato Senatu, communicatisque cum, eo circa tutamentum & conseruationem Patriæ consilijs, amicitiam cum Principe Tartarorum confirmauit, cumque in societatem armorum acciuit contra Hæreticos, apud quos nihil valeret Religionis auctoritas, sacra omnia profanaque pari æstimatione reputantes. Nam & miratos aliquos ex Scythis audiuius, quæ fuisset Christianorum impietas, Sacrum Locum armis adoriri audere. Confirmauit deinde frequentius literis animos Nobilium, qui se tam sancto fœdere obstrinxerunt pro Fide Catholica, & Ecclesiâ contra quosuis hostes pugnandi, ac ut in conexu permanerent, constanter admonuit; tandem collecto exercitu, auxiliatibus Copijs obuiam iuit, quò coniunctis viribus, hosti per viscera Patriæ impunè grassanti hætenus, & animo iam fluctuanti, maiorem incuteret terrorem. Atque ut hæc felicem haberet successum expeditio, Supremæ Vniuersorum Domini supplicauit Maieitati, Votumque in Cathedrali Ecclesia Leopoli, ad aram principem B. M. Virginis, intra Missarum solennia, Sacris tunc operante Illustrissimo & Reuerendissimo Domino, D. Petro Vidono, Dei & Apostolicæ Sedis gratiâ, Episcopo Laudensi & Comite, ad S. R. M. Regnum Poloniæ, ac Magnum Ducatum Lituaniæ, cum facultatibus Legati de Latere Nuntio, in hæc verba fecit, vniuerso Clero & populo audiente, Senatu annuente, ac ipso

totaque

totaque aula Regia verba Regis excipiente, ac ijs se simul obligante Kalendis Aprilis, Anno Domini, 1656.

Magna DEI Hominis Mater, & Virgo Sanctissima. Ego IOANNES CASIMIRVS, Tui Filij, Regis Regum, ac Domini mei, Tuaque miseratione Rex Sanctissimis Tuis aduolutus pedibus, Te in Patronam meam, meorumque Dominorum Reginam hodie deligo, atque me, meumque Regnum Poloniarum, Ducatus Lituaniæ, Russiæ, Prussiæ, Mazouiæ, Samogitiæ, Liuoniæ, Czerniechouiæ, Exercitus vtriusque gentis, populos vniuersos, Tuæ singulari tutelæ atque patrocinio recomendo. Tuam opem ac misericordiam hoc in calamitoso ancipiti que Regni mei statu, contra hostes Sanctæ Romanæ Ecclesiæ supplex imploro. Et quia maximis beneficijs Tuis obligatus impellor cum gente meâ ad nouum idque feruidum Tibi seruiendi desiderium, promitto deinceps, meo, Satraparum, populorumque nomine. Tibi, Tuo Filio, Do-

Qq

mino

*Forum Sere-
nissimæ Regis
Lectissimæ
Auræ.*

mino Nostro IESV CHRISTO, me cultum & honorem Tuum per Ditiones Regni mei omnino propagaturum. Promitto denique ac voueo, me, ubi præpotenti Tua intercessione, & Filij Tui magna miseratione de hostibus, & præcipue Suecis victoriam obtinero, apud Sedem Apostolicam procuraturum, ut Tibi, Tuoque Filio, in gratiarum actionem quotannis dies hic solennis & festus, idque in perpetuum habeatur, darurumque cum Episcopis Regni operam, ut id quod promitto, à populis meis impleatur. Cum verò magno animi mei dolore luculenter videam, propter gemitum & oppressionem hominum conditionis plebeia, in Regnum meum immissa à supradicto ludice flagella, pestis, bellorum, & aliorum malorum per hoc septennium; promitto insuper ac voueo, me serio cum vniuersis Ordinibus, pace constituta, rationes omnes initurum, ut à grauaminibus iniustis, & oppressionibus, populus Regni mei eximatur. Fac, ô misericordissima Regina, & Domina, sicut

eam

eam mentem mihi ad hæc concipienda vota dedisti, ut gratiam apud Tuum Filium, ad eadem implenda impetrem.

Obortæ sunt lachrymæ populo audienti verba Regis, cuius exemplo & ipse magno animi feruore, peculiari se cultui Deiparæ Virgini addixit, (ut iam nihil alacrius audiat, quàm Beatissimam Virginem MARIAM Reginam Poloniae dici) & hoc omne breui sibi affore victoriam certò spondit. Audiit Summus rerum Monarcha, pij Regis vota; nam hostis non multò post fluctuare animo capit, & quaquà versus exercitum circumducere, ac insigniter accisis per loca diuersa Copijs, compulsus est in Prussiam reuerti; maiori parte sui exercitus amissâ. Nec destitit Regum Supremus, qui olim per arcam Noë ne aquis diluij periret, seruauit genus humanum, Regem quoque ac Regnum Sacratissimæ suæ Matris protectioni commissum, in vltioris belli discriminib⁹, per arcam fœderis Claromontanam, gentem ab extrema clade vindicando Polonam, manu potenti tueri. Benignam eius in se manum ambæ Maiestates expertæ sunt: nam paulò post Serenissima Reginalis Maiestas Dantiscum pergens, iamque in finibus Prussiae Choynicijs consistens, cum in Suecorum insidias insperatè incidisset, mirabiliter & verè Deo patrocinate manus eorum euasit, insidiantibus hostiū

*Circa SS. RR.
Maiestates
singularis
protectio Dei.*

*S. Reginalis
Maiestas eua-
sit insidias
Suecorum.*

Copijs partim cæsis, partim captis, aut confusis, per Illustrem D. Stephanum Czarniecki, Castellaneum Kijouensem, ut ideò Serenissima casu admonita, mutauerit itineris suscepti propositum, ac in Maiorem Poloniam regressa Calissum concesserit.

*Regi CASI-
MIRO abitus
Gedano in
Poloniam pro
cluditur per
Suecos.*

Porro Rex CASIMIRVS Suecum in Prussiam tum insecutus, postquam aduertit urgente hyeme hostem per Præsidia fuisse dilapsum, exercitum quoque suum belli incommoditatibus fractum, in hiberna cum Ducibus Regni in Poloniam dimiserat, ipse autem cum paucis peditatus Copijs & armatura substiterat Dantisci. Quà prehensâ occasione, Suecus, pereducta celeriter præsidia, omnibus itineribus circa Gedanum insecutis, Regi CASIMIRO ab exercitu seiuncto, vaferrima calliditate in Poloniam interclusit regressum. Calissum igitur regressa S. Reginalis Maestas, ut aduertit ob Regem à Regno dilatum, Rempublicam Poloniam nondum solidè pacatam, nouis ijsque grauibz seditionum periculis exponi, indixit subito Senatui, ut omni morâ sepositâ Czesztochouiam conueniret, secum consulturus, quomodo Regi intercluso subueniendum sit, ut Gedano eductus Regno ne nouis exagitetur motibus, quantumcyus possit restitui. Destinauerat autem pro congregando Senatu Czesztochouiam, Loci Sacri à Deo recenter defensi felicitate permota, spem cum voto firmam concipiens, Deum Regi & Regno adiutricem porrectu-

*Clarus Mons
a Regina de-
stinatus pro
consilio Se-
natui.*

porrecturum dexteram à Monte Claro, qui præsentī calamitoso Reipublicæ statu, solus sub auspicijs Deiparæ Virginis, superatis hostium conatibus stetit immunis, ut eius exemplo ad rectè Patriæ consulendū Polonorum excitaretur animi, & sub iisdem Diuæ Claromontanæ auspicijs optatū belli exitum sortirentur.

Adfuit Deus votis supplicum, nolens facere irritam spem Regina innixam consilio, nam ad primam notitiam Reginae voluntatis primarij viginti quinque Senatores in Montem Clarum confluxerunt. Interea verò Illustris D. Czarniecki, Castellanus adhuc Kijouensis, Vir magnus animo, & experienciâ militari, pro suo singulari ingenio, & generositate in Prussiam irrumpens, cum multos hostium per Præsidia dispositos, & nihil hostile metuentes cæcidisset, ut & Sztembogium Generalem exercitus Suetici Gedano procul auerteret, simulato quasi hostem metueret ex Prussia recessu, cum post se cum exercitu currentem longius abduxit. Quo facto ordinatis aliquot signis militum, qui cum G. D. Woynilowicz loco sui Sztembogio præirent, cum ulterius abducturi, ipse cum lectâ militum manu ad latus declinando, omnem hostis solertiam celeritate anteuertens, retrò versus Gedanum perrexit, & Regem inde summâ dexteritate per deuios & remotos saltus eductum, Patriæ prius reddidit, quàm Suecus elusum se, sibi que ereptum Regem Polonorum cognouit. Breui intervallo tem-

*Rex CASI-
MIRVS dex-
teritate Czar-
niecij Geda-
no in Polo-
niam redit-
citur.*

*Sistitur Rex
in Claro Monte
pro Comitibus.*

poris, Senatui in Claro Monte congregato, & quomodo Regi succurrendum esset consulenti, sistitur Rex cum omnium lætitia minimè speratus; ubi mutato consiliorum proposito, defendendæ & conservandæ Patriæ intendens, cum Senatu gravissima negotia, & quæ pluribus Comitibus ægrè componi poterant, præcipuè Moschouiticum, Deo ad Beatissimæ Virginis preces consilia dirigente, cum omnium admiratione intra paucos dies felicissimè composuit.

*Poloni grati
beneficiorum
Dei à Claro
Monte.*

Sic irradiato Monte gratiarum cœlestium nitori-
bus, virorum ex congregatione Senatoria Ordinis v-
triusque præcipui, recolligentes & diligentius consi-
derantes præsentis rerum in Claro Monte successus,
necnon Montis ab hoste nuper defensi felices ac in-
expectatos euentus, & aduercentes eos Loco Sacro,
non per humanarum virium potentiam, nec per dif-
ficilem naturam vel ingenio loci accessum, sed merè di-
uinâ bonitate, abundè (vt in omnes Dei munificen-
tia diffunderetur) impensos, vniuersi in laudem Dei
& Sanctissimæ Christi Parentis effusi sunt, non ingra-
ti beneficij Diuini. Multis tum fauoribus Rex &
Proceres, & in præsentis præstitis, & pluribus in futu-
rum præstandis, Locum Sacrum profecuti sunt. Au-
ctum ex S. R. M. peditatu ducentis quadraginta mi-
litibus Monasterio Præsidium. Pro centum quin-
quaginta Loci Sacri Præsidarijs, stipendium per Sena-
tus consultum ex publico ætario consignatum. Mu-
nitio

nitio Monasterij vt in meliorem formam reducta per-
ficeretur, & nouis exterius firmaretur propugnaculis
S. R. M. liberalitate decretum. Imò pio grati ani-
mi affectu in Deum & Beatissimam excitati Serenis-
simi, non expectata meliori pacis commoditate,
quantum angustia & calamitas temporis permisit,
sine mora, vallo & fossa cingi Monasterium manda-
uerunt, omnibus qui tum ad latus eorum conuene-
rant, operam & impensas certatim in id conferenti-
bus. Ipsæmet SS. R. R. Maiestates Magnum Impera-
torem Constantinum imitatæ, in honorem Supremi
Numinis, & Augustissimæ Cœlorum Reginae, ma-
nibus labori consecratis, pro erigendo in fronte Ca-
pellæ propugnaculo, terram & rudera sarculis egere-
bant. Regum institerunt exemplo Senatus & Aula
Regia, magnam diei partem, aliqui dies etiam inte-
gros laboris exercitio impendentes. Gynæceum in-
super fastum & molitiem domus Regiæ, cruendis
cuiusque mancipando rudibus, seriò ac prom-
ptissimè incubuerunt operis cui & nomen hinc relictum.
Regium Propugnaculum.

Post paucos autem dies ab aduentu Regis Serenis-
simi in Montem Clarum contigerat Dominica Pas-
sionis, trinum apparuisse Solem in Meridie, visamque
simul duplicem Coronam Solarem candidam, qua-
rum altera latius per ærem extensa cingebat cum
Monte toto Monasterium, altera longè strictior ver-
sus Meri-

*Singularis
affectus Re-
giæ Maiesta-
tis in Locum
Sacrum.*

*Omen feli-
cioris pro-
gressus.*

Nova Gigantomachia
 sus Meridiem porrecta, ad orbem vsque Solis fasti-
 gio pertingebat.



Iucundum erat suspicientibus intueri coeleste il-
 lud spectaculum, eò quòd putaretur omen victoriæ

eternum

in Claro Monte Czeszochouiensi.

certum, & euidens reconciliati furoris Diuini argu-
 mentum. Quemadmodum enim ferale prodigium
 illud in Sole occiduo tertio ante anno visum, præ-
 nunciabat gladij sæuiciem, & atrocem humani san-
 guinis effusionem: ita candor Solis & Coronarum
 insolitus, victoriosæ pacis palmas & trophæa amœ-
 nissima designare credebatur. Et cui dubium, osten-
 tum hoc non ad mentem præsagientium successisse?
 Ex quo etenim Montem Clarum sub patrocinium
 Augustissimæ Coeli & Poloniarum Regina subijt Rex
 Serenissimus, amplissimis gratiarum coelestium do-
 nis, & Austriacæ Laureæ sufficientibus subsidijs auctus,
 ita felix & potens euasit, vt sui nominis famâ hostem
 exterritum fugauerit è suis ditionibus, & Regnum
 quod iam in multas partes diuisum, atrocissimè igne
 & gladio sæuendo hostis diripuerat, de manibus &
 immanitate torrentium feliciter vindicauerit.

Vide sera Polonorum posteritas, quanto tibi con-
 stitit emolumento cultus Beatissimæ Dei Parentis,
 quem vna cum Fide Orthodoxa Tuus Apostolus S.
 Adalbertus, Archiepiscopus Gnesnensis, & Martyr
 strenuè promouit. Hunc si eadem constantiâ tenue-
 ris, alacri feruore promoueris, ac generoso pectore
 propugnâris, plurimum profueris Patriæ, Maiorum
 Tuorum vestigia præclarè secutura, & eo pacto, vel
 ipsis Erebi satellitibus metuenda. Videat & miretur
 Orbis Christianus, quàm strenuè Nostra Regina, ea-
 demque

ss

*Proverbia
Suecorum de
Czestochouia*

demque Coeli & Terræ Imperatrix, fidele sibi defendat Regnum, & quàm præsentaneum ferat auxilium clientibus humanâ ope destitutis. Excitet Angelus Domini Exercituum Custos Poloniæ Cœlestes Ihalanges, ad æternum agendas Supremæ Numinis Maiestati vnâ nobiscum grates, pro tanto beneficio, & omnes hostes qui ad extirpandum cultum Angelorum Reginae conspirarunt in Polonia, potenti virtute deprimat. Iam ipsi hostes triumphati, Victoriolæ Virgini, & terribili, *ut Castrorum acies ordinata*, Imperatrici, perenne Monte Claro fixerunt trophæum; qui dum ab oppugnatione ipsius reuerterentur, ad eleuandam vanitatem, trosculorum fortitudinem iactantium, nouum commenti sunt, non sine mordaci sarcasmo prouerbum: *Kir es, abi oppugnatum Czestochouiam*; & aliud quo importunis quibusuis cum execratione malum imprecentur: *Alpage Czestochouiam*. Quinimò plurimi viri graues testati sunt, percontantibus sibi, quid de Czestochouienſi Monasterio, ac eius expugnatione Sueci sentirent, passim à diuersis responsum: *Czestochouia virorum fortissimorum Sarcophagus*. Et verè dixissent extremum Sueticæ fortunæ scopulum, ad quem Regis Suecorum allisa potentia, non amplius assurrexit.

Benedicimus Deum coeli, & coram omnibus viuentibus confitebimur ei, quia fecit nobiscum misericordiam suam.

ORATIO, Quâ

STEPHANVS DAMALEWICZ,
S. Th. Doctor, Canonorum Regularium Lateranensium ad S. Nicolai Ecclesiam Califfij Præpositus,

Reuerendis Patribus Claromontanis, Ordinis S. Pauli
Primi Eremitæ, insuperabilem tolerantiam Obsidionis Quadragenariæ gratulabatur.



Vemadmodum procellosis hactenus iactati bellorum tempestatibus, Virgineum Sidus Montis Clari suspeximus, non aliunde certiùs afflictis rebus Patriæ auxilium expectantes; ita oriente iam optatæ consolationis auro-ra, non dissimiles oscinibus dulci cantu eam salutantibus, pro agendis immortalibus Maiestati Supremæ gratijs, æquum est maximè, ad eundem Montem cum faustis triumphantium applausibus accurrere: vt vnde flumina beneficiorum exeunt, illuc sancta reuolutione gratiarum reuertantur. Impium est

diffiteri, quòd non sola exclusi mortalitate, verùm etiam ipsis creatæ naturæ circumscripti finibus, pares ad hoc exsoluendum gratae voluntatis officium vires afferre nequeamus: at sacrilegum prorsus, maximis beneficijs, quæ sumus ope Gloriosissimæ Deiparæ Virginis consecuti, obstinato silentio grati animi testificationem velle conscriptam. Bis puer loqui non audeo, tacere ingratus non debeo. Tuum est, ô Magna Supremi Numinis Parens, quòd viuimus. Tuum, quòd hostis non humana perterrefactus potentia, Clari Montis oppugnationem necessariò intermisit. Tuum, quòd Tuis laudibus deuota Polonia, ex imis busti euoluta cineribus, attollere gloriosum caput triumphis occœpit, & quidquid boni deinceps Nostra Respublica sperare potest, totum id Tuæ propitiationi ferendum erit in acceptis. Semper ac libenter fatemur, à prima Tua Montis Clari tutela, tot & tanta nobis obuuisse beneficentiæ cōmoda, vt nulla vnquam temporis longinquitate, profunda seræ posteritatis è memoria possint eradicari, nulla penitus obliuione deleri. Atqui parum est acceptorum meminisse, nisi eis obstrictus quisque perpetuum præconiorum erigat monumentum. Sed quantumuis perenniùs ære, auro, & quouis marmore Oratorum Poëtarumque durant elogia; nulla tamen dicendi vis, nulla ingenij fecunditas, ad Tuorum magnitudinem beneficiorum colendam & prædicandam;

dam; idoneam suppeditare poterit facultatem. Nam quòd ab eo Monte, tot claudi tanquam cerui salierint, recepto gradiendi munere, tot cæci restitutis oculis lumen cœli suspexerint, tot ægri ope medicorum desperata sanitatem recuperauerint, tot energumeni Tyrannide inquilini pessimi Cacodæmonis fuerint liberati, tot suffocati aquis, ignibus combusti, cædibus hostium & varijs casibus interempti, luce præsentis ac vitæ donati fuerint, hæc beneficentia, pluribus alijs locis Tua Imagine celebribus, vfitata, plurimorum calamos, & ingenia viresque dicendi fatigauit Oratorum, æquè ac Poëtarum; vnum hoc, ob seruatam Poloniam, ab immani Hæreticorum feritate, in excidium Religionis Orthodoxæ coniurata, quis tam sublime Gigas in cœlum attollet trophæum! Laudetur Summus Exercituum Dominus, qui ceruicibus nostris impendentes ab hostium furore acinaces, dextera potentia suæ retorsit. Laudetur & terribilis vt Castrorum acies ordinata Virgo Deipara, quæ superbam Hæreticorum fregit audaciam, deprehit temeritatem, perrupit insolentiam. Mille mille triumpho resonent Gloriosissimæ Cœlorum Terræque Imperatrici, ob Poloniam è Tartareis faucibus ereptam, & Hæresim turbulentorum consiliorum machinatricem profligatam. Verùm enim verò iam Supremo rerum omnium Monarchæ, & Magnæ Dei Homini Parenti peractis gratijs, ad Vos Religiosissimi Pa-

Nova Gigantomachia

tres segregis exempli, Primi Pauli Eremitæ pij Sectatores, & coelestis vitæ sub polaris stellæ regimine strenui Duces, fideles Clari Montis Excubitores, & infracti robore sacræ militiæ Candidati, mea properat Oratio: quam, ne incerta exerret orbita, duobus polibus siue cardinibus honesti, fortitudinis videlicet atque prudentiæ circumagam, ac virtutis vtriusque decus in graui obsidionis hostium tolerantia Vestris animis promicans, prædicare conabor: quin aures beneuolas & arrectas sitis daturi, de gloriosa Vestra dicenti victoria, minimè addubito. Dabitis veniam effœtæ iam senis Oratoris eloquentiæ, si laudes Vestras, pro eo ac deberet, Vosque meruistis, exæquare facundia non poterit, & promptos balbutientis linguæ in Vestra præconia labores, non virium imbecillitate, sed obsequiosi officij studio æstimabitis; ita, ut quod mei conatus excelsi mente, viribus exigui non assequantur, Vestra beneuolentia, & alacri voluntatum erga dicentem propensione, censear assecutus.

Si cuius virtutis insignibus extollendis, sacri profanique insudant Oratores, fortitudini profectò tantum tribuunt celebritatis, ut vna omnium, quæ maximè salutaria hominum societati ad benè beatèque viuendum possunt conducere media, videatur esse complexa: tantoperè, ut cæterorum honesti fontium laudes, iure quodam principatus, sibi vendicare possit. Nec iniuria: nam si ad iusticiam pertinet ius suum unicuique

in Claro Monte Czeszochouiensi.

unicuique tribuere, (quod quidem officium ad tranquillitatem generis humani conseruandam, quàm sit accommodatum, nemo non videt) quomodo tribui poterit inter ciues, nisi ad illud defendendum vires animi magnitudo suppeditet, & studiosa ciuium pectora, inuicti roboris constantia, ad Patriæ iura libertatèsque illius propugnandas obarmet? si modum à ratione præscriptum in omnibus actionibus tenere, modestia siue temperantia persuadet: quonam pacto & quis tenebit, nisi quem vis animi excelsi, supra rerum humanarum fastigium extulerit? ut neque poeniteat, ex ijs quidquam amittisse, neque in accumulatione desiderabilium, nimiam amet prosperos secundæ fortunæ successus. Lynceis oculis perlustrauit commendationem fortitudinis Romanæ facundia patens Tullius, qui humanæ vitæ retentens officia, inter ea splendidissimum pronunciare nullus ambigit, quod animo magno elatoque magnasque res despiciente factum sit. Celebre hoc Elogium, non minus ad virtutis ipsius appositè dignitatem, quàm ad veritatis Oraculum Apollinis trypode diuinius inscripsit. Enimuerò, si fortitudo præstat magnanimitatem in arduis, fiduciam in aduersis, securitatem in periculosis, magnificentiam in dubijs, constantiam in prosperis, tolerantiam in grauibz, firmitatem denique in perplexis negotijs, quantam putatis, & quàm excelsarum virtutum trahit in sua præconia cateruam,

tot filiarum fecunda Mater? Illa nauum agricolam, ob spem feri fructus, graui & longo labore subigentem arua, vt canat, excitat; illa splendorem Dynastis inuicti animi magnitudine conciliat, illa robur omni vitæ officio necessarium promouet & conseruat. Illa est certum ærumnarum solatium, illa calamitosæ tēpestatis anchora, illa semen gloriæ perpetuum, vt non immeritò eloquentissimus ille Romanorum Philosophus, locum quendam cœlis omnibus superiorem, vbi Beati æuo sempiterno fruuntur, attribuerit illis, qui aditum in Patriam, fida pectora opposcentes pro eius incolumitate, hostibus intercluserint, nihili præ illius amore, res humanas, vitam, & sanguinem æstimantes. Hæc permoti virtutis excellentiâ, & non intermoriaturæ vnquam gloriæ siti ardentes, quæuis terribilia, imperterritâ mente sunt aggressi gens Martia Romani, qui nullum genus mortis, quæ omnium timendorum maximè terribilis est, exhorruerunt, cuius fortiter oppetitur, celebres haberent quauis posteritate laudatores. Hæc, Curtium, in abditissimos voraginis nulla congerie telluris explendæ recessus, iniecit. Hæc Fabricios paucos potentes, ad Orbis imperium vocauit. Hæc fortissimis Scipionibus, ad veterum ornamentorum titulos, post superatas maiores Orbis partes, noua cognomena Africani & Asiatici superaddidit. Hæc Mutiorum, Brutorum, Deciorum, Fabiorum, Curiorum, Catonum, continuatis

nuatis per tot sæcula præconijs, à vetustissimo ad nostram vsque memoriam æuo, nomen & gloriam trāsmisit. Verumenimuerò, quid iuuat eorum percensere laudes, qui tantum à veræ fortitudinis absunt e-logijs, quantum à participatione Diuinæ gloriæ, quæ sola solido fundamento illustrem à Clarissimis Viris rerum gestarum excipit immortalitatem, sunt extores. Fatuos isti perituri splendoris consecrati sunt ignes, inanem popularis auræ captantes fumum, & pro magno ducentes prothymiam, si eorum facta, tempestate succedanea hominum durante memoria, recenserentur; de quorum tum laude plurimum quādoque detraxit, aut imbecillitas animi, vitam in periculis fastidians, aut desperati mediocrium ad euadenda discrimina successus, aut ignotus vitæ melioris amor, aut impotens vliscendi hostem cupiditas, vt ambitos ab ijs splendores, non parum caligo temeritatis, vel etiam stultitia oberrante immoderatus impetus obfuscârit. Illa illa demum vera est fortitudinis gloria, quæ nullis mortalitatis terminis potest circumscribi, nullâ obliterari vetustate, nulla dubiæ fidei periclitari memoriâ, quæ beato ac æterno æuo perseuerat, & deuictis hostibus, cœlestis Patriæ Ciuium, eandem ob causam sempiterna felicitate triumphantium, cultores suos in naturæ Diuinæ consortiū, Summo DEI Opt: Max. beneficio, eleuatos coetibus interserit; quæ in præsens pro veritatis Supremæ

V u Oracu-

Oraculis asserēdis pugnat, ritus auitæ Religionis tuc-
tur, aras & Tempia defendit, veri Numinis honorem
zelat, iura & immunitates Antistitum conseruat, nul-
lumque discrimen æstimat, cui non caput, studio Di-
uinæ laudis amplificandæ animosè obijciat. Quā in
re fidei Diuinæ in Nostra Polonia, Duces, & Autho-
ritate Sedis Apostolicæ vncti Reges, (verbo absit in-
uidia) præiuerunt Christianis Principibus exemplo,
Miecislai, Boleslai, Vladislai, Crispi, Præmislai, Lo-
ctici, Jagellones, Casimiri; quorum triumphi Orbi
Christiano sunt notiores, quàm infans lingua, eorum
præconijs celebrandis sufficiat. Dicerem hic Tuas
laudes Audax Boleslæ, si constaret te, atrociter occi-
si Sancti Stanislai Cracouiensis Præsulis, culpam &
pœnam diligenter expiasse. Tua verò tacere nequeo
præconia Boleslæ Chabri, qui cùm Sacra Fide susce-
pta simul militiæ instituit acies inuictas Polonorū,
vt ad Sancti Euangelij lectionem, exsertis ensibus se
pro ea mori paratos denunciarent: quem fidei pro-
pugnandæ zelum, abundè sic remuneratus est Orbis
Supremus Monarcha, vt Te quadraginta victorijs
triumphantem in terra, æterno accensuerit cœlestium
victorum, vt creditur, triumpho. Quid vos Vladi-
slai memorem? quorum nomen ipsum celeberrima-
rum victoriarum omen est. Quadraginta millia pri-
mus ad Płowce hostilis exercitus cecidit, & Scharium
trium hastarum, quibus in eo prælio transfixus erat,
ornamen-

ornamento decorauit. Secundus quinquaginta signa
cùm cepisset, totidem millia militum ad internecio-
nem deleuit. Tertius gloriosè pro defensione fidei
ad Varnam occubuit. Quarti recens est victoriarum
memoria, quæ multorum Scriptorum ingenia lassa-
uit, typorum notas obtudit, Chalcographorum præ-
la depressit. Fecerunt illi, vt Noster Serenissimus
Rex IOANNES CASIMIRVS, inter exten-
tas Prouinciarum ditiones, gloriosior, de tot tantif-
que hostibus obtentâ victoriâ triumpharet. Sed iam
Regum fortitudine commemoratâ, etiam eorum
saltem meminisse decet, qui nostra memoriâ aliquid
consilij vel opis attulerunt, eodem fidei defendendæ,
quo Reges ipsi zelo inflammati, Zamoyscij, Zoskie-
wscij, Chodkieuicij, Wisniowiecij, Koreccij, Chmie-
lewscij, Koniecpolscij, Kalinowscij, Potoccij, Piase-
cinij, qui omnes huc suos direxerunt in propugna-
da Patria conatus, vt integritatem Religionis Ortho-
doxæ tuerentur, & vitæ sanguinique pro eius asseren-
dis ritibus & libertate, minimè indulgerent. Sed
enim, quia mea in Vestræ fortitudinis commenda-
tionem debet Patres Religiosissimi conuerti Oratio,
non est quod diutiùs immorer exemplis ijs comme-
morandis, quibus aliquid præstare potuit humana vis
adminiculi, vt potè coniugum, liberorum, fortuna-
rumque ac dignitatum defensio; ad diuinioris proin-
de paginæ Heròes de sacra dicenti militia fermo fle-
ctendus

Etendus est, in quibus quamuis hæc commemorata non defuerunt ad fortitudinem incitamenta, tamen ita Diuinæ gloriæ zelus eluxit, vt reliquarum cogitationum motus omnes absorpsisse videatur. Subit proinde animum Razias ille, quem honoris causa Patrem Iudæi appellabant, grandæuus senex, & patriarum legum atque consuetudinum satis superque tenax, qui ab impio Nicanore ad incitas redactus, gladium in pectus adegit primum, deinde altiore diuini spiritus impulsu prouectus, illa muro desiliens super hostium agmen fudit, certum indignationis super Sacrorum contaminatione posteritati daturus argumentum. Quid verò aliud Vos Patres fortissimi vrisit, vt loco staretis immoti, certò non admissuri Hæreticorum præsidium, nisi grauis merus sacrilegæ diuinarum rerum profanationis? Effudistis toties viscera, pro Templo & aris, quoties indignanti moram hosti, responsum nullis perterrefacti minis, aut impendentibus periculis dedistis, Iudæi Machabæi fratres ad pugnam adhortantis exemplum & vocem secuti. *Melius est nos mori in bello, quàm videre malæ gentis nostræ & Sanctorum, sicut autem voluntas fuerit in cælo, sic fiat.*

Rediuium nobis exemplum in Vestræ pietatis zelo feruenti, Zorobabelis, Esdræ, ac Nehemiæ, aliorumque Principum illis coæuorum illuxit, qui inter impios hostium aduersantium gloriæ Dei, ac Templo Domini

Domini Ierolymis reædificando conatus, non desponderunt animos, sed alacrius inchoato institerunt operi, vna manu trullas, alterâ gladios ad violentiam reprimendam tenentes. *Noua bella in Monte Claro elegit Dominus*, liceat mihi Deboræ triumphatricis præana vsurpare, quando vnus Chorus ascetarum precibus ritu publico exsoluendis inuigilat, alter tormēta librat, copias peditum per muros disponit, sphæris ferreis machinas infarcit, animos militum acuit, ordinat excursus, admolientis hostis oppugnatorias loricas globis perrumpit, cohortes hostium perturbat, fulminantes tubos in præcipua exercitus capita dirigit, rudera, terram, lapides, fissis murorum voraginibus oggerit, & nauiter omnibus Martis officijs idoneis ad defensionem Templi Domini, Matrisque illius Purissimæ cultus propugnationem incumbit. Sed hem noua belligerandi ratio! quis vnquam simili vsus Imperator? quis vidit exercitus? quis audiuit aut scripsit Historicus! Reboant fulminantes machinæ, cœlestes imitatae fragores horrenda tonitrua, quid Vos? suauis plectro, dulci barbitō, incundo Symphoniacarum tubarum, tibiæarumque cantu in oeco turris altissimæ, ordinatis Sacrorum Hymnorum concentibus, eorum potissimum, qui laudes Virginis Matris Gloriosæ continent, rigidum Martis furorem temperatis. Diceret aliquis non immeritò, ad fortitudinis prodigium attonitus, adolescentes in flam-

mis Babylonicae fornacis tripudiare, quod non nemo admirans ex hostibus dixit, Aesopicarum cochlearum domibus incensis cantantium, lingua petulanti cavillando leuitatem; non expertus integræ mentis cōuiuium, & veræ in Dei auxilio fiduciæ imperterritam securitatem. Magna hæc est, quàm humana dicendi vbertas prædicare consuevit fortitudo: at Vestra cōgloriosior, quò maiore animi contentione, ad summum cum ea Diuinæ caritatis fastigium, nec irritò conatu ascendistis. Quid enim? Supremæ Veritatis Oraculum est: *Maiores caritatem nemo habet, ut animam suam ponat quis pro amicis suis*: si summus hic amoris gradus est, pro totius amoris & boni fonte occumbere? quæ iam vis eloquentiæ mortalium, Vestram tot tantisque periculis, & toties tentatam Diuinæ caritatis constantiam celebrabit? quoties hosti deditiōnem flagitanti, Vestram promptitudinem moriendi pro Dei gloria obtulistis, tot Martirij Laureas inuicti athletæ Christi emerulistis. Viuite viuite, sempiterna in coelesti Capitolio Corona beandi. Tu verò Nehemia Senex, veteris Synagogæ Protector, laudandus mihi recurris huc, iure meritò, quando excelsi tui animi robur, in mente sublimi AUGUSTINI KORDECKI, Claromontani Prioris, ad amussim Diuini spiritus operâ, video ac veneror expressum. Quantum Tua hæc vox valuit ad exterrēdos & confundēdos veri Dei cultus hostes infensiss.

infensissimos. *Deus Cæli ipse nos iuuat, & nos serui eius sumus*: tantum in ore Prioris Claromontani vtiliter ad confirmandos Fratrum Nobilitatisque animos potuit. *Deus ipse iuuabit nos, & Magna eius Parens, modicum quid erumnarum pro eius gloria sustinere*. O summam excelsi animi potentiam! O inuictum constantiæ robur! O admirandam celestis auxilijs spem! O inexpugnabilem in arduis periculis magnanimitatem. Viluisse visa fuit nonnullis apud ignauam & degenerem posteritatem, Maiorum parta victorijs libertas, nisi recens effuso sanguine à Clarissimis quibusque viris fuisset redempta, quis Dux & author redemptæ? Patres Claromontani. Ædes Sacræ, thesauris & omnium splendorum apparatibus expilatæ ac exutæ, extremos expectabant cineres, quis obstitit? Patres Claromontani. Exilium, Religio Catholica, & proscriptionem è Regno, quod olim ipsa constituerat, timebat, quis prohibuit? Patres Claromontani. Patriam ipsam, si loqui posset, non alijs usuram verbis ad referendas Vobis grates quàm his crediderim. Maximas Vobis & peregrinis vnâ cum filijs, & Ciuibus seruatis, ago gratias Religiosi Fratres Primi Pauli Eremitæ, illustres Clari Montis Incolæ, Magnæ Dei Matris fidei Clientes, meæ salutis apud Deum singulates Patroni, quòd furori hostium in Religionis Sacræ ac mei excidium ruenti, tantâ fide atque constantiâ restitistis, vt facile intelligat Orbis Christia.

Christianus, à paucis diuinitus affulgente auxilio, innumerabilem multitudinem Copiarum posse deuinci. Vos Filios meos ad Patrum vestigijs hærendum fortissimo exemplo impulistis, & ut arma in hostem per viscera mea grassantem generosè sumerent, strenuè præiulistis. Vos repentina Hæreticorum potentia, prostratos afflictæ Nobilitatis erexistis animos, & erectos assiduis apud Supremum Numen votis & supplicationibus piè confirmastis. Ibit ibit in feram posteritatem Vestri facinoris heroici gloriosa memoria, neque mea in remunerando tanto sumptu, ac rebus tam præclare gestis, grata vnquam desiderabitur voluntas. Nulla Vestram hanc fidelis obsequij ac impendiosi promptitudinem consepeliet obliuio, nulla temporis longinquitas, aut inuidiæ liuentis caligo, longè latèque Montis Clari iubar promicans obscurabit. Perennabit Vestræ victoriæ decus, & quacunque parte Orbis audietur, seruata à Regina Coeli Poloniæ nomen, semper Principatum meæ salutaris lætitiæ illustre Clari Montis fastigium obtinebit. Hic mea in posterum in procellosis bellorum fluctibus iacietur anchora, hic vernabit in ardua calamitate spes, hic donaria beneficentiam Summi Numinis & Virginis Matris, omni æuo secuturæ posteritati prædicabunt. Moenia ipsa tam citò post abitum hostiū resecta, inusitatâ gestire videntur lætitiâ, dum suæ tempestatis oblita, nouam induerunt faciem, quâ quosuis

quosuis deinceps aduentantis hostis ridere possunt conatus & molimina. En sumus (aiunt) quis Hector, quis Achilles, quis Scipio Numantinus, quis Cartaginis euerfor, quis Pelopidas Annibal, aut Epaminondas, nos arietet? Stamus ad ietus machinarum fulminatricum imperterrita. Sed enim dum longius in vastissimum Oceanum Vestræ fortitudinis prouehor, subit animum vis Bizantinæ oliuæ, inter incendia nullum passæ detrimentum, quinimò aduersitate fecundioris: sic Vestræ vires ab hostibus tot machinamentis melius diurnâ patientiâ exercitatæ & exagitatæ, viruerunt. Vnde enim illa maximis in periculis in turtis fastigio Musica, quam in luctu esse importunam Sacra prodiderunt Oracula: Inde faces ardentes micant, hinc suavis Echo resonat; inde tonitrua remugiunt, hinc concentu blando mulcentur aures; inde glandes ferreæ volant, hinc dulcis animo forti, serena ridet tranquillitas. O inuictam generosi animi fortitudinem, pericula contemnere, ridere, ludibrijs excipere, quando non ludicra petuntur præmia, sed sanguis & vita in censum venit ditissimum, & terror fulmineus hosti confirmato, spem victoriæ, & maiorem ad oppugnandum Coenobium audaciam subministrat.

Ad prudentiam deinde Vestram, quæ humanæ capacitatis excedit modum, accedo, nihil præclarum aut dignum laude geri posse sine illius directrice facultate,

cultate, in confesso est apud omnes, qui beatè viuendi normam penitus introspexerunt. Ea nimirum est consiliorum moderatrix, virtutum auriga, magistra vitæ honestissimæ, rerum gerendarum dux, perspicuendarum trutina: quâ stant vrbes, firmantur leges, æquum decernunt Iudices, sceptrâ tenent Reges; illa oculus futuri, præsentis negotij manus, antecedentium temporum cum sequentibus prouida temperatrix. Hanc qui desiderauerit in viri fortis facinoribus, non rectè functurum officio sanè iudicabit; imò temeritatem dixerit, aut insanæ audaciæ proteruam, qui absque illius directione vela ventis, & animum rebus agendis accommodauerit. Multa ea suadente atque dirigente, Vobis erant considerata Patres Admodum Reuerendi, circa fortitudinis laudem in medio statuendam. Quis enim est tam iudicio tardus, aut ingenio hebes, qui pensatâ humanarum rerum imbecillitate, non Vos primo coëptorum intuitu, temerarios in re præcipiti, & iam poenissimè desperata æstimaret Triarios. Ita quippe ratiocinari poterat, ut fecerunt iam plerique de Vestra constantis animi magnitudine metuentes. Quid tandem isti Patres agunt tanta potentissimorum hostium circumfusi nube? Notior est Orbi Succorum potentia, quàm ipsi domi habeant vires exploratas. Annis triginta incubuerunt Imperio Romano bello graues. Florentissimum exercitus Poloni robur Quartianorum legiones

legiones illis se adiunxerunt, & quæ tulerunt olim de diuersis nationib⁹ trophæa, ipsorum fascibus & potestati submiserunt. Nobilitas penè omnis iustam bellandi causam pace iniquâ redemit, quid amplius rebus afflictis Patriæ afferre possunt solatij artis militaris expertes, numero pauci, quieti, & vitæ paciori assueti, armis non satis instructi? Scilicet perspicacioris mentis oculo pericula prouidebunt, & illis amouendis à Republica media suppeditabunt, quæ totus non perspexit Senatus, aut non valuit opportunis remedijs amoliri. Anticyra tota vix eleboro purget tantam vesaniam, in scirpo nodum quærere, vel Gordium dissoluere, velle sapere post omnes, quorum intererat maximè omnium Ordinum dignitati, commodis, Coniugibus, liberis ac fortunis prospicere. Fecistis tamen, & Vestra Religiosa solitaria vitæ deuota capita, periculis grauissimis & extremis opposuistis, quâ mente, quâ fide, quâ constantia? Diuina prorsus. Enim verò, non ita rerum summa in extremo discrimine humanis consilijs, & remedijs committenda est, ut in rebus maximè arduis Diuini obliuiscamur auxilij, & tantum nostris confidamus viribus, ut his deficientibus nihil omnino videamur Diuinæ attribuere protectioni. Habuistis nostra memoria præsentissimum cœlestis auxilij monimētum Otthomannico bello ad Chocimum, quo antiqua brachij & potentia suæ miracula suscitauit Deus, ne funditus in-

teriret Polonia. Recentistis tot fidelis populi admiranda subsidia, neque ubi humana defunt consilia, aut vires ad hosti resistendum, parcam in ijs adferendis Numinis Excellsi dexteram reputastis. Sed enim dixerit aliquis gloriæ Vestræ inuidus Zoilus. Hoc fuit tentare Deum, & aut potentiam ipsius, aut voluntatem experimento subijcere. Quid? an DEO coniunctis, & toties Gloriosissimæ Dei Genitricis ope seruatis, non licuit plus ad Diuinum attendere suffragium, quàm humanas pensare vires? præsertim, ubi animus congregationis concors non abfuit, honorem Loci Sacri sanguine obsignandi, quod erat eximium Diuinæ voluntatis, in cuius manu corda & cogitationes humanæ rotantur, argumentum. Vbertim id Oraculis paginæ sacræ potest comprobari; nam cum incertæ sint cogitationes mortalium, & timidæ prouidentiae Nostræ, vt effatum canit Sapientis; quonam modo eo fundamento actiones humanæ innitentur, vt non ruant, semper vtrique ambigæ, perplexæ, & incertæ. Quis enim hominum poterit scire consilium Dei, aut quis poterit cogitare quid velit Deus! cogitationes enim mortalium timidæ, & incertæ prouidentiae nostræ, corpus enim quod corrumpitur aggrauat animam, & terrena inhabitatio deprimit sensum multa cogitantem. Et difficile æstimamus quæ in terra sunt, & quæ in conspectu sunt, inuenimus cum labore. Quæ autem in coelis sunt, quis

quis inuestigabit? Sap: 9. Est autem vis quædam diuinæ motionis superior mentem illustrans, & ad res agendas eam forti & ineluctabili molimine confirmans, quæ quis aggreditur terribilia ausu constanti, non sine tamen periculi consideratione, & ad mendendum ei mediorum adhibitione prompta, vt ei sociata fortitudo sit considerata periculorum susceptio, & laborum perpeßio, vel affectio animi in patiundo ac perferendo, summæ legi parens sine timore, quemadmodum Philosophus & Orator Latinus definit iustam prudentiæ fortitudinem. Quonam igitur pacto vel pericula considerabimus, si maiora occurrant, quàm ea solùm naturæ lumen possit consequi? vel inutili molestia perpetiemur labores, quorum nulla perspiciamus præmia! vel summæ legi parebimus, quam altiore mentis indagine non fuerimus perscrutati! vel sine timore agemus, nisi altiore lumine quid timendum hic occurrat, inuestigemus! neque enim ad altiùs discrimen exploranti lumen, apparent tanta, quæ tantoperè timenda humanà ratio sibi relicta, potest apprehendere. Exemplo rem illustrabit virago gentis Hebrææ fortissima Iudith, quæ vt definitū à Principibus Sacerdotum tempus deditionis vrbs inaudiuit, sic eos proditur sacris literis allocuta. *Qui estis vos, qui tentatis Dominum? non est iste sermo, qui misericordiam prouocet, sed potius qui iram excites, & furorem accendat.* Constituerat nimirum Ozias Sa-

cædorum populique Princeps, tradere Bethuliam intra dies quinque. Fatigatus Senex importuna voce obstrepentium, quid aliud multitudini sibi exprobrandi temeritatem poterat respondere, quàm dies expectandos quinque? non quod ita sentiret ipse, sed quoniam inconditis plebis clamoribus urgeretur. *Judicer, aiebant, Deus inter nos, & Te, quoniam fecisti inter nos mala, nolens loqui pacifice cum Assyrijs, propter hoc vendidit nos Deus in manibus. Melius est ut captivi benedicamus Deum viuentes, quàm moriamur, & simus opprobrium omni carni. Quid ille igitur? A quo animo estote Fratres, & hos quinque dies expectemus à Domino misericordiam, forsitan enim indignationem suam abscindet, & dabit gloriam nomini suo, si autem transactis quinque diebus non venerit adiutorium, faciemus hæc verba que locuti estis.* Quanto altius assurrexit Tua prudentiæ solertia Claromontana Prior, qui sapientissimè firmam spem Diuinæ opis humanis ad repugnandum medijs coniunxisti, ut nec certum expectationi auxilij coelestis præstitueris diem, quod Deum tentare fuisset iudicio Iudithæ, nec suscepta humanæ defensionis consilia, ob spem adiutorij superni neglexeris. Hic verò Tuo adamantinam constantiam induere animo fuit necesse, quando eam tot machinamentis, non Nobiles duntaxat, qui longæ obsidionis pericula fastidiebant; coniugum, liberorumque calamitatibus indulgentes; sed Fratres etiam plerique

plerique ut olim Bethuliani, pacatam (ut hosti credebant) deditionem flagitantes, oppugnabant. Quoties ô quoties tecum ipse certasti, ne aliquorum indignationi, aliquorum cauillis, aliquorum exprobrationi, aliquorum timiditati, aliquorum duriori etiam importunitati sollicitatorum, quos frequentius hostis subornauerat, succumberes. An non sola hæc ad conquassandum firmiorem ipso adamante mentis stabilitatem poterat esse fatis ad Tribunal Supremi Vindicis iniuriarum prouocatio? Videat Prior, & ei adherentes Consiliarij, quid agant deditionem morantes, sanguis noster de manibus eorum requiretur. Atque ut ne hæc quidem grauissima persuasione arietatus, Te ipso Superior euasisti, iam Tui triumphator, nihil succensens obtreccationi, securiore fiducia hostem aggressus es. Diuina igitur Te rerum fugiendarum expetendarumque scientia munierat ad tantos impetus retundendos, ut nihil omninò possit inuenire liuentis inuidiæ hircus, quod Theonino dente de laude fortitudinis prudentis, & prudentiæ fortis decerpas. Voluere in lacus Stygios maligne liuor, Superior est AVGVSTINVS KORDECKI, quàm ut ipsius excelsi animi fastigium depressurus attingas. At enim, ut magis perspicuè constet omnem rem examinanti, nullam temeritatis notam hic suboriri potuisse: videamus, quæ media humana, ad spem animi nihil fluctuantis, occurrebant. Rupis solidæ,

Z. z. 2 in qua

in qua extructum est Monasterium, firmitas obstinata, quæ ad eruenda moenia accessum per cuniculos, hostium conatibus negaret, vitæ necessariorum abundantia, tormentorum bellicorum, & pyrii pulveris ac globorum copia, de aduentu auxiliorum Copiarum crebra nuntia, & Serenissimi IOANNIS CASIMIRI pia & diligens circa defensionem Loci Sacri, quam frequentiores amicorum literæ obfessis perferebant, sollicitudo. Hic verò aperitur mihi campus in Tuas excurrendi laudes Reuerendissime Pater Provincialis, per Poloniam & Silesiam Theophile Bronowski, qui firmatis Patrum ad strenuam propugnaculi defensionem animis, opera & consilio nusquam defuisti. Quid memorem longiorum itinerum molestias, quæ frequentiora adeundo Principes in Republica viros confecisti, ut cum ijs Tua communicares consilia, Monti Claro salutaria futura. Adijsti S. R. Maiestatem Dominum Nostrium Clementissimum, ut exposito Monasterij calamitoso statu, Copias auxiliatrices Fratribus submitteret, quod obtinuisti, fortissimis ea tempestate viris, ad eam Provinciam designatis. Rem ut verbo complectar; sicut aquila perspicax in altum libratis per aëra pennis pullis prospicit, ne aut ab hoste in suo nido infestentur, aut ne quid desit illis victui necessarium; ita Tu pius ac diligens Ordinis Tui Pater, ne quid horum filijs deesset, accuratâ sollicitudine laborasti. Versabatur

batur Tibi ob oculos imbellis coetus, nullis militari-
bus experimentis exercitata virtus, tanquam innocentum agnorum in rabidi leonis fauces rutura. Versabatur pacata quies, cui se deuouerunt Religiosi, militum ferociâ perturbatâ. Versabatur infirmorum & senum morbo ac ætate contracta timiditas, ne fortioribus generosa defensionis labefactaret consilia. Versabatur, quod & maxima cura pectus Tuum sollicitum vssit; Loci Sacri deuastatio, suppellectilis Deo eiusque cultui dicatæ conflatio, Diuinæ laudis cessatio, Templi altariumque ab hæresi ferociente profanatio, & atrox Sacerdotum cædes; quæ omnia non minus diligenti opere, quam generosa fortitudine, & summa prudentia amoliri studuisti. Magnas Tibi Tuus Ordo agit gratias, quod in eius incolumitate conseruanda, tot labores exantlauis, nisi enim Te Atlante in Monte Claro effultus stetisset, magnam ruinam in viris pietate doctrinaque conspicuis, quorum hic flos est ac portio illustrior, accepisset.

At enim; quia omnes huc pro modo Vestro consilium, operam, vires contulisti Patres Religiosissimi, ut Montem Clarum Sacrum seruaretis, robur Vestro exemplo militarium virorum accenderetis, & propugnaculi Vestri celebritatem, ad remotissimas quasque regiones transmitteretis, Vestra fide, constantia, fortitudine, atque prudentia; æquum est, ut omnium aures Martio adhuc strepitu resonantes,

iucundissima vox gratulationis demulceat. Non ego solus, quis enim ego, ut id nomine multorum audeam? sed omnes quicunque pietatis ergo in Matrem Misericordiae huc ventitare solent, eam Vobis superatae hostium pertinaciae felicitatem gratulantur. Non in Orbe duntaxat Christiano, verum in omni plaga mundi audietur. Vnum in Polonia Monasterium Clari Montis, Patrum Eremitarum Sancti Pauli Primi Eremitae, duodecim millibus exercitus cinctum, bimestri hostium assultu expugnari minimè potuisse. Desiderabit Orbis vniuersus, nosse nouae militiae viros, qui labores Herculeos æmulati, excelsi animi magnitudine Sueticam potentiam contempserunt, fregerunt, proculcarunt. Non fabulosi Iouis Statoris auspicio, uti olim Sabinorum Romani, furorem hostis in Regnum sine causa grassantis, hic ad Montem stitistis Patres Religiosi, sed Reginae Poloniarum Gloriosissimae Dei Parentis beneficio, ac tutela, optatum precum Vestrarum exitum estis consecuti feliciter, quia non Ioui, quem vana superstitio commenta est, sed Aeterno ac Supremo Numini pro incolumitate Patriae supplicastis. Mons Clarus iam Stator est Polonorum, qui repentina commoti Regis Suecorum irruptione, perturbatis aciebus non nihil titubare ceperunt, hinc singulari Deiparae Virginis protectione in Ordines suos reducti, acriter in hostem inuecti, iam stant pro Patria

tria imperterriti, nulla vnquam statione quouis periculo submouendi. Hinc Summus rerum Moderator, pugnam instaurare iussit ad confusionem hostium, vberemque victoriam largiri coepit. Stator idem est Mons Suecorum potentiae, cuius ad hanc petram, quae refugium est Polonis, vires nunquam reuendas attingit. Et mea hic iam, nam nunquam tutiore stabit Clari Montis crepidine Oratio, si prius Vos non adhortationis ergo, sed beneuolentiae argumento alloquar. Statuistis pedes Vestros in loco spatiofo Montis Clari, sic ut non commoueamini vnquam Religiosissimi Patres, sic state in Domino, ut ante Thronum Agni legionibus albi exercitus connumerati stetis aeternum. Stetistis Sueco, fide, constantia, fortitudine immobiles, quia prius Vestri quam hostium triumphatores. Fortior est qui se, quam qui fortissima vincit moenia. Nec aliter stetissetis, nisi earum rerum, quae populi opinio sperare aut timere solet, strenui contemptores nutare in alterutram partem animo destitissetis. Vna Vobis mens, vna voluntas, vnum propositum pro Dei gloria mori, quis illud metuat? quis non exoptet? optare autem ij possunt, qui contumaces stant oppugnationi Diaboli, sub illius Montis protectione, cuius fundamenta in montibus sanctis eminent Gloriosissimae Dei Parentis solo Deo minoris. State igitur animo excelsi, periculis imperterriti hosti terribiles, viribus

Nova Gigantomachia

infracti, victorijs gloriosi, palmis immortales. Vi-
cistis hostis arrogantis superbam insolentiam, caute
ne ipsa mole victoriae oppressi, armato fortiori, curio-
so non minus quam inuido gloriosè gestorum ex-
ploratori, succumbatis. State incolumes,
vivite florentes, triumphate beati æter-
na beatitate, felicissimi
perennate.

D I X I.



Augu-

in Claro Monte Cæstochouensi.

Augustissimæ Cælorum Terræq;
Imperatrici

VIRGINI DEIPARÆ,

Polonorum Sospitrici,
ob vitam servatam.

ODE TRICOLOS TETRAST.

In Claro resonant MARIÆ Monte triumpho.



Vicunque laudes addere laudibus
Gestitis, alma Es plaudere Virgini,
Spectate mirantes trophæa

Parthenio bene fixa monte.

Quæ fixit, atra victor in ilice

Anebisiades, de Danaïs Ioni,

Æuo satiscunt longiore

Temporibus reticenda seris.

Et quæ Briareus centimanus, polo

Factavit audax culmina montium,

Regno potiturus Tenantis

Inunda dente premet vetustas.

Et quæ, superbâ mole cacumina

Erexit astris Memphis, & Rhodium

A Sole clarentem colossus,

Nubila nox styge merget atra.

Bbb

Aſt

Nova Gigantomachia

*At Tu perennis sta melioribus
Mons Clare signis, quo sibi gloriam
Locavit eterni decoris*

Alma Dei Genitrix MARIA.

*Non inuidendo robore Caucasus
Non alta moles Acroceraunjs
Prærupta saxis, tardioris
Inuideat Tibi robur æui*

*Orebe summo vertice nobilis
Flammas, virenti non nocuas rubo
Submitte Czeszochouiensi, &
Da melius rutilare, Monti.*

*Vides ut igni cinctus ab arduo
Ridet superbas Heretica minas
Phalangis, & rami recensitis
Viuida dona refert ab igni.*

*Et Thabor alto fidere clarior,
Quem Gloriosus luce sua beat
CHRISTVS, coruscum triumphanti
Adde iubar, socio fidelis.*

*Natus Supremi Numinis induit
Te luce Solis, luce serenior
Vestita, Solari puella
Fac rutila micet ut trophæo.*

Et tu

in Claro Monte Czeszochouiensi.

*Et tu Sinai, cedo tonitrua,
Que fulguranti lampade fulminas,
Autore legis detonante,
Quos metuat populus fragores.*

*Vides ut isthoc Monte tonitrua
Elsa Suecis incutiant metum,
Dum tela mirantur suorum
Exitium cuneis datura.*

*Fies Sacrorum, tu quoque montium
Mons Clare consors, quem Deus Optimus
Dignatus est tanto decore
Virgineâ prece tutiorem.*

*Ergo virentes nectito Laureas,
Palmasq, letis figito postibus
Quas nulla decerpit Megera.
Palmigeri pia turba Patris.*

*Feralis alto mugiat æthere,
Que robur hostis machina terruit,
Victoriosum munus edant
Tympana, sistræ, lyre, cinyre.*

*O lux, Beati Sanguine Martyris
Perfusa, felix, lux Stephani nece,
Que gloriosior Tonantis
Hoc decus occinuit, parenti!*

Bbb z

Sed

Nova Gigantomachia

*Sed lux, amoris dote beatior
Quando Ioannis pectora combibunt,
Arcana celestis Magistri,
Delicijs placidi supernis.*

*Hic, Matris Almae Numinis affecta
Es concionis Virgineae decus*

*A Monte Claro triumphat,
Herescos mala fluctuosa.*

*Custos sacrati pervigil agminis,
Intendit acri militia minas
Gustaviana, Dux Polona
Omne prosperior cohorti.*

*I dira calis Hæresis, & procul
Deuota stagnis Tanarivs, pia
Quam sede deturbat Ioannes,
Fulmineo metuendus ore.*

*Dilectus ergo discipulus die
Sibi dicata, submovet agmina
A Monte Sancto stant serenis
Agmina Celicolam triumphis.*

*Vidit IOANNES pectore celicæ
Regis IOANNIS pectore condita
Arcana vota gestientis
Virgineo dare dona Monti.*

O Nate

in Claro Monte Czeszochouensi.

*O Nate IESV sit tibi gloria,
Qui fausta noctis gaudia gaudijs
Auges decoris. O IOANNIS
Lux memoranda perennitate.*

*Lux digna gemmis, lux pretiosior
Auro, coronis, digna pyropijs,
Et laureatis digna fectis
Digna coli xenijs perennè.*

*Et lintheati dicite Mstowij
Patres triumphos, Virginis inclita,
Vicina quos securiore
Presidio tenuit latentes.*

*O quot micantes strinxit acinaces
Furor peratrox in trepidantium
Novis periculis Clientum
Pectora! quis numeret? quis eheu!*

*O quot soporis lumina nescia
Hostile cellis compulit egredi
Nefas! & horas radiosæ
Per vigiles numerare gallos.*

*Quâ laude Nomen dulce Tuum colam?
Quæ lingua cantus obstrepet arida?
Qua iam labantes excitasti
Spe meliore Tuos Polonos.*

Ecc.

O Virgo.

Nova Gigantomachia

O Virgo Summi Filia Patris, &
Mater Superni Maxima Filij,
Et Sponsa Pneumatis beati
Hereticis domitis triumphas.

Salve Poloni gloria Climatis
Regina Salve, delictum, decus,
Munimen, Iris, Spes, Voluptas,
Anchora, Praesidium, Columna.

Vides! IOANNES REX CASIMIRUS ut

Te supplicanti poplite cernuus
Adorat, implorans benigne
Matris opem, Lechia ruinas.

Illachrymantem porrigere dexteram
Plebi, fauentem cladibus obruta,
Sat busta fumarunt Clientam
Usque Tuae miserere gentis.

Nocturnus ignes Iuppiter aethere,
Dum pascet alto, vortice Vandalus
Dum curret, illustres MARIÆ
Sarmatis ora canet triumphos.

Ob Seruatam vitam feruorum minimus pangebatur
Stephanus Damalewicz.

Admodum

in Claro Monte Czeszochouensi.

Admodum Reuerendo Domino,

D. AVGVSTINO KORDECKI
PRIORI

ET

Vigilantissimo fortissimi ac inuiditissimi
Cœnobij Claromontani propugnaculi

COMMENDATORI.

Thomas Angelinus Siemysycki, Philosophiæ ac Medi-
cinæ Doctor, diuinitus partem victoriam
gratulatur.



Lari Magne Prior, Dei fauore
Montis, lumine clariore per quem
Occipit radiare, dum superbus
Suecus bella parat sacratori
Ædi, seuitiâ tumens feroci.
CORDECI Decus Eruditorum
Et purum iubar ætheris corrusci
Palmâ Virginea, & sacro triumpho:
Te Dei pia gloria Cupido
Alis subleuat aureis in Astra.

CCC 2

Vicisti

Nova Gigantomachia

Vicisti meditatione cautâ,
Et iusta salebras truces minarum
Ingentem reboantium timorem,
Cum spe precipiti Bonum vorabant,
Quod pax Sarmatiae fouebat alma,
Gentes barbarie fera marina
Crudeli populando vastitate
Aras, Tempia Dei, focos, penates.
Has Tu spe tumidas leui phalanges,
Magno robore, fluctuantis expers.
Rides consilij, premis, triumphas.

Felix Serue Dei, & Tuae potentis
Diue, laude fer hanc benignitatem
Summi, dantis opem Lecho, Tonantis.
Hem miracula iam labante mundo
Quantum per gelidos, tonant Triones!
Suecos mancipium tenent MARIÆ.
Serui: mira cano, stupete gentes,
Et tu Phœbe parens serenitatis
Lustra gaudia lata Sarmatarum
Et per climata defer Orbis ampli.

Cui non abdita cordis & medullas,
Miranti decus hoc nouum perurat?
Quando Cræsti Parens Poloniarum
Dextrâ continuuit potente sceptrum.

Regis,

in Claro Monte Czystochouienfi.

Regis CASIMIRI? tenetq; clauum
Vestris Lucicole in Sacriariolis.
Semper prompta quidem tulit MARIA
Certam belligeris opem Polonis,
At nunc explicat ampliora signa,
Ad care Lechia viros tuendum
Quis non occinat! Id plaude, gaude,
Gaude grandibus auctior triumphis,
Gaude Magna Dei Parens MARIA.

Tu Regina Poli, & Poloniarum,
Constanti solidas fide clientes,
Optata reparans quietis arrham
Mœrenti populo, sereniore
Dum lustras oculo graues gementis
Sub Sueca Lechia tue querelas:
Et firmas animos ad eruendum
Hostem finibus, & focis paternis,
Sub signis studij quietioris,
Paulus quos tēnet arctiore nexu,
Et quos submouet à Gradivo Erebus.

Felix concio, quæ latens Erebo
Martis Monte Sacro trophæa figit,
Te candore suo induit nitentem
Pallens Religio: palestra facta
Vnde es Martigenum, acriter retundens

Ddd

Audaces

Nova Gigantomachia

*Audaces hominum nefariorum
Vires, tela, globos, faces, farissas
Huc γιγαντομαχας Duces adeste,
Montem cernite Czesztochouiensem,
Vestros despiciat ut superstes ausus!
Turpis consilij nefas videte.
Tabo corpora quam iacent fluente
Campis undique sparsa luctuosus!
Atrox Hæresis aspiciat Mons hic
Quam ferale Tibi stetit sepulchrum!
Specta quid queat Ordo Eremitarum
Es grates age Numini Viator.*



*Admodum Reuerendo Patri,
P. AVGVSTINO KORDECKI,
Ordinis S. Pauli Primi Eremitæ, in Monte
Claro Czesztochouiensi
DIGNISSIMO PRIORI.*

*Defensum contra impugnationem Suecorum Clarum
Montem Historicè describenti,
accinit*

L. B. Soc: IES V. Am. C.



*Ollam signis signa ferocibus,
Succiq; fractas sidere prospero
Iras & insanum furorem
Virgineo domitum fauore;
Fastis recenset; fortis & impiger,
Gothum potenti frangere dexterâ;
Et hostis AVGVSTINE fracti,
Ambiguas reserare fraudes.*

*Legèris Orbi quâ latijspatet
Campus Camænis, quâque tenax Fides
Laudis MARIANÆ triumphos,
Supplicibus veneratur aris.
Quin & dolosis Hæresis artibus
Insuetâ discet, (torua licet feros
Visus retorquens) quanta crescant
Virgineæ monumenta Dextra.*

Ddd 2

Hem!

Nova Gigantomachia

Hem! quantus armis! quantus & arduis
 Martis periculis, Dux Gothus aduolat,
 Saevoque coniurante Marte
 Signa ruunt, galeaeq; strident.
 Quaecunque Monti pronior incubat
 Vallis decoro: (quæ Cereris ferax
 DIVA M coronabat) furentis
 Hacce seges fluitat Gradiui.
 Ferrumq; spargit. Iam Peditum graues
 Flagrant Caterua, iam micat igneis
 Sclopiis refulgens multa circum
 Calcat eques fugitiuus arua.
 Millerus acri consilio mouet,
 Fraudemque, Roburque, & rigida indolem
 Crudam Minerua: quotquot atro
 Clausa habitant Phlegethonte Diræ.
 Producit omnes. Terra prius graui
 Effossa sulco, restitit impio
 Fortis ligoni, atque obstinata
 In Terebram, referare rupem.
 Ceu marmor arcet Marmore durior
 Millerus instat; saeva q; fulmina
 Minatur Aris, cum frequenter
 Viminis reuoluta claustris
 Tormenta surgunt, plena q; nitreo
 Bacchantur igni! grando ubi ferream
 Illidit ad murum procellam
 Cum tonitru crepitantis æthra
 Spectabat Astris, nube super leui
 Prouecta, denso quam nitidum tegit
 Decore lumen, quam micantes
 Sideribus tetigere flamma.

REGINA

in Claro Monte Cæstochouienfi.

REGINA Cæli, proque DOMO suâ
 MENSAQVE multum sollicitam mouet
 Cordis querelam. Me profanum
 Sic patiar temerare ferrum
 Furentis Hostis? Tempa meis diu
 Sacrata vecors franget Honoribus
 Quæ VIRGO Supremiq; MATER
 Numinis, ipsa meus gubernò,
 Frenosq; iussis? nec mihi Dextera
 Ignaua bello, non animi impotens
 Robur, timemus! præsto nobis
 Sunt acies, beneq; ordinatæ
 Candor Phalangis: Paule tuos mihi
 Scribo Sodales. Signa Tuus volo
 Designet, AVGVSTINVS; armis.
 Ipsa animos sociumq; iungam
 Amore Robur. Sit pietas, decus
 Matris tueri nemo libens mori
 Detrectet, Aram si salutis
 Ingenuo reparare gestit
 Cruore, factus victima. Tam benè
 Quod Astra Sanctis cor precibus ferit,
 Et castra defendet MARIÆ.
 Est pretium, geminaq; laudis
 Corona maior. Dixit; & aureo
 Vultu renidens, quâ patet orbita
 Locusq; Murorum, feroci
 Nube premit, niueaq; pandens
 Sinus refusus Cycladis; extimas
 Turreaque, & altæ recta regens Domus,
 Templumque, consurgensque Sacro
 Manere, detenebrans Asylum.
 Eec

Subli-

Nova Gigantomachia

Sublimiori lumen effeo
 Immotasedit: ter Chybeum extulit
 Hosti minacem, ter tremendo
 Palluit ipse Suecus pauore.
 Sensitq; Diuæ pralia non pari
 Tentata voto. Iamq; ait Hosticus
 Insurgat agger. peruicacem
 Sola premam reprimamq; Virgo.
 Sexcenta quamuis fulmineis volent
 Infarta tadis pēla nocentibus,
 Igniq; succedens corusco
 Struppa agiles resupinet hamos.
 Non hæc prehendent tecta, quibus meam
 Dextram locaut. Cladibus at tuus
 Mollere discas: quæ dolosis
 Artibus ingenioq; præcep.
 Se pœna iungat. Iamq; ferox Suecus
 Formidolosis feruidus ignibus,
 Letafque castrorum cohortes
 Impauido moderatus astu.
 Lustrabat. Arci quâ propior patens
 Est campus, armis conspicuus suis
 Pompam Timoris duxit. Hæret
 Wrzeszczeuici populosus armis
 Ferroq; miles iungitur (ah! nefas!)
 Regis relicta Sarmatici fide,
 Suecisq; coniunctus Polonus
 Post Patriam, immeritumq; Regem.
 Et in PARENTEM bella ferocibus
 Ausurus armis (nempe parum nocens
 Crimen videtur, ni Supremum
 Flagitij teneat cacumen.)

Mille.

in Claro Monte Czeszochouensi.

Milleriana fortius emicat
 Robur Phalangis, quam Lapithæ truces
 Sæuiq; compleuere Finni
 Gens gelidâ reuocata ab arcto.
 Iamq; S tubarum clangor, S aneis
 Frigor balistis, tympanaq; S furor
 Vellent, pauorem per secretas
 Posse aditum reparare fossas.
 Terrore vinci non potuit locus,
 Inuicta virtus quem Superûmpio
 Fautore flebit, quem potenti
 Martis honor, Pietasq; dextra
 Fixum tuentur. Scilicet ad minas
 Fraudes dolosq; iungere iam placet?
 Et melle delibuta dulci
 Spargere peruigiles venena?
 Promissa vanis picta coloribus,
 Sub luce veri euanida diffuunt,
 Solisq; vultus irretorto
 Corripunt radio fugacem
 Falsinitorem. Nulla sub hosticis
 Fomenta Castris, S Pietas nocet
 Pallens veneno quam coacto
 Insimulat mala Sors Gradiuo
 At ô sinistrâ (sic placitum Polo)
 Quid hic morarum ducitis alite?
 Quid concatenato, furore
 VIRGINEI pia CASTRA Montis
 Stipatis? an non magna per obuios
 Strages maniplos? Sanguine non leui
 Redemptus aspectus Sacrata
 Arcis erit? Rescrata toruo.
 Ecce 2

Errone

Nova Gigantomachia

Errore tellus, non bibit Hosticum
 Tumens cruorem? quando ZAMOSCIUS
 Vir cultus armorum patenti
 Sole super, medioq; cælo,
 Spectante, pulchro feruidus impetu
 Egressus arcem, quos vigilantes prius
 Sors atra protrusit, seuero
 Ense meritis, vacuosq; riuos
 Tabo refudit. Nonne per arduos
 CZARNIECIANI pectoris indoles
 Effulsit ausus? (ô iuuentæ
 Egregium decus & venustas)
 O sitot annos viuere Cælica
 VIRGO dedisset, quos Gothicos manu
 Mactasse narraris Polonâ,
 Et proprio tumulasse ferro
 Heròds. hau: sed Virgo Dei PARENS
 Post iam fugator MONTE suo Succos
 Laudis redonatura lauru
 Te Superum decorat Coronâ.
 Sed mentis ardor, sed vigor igneus,
 Succoq; dispar pectoris impetus
 Fatalis æternabit, & con-
 sanguineos rediuius artus
 Fratris peruret. nec sine Numine:
 Ille & Succorum frangere pertinax
 Densas cohortes, & seuero
 Vindicias properare fato
 Urgebit. Ille & sua pericula
 Procul Polonis finibus eximet:
 Balhimq; confundens, pudendâ
 Classe iterum remeare tardam

Coget

in Claro Monte Cæstochouienfi.

Coget Stocholmum: quos humilis fuga
 Turpisq; vindex perfidia, metus,
 Et densa per naues suorum
 Funera, militiaq; cinget
 Pars magna fracta: nec miserabilis
 Luctus recedet, qui lacrymas Mari
 Affundet, & Suspiriorum
 In gemitu, geminabit auras.
 Ergo beatæ cincta cohortibus
 REGINA Cæli. Virgineos age
 Per Astra currus, & triumphis
 Conde tuos animosa Fastos
 Seruata Sanctis auspicijs, Tibi
 Supplex Poloni Gloria nominis
 Procumbit, & ponit Trophaum.
 VIRGO Tuo radians fauore.
 At Tu benignâ luce ferenior
 A Monte Claro prospice: nec diu
 Morare Pacem, sed virenti
 Fac redeat speciosa Oliuâ.
 Hæc me canentem CORDECI vigor,
 Et Suada dulci blandior impetu
 Adduxit. AVGVSTINE quantum
 Corde potes, potes ore tantum.
 Te firma virtus, & solidi integer
 Amor Decor, Fortibus asserit.
 Arcemq; defensam MARIÆ
 Te Duce, suspiciunt & Hostes.
 Sed erudita vis Sapientia
 Cultusq; prono flumine blandior
 Accenset Astris: te loquentem
 Mente audâ releget vel Orbis.
 Fff

In Auto-

Nova Gigantomachia

In Autoris Librum.



AUGUSTINE parascælis incendia corde
 Flammigerum quando pectus in astra leuas.
 Spicula **KORDECKI** pia torquet, in ardua cordis
 Cum premit hostiles, flammeus ipse faces
 Virginis excelsæ castrum simul ardet amorem,
 Illius in Montem dum benè facta canit.
 Quæ Sueci sacris dederunt incendia tectis,
 Colligit, & calamo promptus in astra leuat.
 Sic **AUGUSTINI** flammis rutilant, tamen illud
 Discrimen nobis, inter utrumq; datur.
AUGUSTINE capis de cælesti arce sagittas
 In cælum ignitos prouicit isle globos.

Anagramma.

AUGUSTINVS CORDECCIVS
SVCCVS IN CORDE GVSTAVI.

Gustaus quando Carolus Montem subit alnum,
 Ut locet in sacrâ celsa trophæa domo.
GVSTAVI SVCCVS laritas **IN CORDE**, sed ecce?
 Colchicus an melior? res bene gesta docet.

Aliud.

in Claro Monte Cæstochouensi.

Aliud.

TV SVECCO DVRVS AC IGNIS.
DVRVS ES AC IGNIS TV SVECCO quando rotata
 Tormenta in Suecos, scribis & ipse canis.

Fr. Petrus Lafota, Ordinî Sancti
 Pauli Primi Eremitæ Professus
 Presbyter.



63rd

